

3350
COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLVMINIS XIV. PARS I.

LIPSIÆ MDCCLXVII.

APVD IOH. FRIDERICVM GLEDITSCH

Venduntur etiam

Amstelodami apud I. Schreuder, Londini apud Io. Nourse, Parisiis apud
Briasson, Patavii apud I. Manfrè, Holmiae apud L. Saluium.





I.

Histoire de l' Academie Royale des Sciences,
Année MDCCLXI. Avec les Mémoires de
Mathematique et de Physique, tirés des Re-
gistres de cette Academie. A Paris, de l'
Imprimerie Royale. MDCCLXIII. 4. Hist.
1 Alph. 1 pl. Comment. 2 Alph. 17 pl. tab.
aen. 13.

h. e.

Historia academiae regiae scientiarum, vna
cum commentariis, ad annum MDCCLXI.

Postquam nuperrime illustris Academiae commen-
tarios ad annum MDCCLIX recensuimus, sequi de-
bebat Actorum anni LX enarratio. Verum quia Aca-
demia nondum ea publicavit, non putauimus diffe-
rendam nobis esse commentationum, sequentibus
annis scriptarum, quas iam in lucem emisit, recen-
sionem. Itaque de volumine, quod historiam et
scripta Academiae ad annum LX continebit, quam
primum id euulgatum erit, dicturi, referemus nunc
ad lectorem de eo, quod iam in manibus habemus.

Ex Historia enotabimus primum *observationes
ad physicam generalem spectantes.*

A 2

1. Cl.

p. 24.

1. Cl. GUETTARDI sententia, osteocollam formari depositione particularum ab aquis aduectarum ad radices arborum, confirmata est obseruatione Cl. DU TOUR, qui animaduertit in fundo canalis, quo aqua superflua ex horto quodam deriuabatur, natam magnam osteocollae copiam, in qua erant tenuissimae vltimi radices exsiccatae, quae facile inde extrahi poterant. Aqua autem illa venit a scaturigine, quae incrustationes lapideas praebet.

2. Describitur aurora borealis d. 28 Febr. 1761. Tirnauiæ in Hungaria obseruata.

p. 26.

3. Perticae lignae, quae simul sumtae 42 pedibus accurate factae erant aequales, vbi post aliquot annos rursus exactissime mensuratae, octaua pollicis parte longiores sunt deprehensae. Cuius extensionis causam Cl. LE MONNIER, quum eam calori attribui non posse intellexerit, fuisse suspicatur paululum humiditatis, in ligno residuae, quae, quum per superficiem ligni, quippe oleoso pigmento circumlitam, penetrare non potuerit, per extremitates perticarum iuxta fibrarum ligni directionem euaserit, easque simul in longum parumper extenderit.

p. 27.

4. Fossor, 30 annos natus, in loco quodam fodinae lithanthracum inter materiem ruinarum, quas ea ab aquis ex improviso irruentibus fecerat, inclusus, per nouem dies sine omni nutrimento vixit, praeterquam quod ter de illis aquis bibit, licet saepius clamore adeo se defatigasset, vt in somnum profundum incidisset. Extractus ex carcere suo, aerem quidem liberum sine incommodo tulit, sed somni per sex dies expers mansit, nec nisi post viginti dies debita diaeta recuperauit sat virium, vt posset domum redire, leucae quadrante distantem.

p. 29.

5. Meteorum igneum d. 12 Nouembr. anni 1761. paullo post horam quartam matutinam Francopoli

copoli in Agro Belloiouienſi, Diuione in Ducatu Burgundiae, Lutetiae Pariſiorum, et Hameti in Picardia ſimul viſum eſt aerem traicere, forma globi ingentis, vel dolii dimidiati, cum longa cauda ignea. Crepuit hic globus prope Diuionem cum fragore ingenti, qui aedificia quaſſauit; et innumerae ex eo flammulae deciderunt, quibus tamen nihil eſt incenſum.

6. A Rev. BACHELEY, Sacerdote Dioceſis p. 30.
Lexouienſis, Academia dono accepit collectionem foſſilium, quae olim corpora marina fuerunt. Adſpectus docet, ea fuiſſe primum terra quadam margacea inuoluta, quae deinceps in ſilicem abierit. Fecit hanc collectionem Vir Rev. ſummo ſtudio ad confirmandam ſuam hypotheſin, ſilices omnes naſci ex terra margacea per acidum quoddam, quod in hiſce foſſilibus a corporibus marinis ſuppeditatum eſſe putauit.

7. Oblata etiam eſt Academiae copia lignorum p. 31.
petrefactorum, haut procul a Medunta ad Sequanam effoſſorum.

8. Et Cl. DE LA CONDAMINE illi monſtrauit Amiantum albiſſimum, in montibus Tarentaſiae repertum.

Obſeruaciones anatomicae hic leguntur ſequentes.

1. Quum mulieri fulmine in colli parte poſtica p. 53.
taetae vena poſt horam ſecabatur, proſiluit ſanguis ad dimidium pedis, ſed mox ceſſauit fluere, poſtquam circiter vncia vna effluxerat.

2. Virgo, 23 annos nata, ſcorbuto erat tanto-
pere afflicta, vt cancri exulcerati in labiis et ore,
maculae violaceae, rubrae, fuſcae in cute, et exo-
ſtoſes in tibia et vlna apparerent, et ſanguis e vena
miſſus in pelliculam ſubnigram ſpiſſam, in ſero lim-
pido natantem, abiret. Hanc, quum omnis gene-

P. 55. ris remedia frustra essent adhibita, eiusque morbus iam ad summum gradum peruenisset, Cl. RAZOUT, Medicus Nemausiensis, consilium Cl. SAUVAGES secutus, perfecte curauit, solo vsus decocto *Solani scandentis*, seu *Dulcamarae*, quod remedium ille ab Ill. LINNAEO acceperat. Principio quidem peius inde se habere videbatur aegra, et post quatuordecim dies visu adeo priuabatur, praegressis capitis et oculorum lancinantibus doloribus: sed, continuato nihilo secius decocti huius vsu, post septem dies coepit imminqui omne morbi symptoma, et inde ab hoc tempore per duos menses haut intermisso remedii huius vsu aegra perfecte conualuit. Interea nulum ab eo incommodum sensit, praeterquam quod semel, vbi illud in nimia dosi sumserat, ardorem ventriculi quæsta est, quem nausea et vomitus est secutus; verum, intermisso per 24 horas decocti vsu, sponte cessauit hoc incommodum. Notatu etiam dignum est, remedium hoc suam virtutem exferere sine aliqua euacuatione per sedes, aut per vrinam, aut per sudorem, adeo vt dici possit malum tollere quasi per extinctionem, virus scorbuticum in ipsa sanguinis massa penitus destruendo. Haec virgo postea in febrem continuam simplicem incidit, quae breui et facile victa est remediis consuetis; id quod certe non potuisset fieri, si paululum virus scorbutici in sanguine fuisset relictum. Ratio autem propinandi hoc remedium haec fuit. De caule plantae recentis sumtum est quantum pendit drachmam semis: id, de mte inde foliis, floribus, et fructibus, minutim concisum, coctum est in aquae fontanae vnciiis sedecim ad dimidiae partis consumptionem. Cum colatura mista est aequa portio lactis bubuli, sed cremore suo bene priuati; inde haustus vnus datus est omnibus quatuor horis. Dosis autem plantae paulatim vsque ad drachmas duas aucta est.

3. Mulos etiam pituita contagiosa (*morve*), qui p. 58. morbus vulgo creditur equis proprius, affici posse, exemplo probatur.

4. In minori Balearidum insularum mulier peperit monstrum cyclopi facie. Fuit enim illi caput ingens, facies plana fere, cum vno tantum oculo magno, in medio sub fronte posito; alter oculus in summa fronte sub parte quadam molli, ad instar cornu prominente, delituit. Caput capillis longis, et totum corpus pilis fuit obsitum.

5. Puella, quae cum omnibus signis externis p. 59. pubertatis nata erat, quarto mense exacto, coepit pati menstrua; ceterum bona valetudine utitur.

6. Continuatur relatio de puella, quae quatuor annis sine alimentis, praeter aquam frigidam, vixit *). Ab aestate anni 1755. quo coepit in mensuris esse, usque ad annum 1759. satis bene quidem valuit, nisi quod sine grallis vix potuit incedere; sed veris initio iterum tantos in pedibus dolores sensit, ut parentes eam ad fanum quoddam Virginis Deiparae, auxilii causa, deducendi consilium caperent. Neque sine auxilio domum reuertit, quod maximam partem, ut sapienter monet Historiographus Academiae, ipsis itineris huius molestiis tribuendum erat, quum fanum sit in alto praeruptoque monte, per quem eam genibus nixam ascendere ac descendere oportuerat. Verum etsi nunc pedibus poterat recte incedere, tamen haut tam perfecta fuit haec curatio, ut spei parentum omnino responderet. Nam sub initium hiemis vacillavit rursus puellae valetudo, pedes circa malleolos leuiter intumuerunt, mensurorum et quantitas et qualitas minus recte se habuit, et ventriculus iterum omne nutrimentum, excepto pane et aqua, reiecit. Attamen temporis progressu haec incommoda sine medicina, cuius per-

*) vid. Comment. nostr. Vol. XI. p. 388.

taefi videbantur parentes, superauit natura; et sub finem anni 1761 puella valetudine vtebatur optima, quae plus quam annuo spatio haut interrupta fuerat.

p. 62. *Ad obferuationes chemicas progredimur.*

1. Cl. HELLOT parauerat butyrum antimonii cum duplo mercurii sublimati corrosiui. Cuius butyri, in aere liquefacti, drachmis septem cum dimidia affudit octo vncias spiritus vini rectificati; sic naftus est mixtum, quod post tres horas congelauit, et fere solidum euasit. Exiguo calore idem liquatur.

2. Idem V. Cl. cum Academia communicauit arcanam vernicis compositionem, quo Angli argento et orichalco colorem auri inducere dudum sciuerunt. Fit ex vnciis duabus gummi laccae, vnciis duabus fuccini flauis, gr. 40. sanguinis draconis in granis, drachma semis croci, quae omnia in vnciis 40 spiritus vini rectificati digeruntur vulgata ratione. Hunc vernicem metallo inaurando calefacto illinere oportet. Metallum sic inauratum, vbi aliquid impuritatis contraxit, facile aqua tepida purgatur.

p. 64. 3. Quum Cl. CADET chemice inquisiuit in naturam materiae, quae ab ardente Vesuuio defluit, inuenit, eam constare e ferro, paululo cupri, terra aluminosa, et terra quadam alia vitrificabili, quae cum acido vitriolico vnita cryftallos format filamentosas. Vnde coniicere licet, in visceribus montis magnam esse copiam pyritarum vitriolicorum et aluminosorum, et multo sulphure grauidorum; quo per ignis violentiam separato, ferrum, cuprum, illaeque terrae colliquatae fuerint, et vitrum opacum formauerint ope quarzi, quod istis iunctum fuisse, quaedam vestigia eius in materia a monte euomita docent. Quod quum ita sit, caussa etiam inuenta esse videtur incendii montis: quum ex Hombergia-

no experimento constet, ferrum cum sulphure commistum, ac parumper humectatum, sub terra incendi.

Commentarii huius voluminis scripta continent vnum et quadraginta.

I. *Abb. DE LA CAILLE commentatio de lunae parallaxi.*

2. Cl. BERTIN *descriptio planorum musculosorum, quibus tunica carnosa ventriculi in homine constat.* Auctor in hac tunica, quam antea Anatomici e duobus tantum planis fibrarum muscularium compositam esse docuerant, tria eiusmodi plana obseruauit semper in homine, ita vt inter interiora duorum istorum planorum, quod circulares habet fibras, et tunicam neruosam tertium dari videret, vndique fere expansum, inde ab orificio sinistro vsque ad curuaturam ventriculi minorem, quam aut nullatenus aut ex parte tantum inuestit. Ceterum quia descriptio tunicae musculosae ventriculi, quam Auctor hoc loco proposuit, non discrepat ab ea, quam Ill. HALLERUS iam in *Primis lineis Physiologiae* exhibuerat, vt metuenda Auctori videretur suspicio, quasi alienae inuentionis gloriam sibi arrogare voluerit: monet, se iam anno 1746. quum de ventriculo equino Academiae praelegit commentationem, huius inuentionis fuisse compotem, eiusque rei testem esse posse Academiam, HALLERUM contra anno demum 1751. inuentum suum publicasse. Quorum illud quemadmodum et Cl. BERTIN, et testimonium eius rei perhibenti Academiae Historiographo (p. 32.) facile credimus: ita, vt ne in HALLERUM cadat suspicio, quam ille a se amouere studuit, aequitas exigit, vt vicissim moneamus lectorem, *Primas lineas*

physiologiae iam anno 1747. Gottingae primum fuisset edita, et in hac libri editione eandem structurae ventriculi descriptionem, atque in altera anno 1751. facta, reperiri, volumen autem commentariorum Academiae Parisinae, in quo BERTINI commentatio de ventriculo equino legitur, anno demum 1751. in lucem prodierit.

3. *Observatio transitus Veneris per discum Solis d. 6. Jun. an. 1761. Agendici habita a Cardinale DE LUYNES.*

4. *Alia in Castello S. Huberti, praesente Rege, habita a Cl. LE MONNIER.*

5. *Observatio exitus Veneris e disco Solis in Observatorio regio habita a Cl. MARALDI.*

6. *Observatio eiusdem transitus, ab Abb. DE LA CAILLE.*

7. *Alia a Cl. DE LA LANDE.*

8. *Alia habita in insula oceani Indici, dicta Roderici insula, a Cl. PINGRE.*

9. *Cl. LE MONNIER annotationes ad praecedentem observationem.*

10. *Cl. DE LA LANDE examen parallaxis Solis per minimam distantiam limborum Solis et Veneris, tam Lutetiae quam in insula Roderici observatam.*

11. *Ei. Annotationes ad Cl. PINGRE' observationes in insula Roderici ad parallaxin Solis spectantes.*

12. Cl.

12. Cl. DE FOUCHY *observatio transitus Veneris sub Sole.*

13. Cl. LE MONNIER *continuatio annotationum ad observationem Cl. PINGRE.*

14. Cl. DE LA LANDE *annotationes ad computum transitus Veneris, Ephemeridibus, Connoissance des Temps inscriptis, ad annum 1761. insertum.*

15. *Eiusd. Annotationes ad observationem huius transitus Tobolii habitam.*

16. *Eiusd. Annotationes ad observationes eiusdem transitus, iussu Regis Daniae, institutas Hafniae et Nidrosiae.*

17. Cl. TENON *commentatio de quibusdam vitiis viarum vrinalium et partium genitalium masculini sexus.* In duobus puerulis, quorum alter duos men- p. 116.
ses, alter tres vixerat, pro vesica erat protuberantia membranacea, forma mori, extrinsecus conspicua super osse pubis, in qua terminabantur vretes, et per cuius duo foramina guttatim effluebat vrina. Ibidem erat etiam umbilicus positus. In altero horum infantum coles aderat, sed monstrosus et non perforatus; alter carebat cole, scroto, prostaticis, et vesiculis feminalibus, testiculos vero habebat inter duas cutis plicas, quae vulvam aliquatenus referebant, positos. Parum ab similem conformationem harum partium reperit etiam Cl. TENON in homine viuo, 37. annos nato. In omnibus his exemplis, monet, apparere hernias, sed singulares. Nam tu- p. 119.
mor, ex quo vrina exstillat, formatus est parte postica vesicae, quae nulli sacco inclusa, nec tegumentis musculisue tecta est, quin potius ipsa, vna cum
adiacen-

adiacente peritonaei parte, pro sacco est intestinis. Praeterea in homine illo adulto, de quo hic agitur, etiam haec obseruauit commemoratu digna. Quum ieiunus est et quietus, spatio duorum minorum horae ex vterere dextro sex circiter guttae vrinae, e laeuo septem exeunt; postquam autem ambulauit, aut alii corporis exercitio vacauit, ieiunus, plures guttae ex utroque vterere spatio temporis breuiori exstillant. Semihorio post haustum vini albi, maiores guttae et celerius effluerunt (tardius tamen semper e dextro vterere quam ex sinistro), et vbi secretio maxima fuit, praesertim tussiente homine, radius dimidium pollicem longus profiluit quinquies minuti horae spatio; atque elapsa vna hora cum dimidia, reddiderat per vtereres partim vrinam albam vel serosam vix odoriferam, partim vrinam magis coloratam, cuius vtriusque vrinae quantitas tres quartas partes vini potati exaequauit. Vbi autem aquam biberat, neque tam cito vrinae fluxus, neque tanta vi acceleratus est. Certe nouas vrinae vias a ventriculo ad vesicam, quas WILLISIUS et MORINUS commenti sunt, in hoc homine non dari, manifestum est. Ceterum barbatus est, ac robustus, et neutiquam effeminatus, neque vllatenus castratis similis, pauci cibi ac potus, somni leuis, memoriae excellentis, ingenii acris; et omnibus sensibus valet, gustu excepto, veneris autem sensu prorsus caret.

18. Cl. DE LA LANDE *commentatio de interpolationibus, seu de usu differentiarum secundarum, tertiarum, cet. in computis astronomicis.*

19. Abb. DE LA CAILLE *excerpta ex observationibus, quas olim DE CHAZELLES in Oriente habuit, una cum notitia MSSorum huius Aca-*
demici,

*demici, quae in Bibliotheca Academiae asseruan-
tur.*

20. Cl. MALOUIN *experimenta super mucoso morbo equorum, la Morve dicto, instituta. Sectio* p. 173.
ne plurium equorum, qui hoc morbo correpti erant, didicit V. Cl. in iis quidem, in quibus morbus recens fuerat, non nisi membranam pituitariam fuisse vitiatam, in aliis autem, qui diutius isto morbo laborauerant, viscera etiam thoracis et abdominis modo pauciora, modo plura, esse affecta, tuberculis et maculis albis, praesertim in pulmonibus et hepate, apparentibus, sub quibus erant exigui abscessus, pituitae talis, qualis per nares excreta fuerat, pleni. Hinc dubius redditus, sitne hic morbus localis, an humorum, tres equos hoc morbo vehementer afflictos diuersa methodo tractandos curauit; duos quidem perforandis sinibus frontalibus, iniiciendoque liquore vulnerario in membranam pituitariam, glandulis sublingualibus induratis et tumidis incidendis, internis quoque remediis et subinde purgantibus adhibendis, tertium autem, sine extrinsecus administrata ope, solo eorundem internorum remediorum usu, et purgationibus alui. Hic equus perfecte conualuisse visus est, ceterorum autem curationem imperfectam fuisse, eorundem occisorum dissectio docuit. Vnde consequens esse videbatur, hunc morbum inter morbos humorum censendum esse. Sed quum huic sententiae constanter repugnaret LAFOSSE iunior, cuius pater, medicina veterinaria clarus, contrariam sententiam tuitus erat: Academia, hanc p. 51.
rem ulteriori examine dignam esse rata, iussit qua- Hist.
tuor adhuc equos, pituita contagiosa laborantes, occidi et cultro anatomico subiici. Quo facto, nondum omnis dubitatio sublata est; nam quae in omnibus his equis viscera sana, neque alibi, quam in sinibus

bus frontalibus et maxillaribus, glandulisque sublingualibus, morbi vestigia deprehensa sunt. Interim hoc nunc affirmari posse videtur, duplicem esse huius morbi causam, alteram externam, quae solam membranam pituitariam afficiat, alteram internam, morbum scilicet praegressum, a quo genitus liquor serofus acris, per nares effluens, pituitariam membranam inflammare possit; et morbum, priori causae debitum, saepius occurrere altero, immo posse in hunc alterum temporis progressu degenerare, nisi remediis topicis opportune vincatur. Sed pluribus experimentis atque observationibus opus est, ut haec res in aprium perducatur.

21. 22. 23. *Observationes eclipsis lunae totalis d. 18. Maii anni 1761. habitae a V. Cl. LE MONNIER, MARALDI et DE FOUCHY.*

24. Cl. LE MONNIER *comparatio eorum, quae ex observationibus coniunctionis Veneris cum Sole sequuntur, cum tabulis HALLEII.*

25. Cl. GUETTARD *commentatio de lamellis et granis auri in fluvio Ariega cet. *)*. Hunc fluuium, ipsamque, in quam ille influit, *Garumnam*, auri grana et lamellas vehere, dudum fuit notum accolis, qui illa summo studio colligunt. Sed nuper vir quidam industrius, *Apamiae* degens, terram ipsam, per quam *Ariega* fluit, nec non eam, quae in aliis Occitaniae regionibus quibusdam effoditur, auriferam esse, et similes lamellas et grana auri continere animaduertit. Et quoniam arena illorum fluuiorum, in qua granula aurea reperiuntur, ex granis quarzosis partim rufis, partim albis, constat, in terris autem illis auriferis lapilli quarzosi inueniuntur, qui com-

*) Lecta d. 29. Aug. 1761.

comminuti similem prorsus arenam praebent: suspicatus ille est, hosce lapillos etiam aliquid auri in se continere; hinc copiam illorum Academiae misit, ut eos explorandos curaret. Equidem instituta iussu Academiae examina chemica et docimastica nihil auri in illis lapidibus demonstrarunt: attamen constitit inde, substantiam metallicam ferrugineam in quibusdam inesse, et ferrum inde non absque lucro parari posse.

26. Cl. DE LA LANDE *commentatio de nouis methodis vim magneticam ferro conciliandi, et de declinatione magnetis* *). Hae methodi sunt illae, quas p. 211. ante aliquot annos Viri clarissimi TRULLARD et ANTHEAULME inuenerunt. Ille, Academiae Scient. Diuionensis Sodalis, virgam ex chalybe confectam direxit versus septentriones, eiusque positionem tam diu variauit, donec ab ea limaturam ferri attrahi videret; in qua positione fixam virgam percussit, quoad magnam vim magneticam nacta esset. Idem aliquot minores virgas ex chalybe affricu ad illam magneticas redditas colligauit, et cum his duas laminas ex chalybe, soleae equinae formam habentes, et ita iuxta se inuicem positas, ut oualem figuram complerent, perfricuit, extrema virgarum, verticaliter positarum, super laminis in circulum saepius, sed vno tenore, ducens; quo facto magnam virtutem magneticam his laminis conciliauit. Alter Vir Cl. cuius scriptum de magnetibus artificialibus Academia Scient. Petropolitana praemio ornauit, animaduertit, duas virgas ferreas, in linea recta positas ita, ut exiguum inter eas interuallum sit, sine omni praeparatione sponte sua vim aliquam magneticam sensibilem mox acquirere, maximam vero, ubi inclinatae sint ad planum aequatoris coelestis sub angulo

*) Lect. d. 20. Maii 1761.

angulo 29 grad. circiter versus austrum, vel ad horizon-
 zontem Parisinum sub angulo 70 circiter graduum
 versus meridiem. Itaque in tali positione duas vir-
 gas ferreas, quarum longitudo est 15 pedum, cras-
 sities duorum pollicum quadratorum, super tabula
 crassa quercina fixit, ita, vt earum extremitates di-
 midium pollicem a se inuicem distent, et has extre-
 mitates laminis chalybeis, vltra ferrum paulum pro-
 minentibus, muniuit; iam acum, seu virgam fer-
 ream minorem, magneticam redditurus, eam oris
 harum laminarum affricat, ducendo eam prorsum
 et retrorsum iuxta longitudinem virgarum maiorum.
 hac tamen cautione, vt neutra extremitas acus vn-
 quam in virgarum interstitium perueniat. Qua ra-
 tione acui vim magneticam impertit maiorem omni,
 quae alia adhuc cognita methodo ipsi conciliari pot-
 est. Vtitur etiam hoc modo, qui eodem redit. Vir-
 gam chalybeam, seu acum, magnetica vi imbuen-
 dam super tabula figit, et duas eiusmodi virgas, sed
 iam magneticas, super virga fixa sic ponit, vt poli
 earum diuersi nominis se inuicem respiciant, deinde
 diaphragmate quodam tenui inter vtramque inter-
 posito, eleuat ambarum extremitates a se inuicem
 remotissimas, vt ipsae virgae ad tabulam inclinatae
 sint sub angulis, in oppositas plagas vergentibus, et
 extremitates earum sibi inuicem proximas, diaphra-
 gmati appressas, ducit super virga fixa dextrorsum
 et sinistrorsum iteratis saepius vicibus, lente, et hac
 lege, ne extrema virgae fixae vnquam attingantur;
 tandem sub finem huius frictionis virgas ambas, ad
 medium virgae fixae reductas, subito et simul tollit;
 sic virga fixa virtutem magneticam insignem assumit.
 Expositis his methodis, Cl. DE LA LANDE porro
 docet, quibus ratiociniis earum inuentor ad eas per-
 uenerit. Denique obseruationes aliquot profert
 ex quibus colligit declinationem magnetis versus oc-
 cidentem

cidentem Lutetiae inde ab anno 1582. quotannis nouem minutis primis gradus praeterpropter vni-
formiter creuisse.

27. Cl. ADANSON *descriptio noui generis arbo-* p. 218.
rum, Baobab dicti, in Senega obseruati. Nomen
Baobab apud PROSPERUM ALPINUM (de plantis
Aegypti) occurrit. A SCALIGERO (de Subtilit.
L. VI.) eadem arbor *Guanabanus* dicta est. Fran-
cogalli in *Senega* degentes eam *Calebassier* appellant,
eiusque fructum *panem simiarum*. LINNAEUS eam
vocauit *Adansoniam*, quoniam eius definitionem a Cl.
ADANSON accepit, quam Appendici Tomi II. Sy-
stem. Nat. Edit. X. inseruit, et quae tam conformis
est hic exhibitae, vt illi huc transcribendae superse-
dere queamus. Tradita ea definitione, Auctor
ostendere allaborat, hanc arborem nouum esse ge-
nus, quod multum quidem similitudinis habeat cum
maluaceis, sed tamen ab aliis maluaceis, adhuc co-
gnitis, vere distinctum sit. Quo fine characteres fa-
miliae *maluacearum* sollicite recenset, simulque no-
tat, hanc arborem ab aliis generibus huius familiae
discrepare partim calice, qui ipsi simplex est et deci- p. 224.
duus, partim staminum copia et situ, quippe in fa-
sciculum collectorum, partim fructu lignoso, in lo-
culos decem vel quatuordecim diuiso, qui semina
plurima continent, carne sicca et quasi spongiosa in-
uoluta. Denique de cultura eius arboris, morbis,
aetate, locis natalibus, et vsibus differit, atque Au-
ctores, qui eius mentionem fecerunt, recenset.
Maximam omnium arborum eam dicendam esse iu-
dicat, propterea quod, licet truncus eius non ultra p. 219.
12 pedes altus fieri soleat, tamen diameter trunci 232.
fere 25 pedes exaequat, et rami circumcirca ad 60
pedes extenduntur. Iconibus adiectis figuras et to-
tius arboris, et foliorum, et florum, fructuumque

ac feminum, optime repraesentandas Cl. Auctor curavit.

28. Cl. NOLLET *noua experimenta super electricitate, occasione scripti in Anglia nuper a ROBERTO SYMMER, Societ. reg. Londin. Sodali, editi capta **). Repetens Auctor Cl. SYMMERI experimenta circa tibialia ferica, a nobis alias **) enarrata, varia obseruauit noua, et valde digna attentione physico-
 rum. Nam non modo vidit, eadem experimenta haberi posse, licet multo minori sumtu, in taeniis fericis,
 p. 251. aqua pura et calida elotis, rursusque siccatis; neque calorem animale[m] necessarium esse in his experimentis, sed ea quoque succedere, quum tibialia nigra et album, sibi inuicem inserta, super prunis charta grysea, vel panno complicato, fricta fuerint: verum etiam obseruauit primum illud, quod tibiale nigrum aliud genus electricitatis nanciscatur, quam album, non esse a coloris diuersitate, quatenus ille est lucis modificatio, sed a materia gallarum, quae tinturam nigram ingreditur. Deinde ex his experimentis deduxit hanc propositionem generalem:
 Quum duo corpora, quae per frictionem electrica
 p. 252. reddi possunt ita, vt alterum electricitatem vitri, alterum electricitatem resinae nanciscatur, simul fricantur ad se inuicem applicata, vis electrica ipsis conciliatur mirifice fortis. Praeterea intellexit, pro
 p. 253. generali haec tenus habitam legem, qua duo corpora, eodem electricitatis genere praedita, se mutuo repellere perhibentur, talem non esse, ideoque e mutua attractione duorum corporum electricorum non tuto colligi, ea diuersis generibus electricitatis praedita esse. Vidit enim, telam fericam albam, ad superficiem vitri applicatam, et vna cum vitro frictam, adhaere-

*) Lecta in Conuentu publ. Cal. Apr. 1761.

**) In Vol. X. hor. commentar. p. 499.

adhaerere vitro valide, atque ab eo separatam, ve- p. 254.
lociter ad illud reuerti; item, taenias sericas nigras,
electrificatas frictione, attractas esse a vitro non ele-
ctrificato, eique per horas integras arcte adhaesisse;
separari autem inde confestim, admoto ipsis alio vi-
tro recens per frictionem electrificato.

29. Cl. DE LA LANDE *commentatio de inae-*
qualitatibus in motu Martis ab actione telluris in reci-
proca duplicata distantiarum ratione effectis.

30. Virorum Cl. DU HAMEL et TILLET *com-*
mentatio de insecto grana frumentorum in prouincia En-
*golismensi erodente **). Hoc insectorum genus, ad-
modum damnosum, est eruca exigua, e cuius chry- p. 296.
salide prodit phalaena classis secundae secundum RE-
AUMURII descriptionem, a quo etiam historia hu-
ius insecti iam tradita est sub finem Volum. II. Com-
mentariorum ad Historiam insectorum. Et quae
magnus ille Vir de hoc insecto scripserat, nescius,
quam utilia ea essent futura, maximopere sibi pro-
fuisse fatentur praedicti Viri clarissimi in dirigenda
inuestigatione causae calamitatis, quae vniuersam
prouinciam vehementer afflixit. Ipsi autem vicissim
acceptam a REAUMURIO historiam huius insecti
perfecerunt, deprehensis per proprias obseruatio-
nes iis, quae illius industriam et solertiam effugerant.
Remedia huic malo inuenerunt duo. Alterum est, p. 324.
vt grana frumenti, ab his insectis infestati, torrean-
tur in fornacibus, ad id instructis, calore, septuage-
simum quintum gradum thermometri Reaumuriani
excedente: hoc enim caloris gradu erucæ et chry-
salides, in granis latentes, enecabuntur. Et reme-
dii huius simile quid rustici Engolismenses nonnul-
li, iam ante Academicorum in prouinciam aduen-
tum,

B 2

tum,

*) vid. Comm. hor. Vol. XII, p. 14.

tum, tentauerant, in furnis suis, postquam panis inde exemptus esset, grana frumenti aut nuda ad 4 vel 5 digitorum altitudinem aggerere, aut faccis inclusa ponere soliti. Verum quum hac ratione germina in granis corrumpantur: vt grana non solum cibo, sed etiam fementi, idonea seruentur, suadent aliud remedium, quod in hoc consistit, vt prius calx viua in aqua per cinerem colata maceretur, et limpidum lixiuium in scutras transfundatur, in quibus calefieri ad 50 gradum in thermometro Reaumuriano possit, et deinde sic calefacto lixiuio grana corbibus inclusa immittantur. Sed nullo remedio malum vinci posse monent, nisi, eodem simul vti, publica auctoritate adigantur omnes coloni in tota regione, quae hac calamitate prematur. Nihil enim proficient, qui bonis granis agros suos conserant, si vicini in granariis suis per hiemem nutriuerint hostes illos, qui vere nouo in phalaenas conuersi euolent in hos agros, speciem suam, et cum ea simul hocce malum, propagaturi.

31. Cl. LE MONNIER *monita circa obseruationem diametri Veneris d. 6 Iunii an. 1761 Tobolii habitam.*

32. *Determinatio longitudinis et latitudinis Veneris sub sole per obseruationem huius coniunctionis Holmiae habitam, Auctore Cl. DE LA LANDE.*

33. Abb. CHAPPE D' AUTEROUCHE *excerpta ex relatione de itinere in Sibiriam, vt Venerem in disco Solis anno 1761 Tobolii obseruaret, suscepto.*

34. *Eiusd. Additamentum, in quo de annulo lucido et diametro Veneris, Tobolii obseruatis, agitur.*

35. Cl.

35. Cl. MARALDI *obſervatio eclipſis quarti ſatellitſ Iouis d. 19 Nouembr. anni 1761.*

36. Cl. GUETTARD *commentatio de fodinis ceſpitem ſubterraneorum, ſeu turſae, prope Villam regis in Campania Galliae, cet.* Hae fodinae ſunt in pratis admodum macris, in valle quodam, per quem fluuius, *Effona* dictus, procurrit. Os fodinae 12 p. 381. vel 18 pedum quadratorum, profunditas ad ſummum decem pedum eſſe ſolet; altius enim fodere aqua non permittit. In hac altitudine plura ſtrata ceſpitem habentur, quorum ſingula pedem circiter vnum craſſa ſunt; et horum ſtratorum infima, coloris fuſci et fere nigri, meliora ſuperioribus eſſe putantur. Reperiuntur in illis radices iuncorum, arundinum, cyperoidum, et his ſimilium plantarum, quas prata illa ferunt; nonnumquam etiam trunci ſalicum, populorum, nec non radices harum aliarumque arborum in ſtratis illis repertae ſunt. Porro docet Au- p. 383. ſtor, quo modo et quibus inſtrumentis aquae ex his fodinis hauriantur, ſtrata ſecentur, et maſſae exſectae egerantur, diſponanturque, vt bene exſiccari poſſint; item quomodo ex horum-ceſpitem nonnullis carbones fiant in furnis, ad hanc rem exſtructis. Horum autem carbonum aequae ac ceſpitem illorum exſiccatorum vſus et *Corbolii* et *Lutetiae* frequens eſſe coepit apud coquos et opifices. Quo magis hortandos eſſe cenſet populares ſuos, vt etiam in aliis regionibus Galliae turſam quaerant, qua ligno- p. 390. rum penuriae, ibi ingraueſcenti, ſubueniatur; et plurima loca nominat, quibus id fieri poſſe ſperat. Denique oſtendere ſtudet, turſam nihil aliud eſſe, p. 392. niſi materiem ex putrefactione plantarum, in pratis p. 393. non depaſtis prouenientium, natam.

37. Cl. DE LA LANDE *altera commentatio de motu nodorum planetarum primariorum singulorum, qui actionibus ceterorum debetur.*

38. Cl. CASSINI DE THURY *observatio transitus Veneris per discum Solis, Viennae in Austria habita.*

39. Cl. PINGRE' *observationes astronomicae in insula Roderici ob determinandam Solis parallaxin institutae.*

40. *Eiusd. Additamentum ad praecedens scriptum.*

41. Cl. DE RATTE *Soc. reg. in Monte Pessulano Sodalis, observationes cometae, qui mensibus Septembris et Octobris anni 1757 apparuit.*

II.

Della preservazione della Salute de Letterati, e della gente applicata e sedentaria, opera postuma di GIUSEPPE ANTONIO PUIATI P. P. P. di Medicina Practica nella celebre Univerfità di Padoua, e data in luce da ANTON-GAETANO suo figlio, Dottor di Filosofia e di Medicina, in Venezia 1762. presso Antonio Zatta. in 8vo. 1 Alph. 10. pl.

i. e.

De eruditorum ac studiis vitaeque sedentariae deditorum hominum valetudine tuenda, opus posthumum IOSEPHI ANTONII PUIATI,

IATI, editum ab ipsius filio, ANTONIO
CAIETANO.

Librum hunc, quem Cl. PUIATI pater maximam partem absolutum reliquerat, Cl. Editor ita perficere laboravit, loca auctorum in notis laudatorum addendo, lacunasque supplendo, vt et patris auctoritatem non minueret, et vtilitatem adferret legentibus. Cum vero hic liber scriptus sit, non solum in eruditorum gratiam, sed etiam in illorum vsum, qui aliis funguntur muneribus, quae ingenii exercitationem et applicationis assiduitatem requirunt, lingua vsus est Cl. Auctor vernacula. Distinxit autem totum hoc opus in tres partes, quarum prima introductoria est, altera philosophica, tertia vero practicas regulas continet. Atque in primo partis primae capite nonnulli Auctores, qui de sanitate eruditorum tuenda scripserunt, recensentur, secundo vero capite caussa morbofa externa, cui eruditi obnoxii sunt, exponitur. Facilius eruditos caussae externae, ob imbecillitatem corporum, quam robustiores laedunt, atque pro diuersa corporis constitutione varia quoque incommoda produciunt. Maxime tamen ex nimia studiorum contentione tres corporis partes, ventriculus scilicet, cerebrum et oculi patiuntur. In tertio capite de sanitate eiusque caussis in vniuersum disputatur. Proximam sanitatis causam Cl. Auctor ponit in perfecto consensu virium internarum ad sustinendum motum omnium fluidorum corporis nostri, siue ea in vasis sint, siue extra vasa haereant. Sanitas laeditur, quotiescunque iste consensus turbatur, licet motus sanguinis non vitiatum sit, aut nondum illud vitium appareat. Caput quartum latitudinem sanitatis explicat. Ea enim minime tam arctis regulis adstricta est, vt incommoda, quae consensum, de quo diximus, turbant, non possit

p. 1.

p. 7.

p. 12.

p. 23.

- homo sine sanitatis detrimento perferre. Latitudo autem sanitatis, cuius homini propriae, deduci posse videtur ex sufficiente conseruatione virium, qua, excretionem aliqua imminuta, noua alia producit, aut consueta augetur. Hinc illi homines maiore prae aliis gaudent sanitatis latitudine, in quibus necessaria
- p. 28. et maxime utilis euacuatio facilius poterit augeri. Qualis vero illa sit, Cl. Auctor in capite quinto docet, quod de perspiratione insensibili inscribitur. Haec, cum ex viribus vitae pendet, optime, vbi eae vegetae sunt, succedit, mirum in modum vero variat pro varietate rerum extra corpus positarum, vel mutationum, quae in ipso corpore fiunt. Materia perspirationis omni acrimonia destituitur, et retenta, non qualitate, sed quantitate sua nocet.
- p. 46. Secunda huius operis pars exponit efficaciam et modum agendi causarum primariarum morbosarum, quae cum literatura et studiis aliquem nexum quasi habent. In capite primo de nimia applicatione ad studia tractatur, qua inprimis ventriculus et vis digerendi laeditur.
- p. 63. In secundo capite Cl. Auctor vigilias et somnum considerat, et damna, quae ex pro-
- p. 84. tractis vigiliis oriuntur, explicat. In tertio capite, quod de motu inscribitur, demonstratur necessitas motus in vniuersum, et damna ex nimia quiete ori-
- p. 109. unda. Quarto capite de ingressu, erecto statu corporis et variis aliis corporis positionibus agitur. Ingressus sanguinis motum maxime expedit, et saluberrimus est, quod minime de statu valet. Sub hoc enim corporis situ, illud ipsum ob intensam multorum musculorum actionem maxime debilitatur, sanguinis motus per contractos musculos laeditur, tandemque ipsa vis concoquendi cibos impeditur, partim ob imminutam musculorum abdominalium et diaphragmatis in ventriculum actionem, partim ob dissipationem fluidi neruei, quod ad digestionem ciborum

rum rite perficiendam maxime requiritur. Sessio corpore incuruato tum demum, si ventriculus cibis nimis repletus est, noxam infert; in vniuersum autem sessio omnis nimium protracta, iis, qui calculo laborant, nocet, quod etiam de situ corporis supino valet. Quinto capite Cl. Auctor de saltatione p. 130. et instrumentis musicis, sexto de equitationis vfu p. 145. medico fufius agit. Septimo capite de venatione, octauo de ventione in cymba, nono de declamatione, et lectione clara voce instituta differit. Capite decimo aerem considerat, atque atmosphaerae, caloris, frigoris, ventorumque etc. in corpus humanum efficaciam explicat. Simili modo in capite vndecimo de cibo, eiusque variis speciebus, et capite duodecimo de potu potulentisque in Italia vsitatis disputat, tandemque in vltimo secundae huius partis capite affectus animi examinat.

Tertia vero huius libri pars applicationem continet eorum, quae de rebus non naturalibus in vniuersum in secunda parte dicta erant. Hinc in primo capite praecepta circa studiorum contentionem in vniuersum, in secundo capite praecepta de somno, et in tertio de motu proponuntur, atque damna, quae ex vita sedentaria proueniunt, explicantur. Quartum quintumque caput comprehendunt regulas circa aerem, et alimenta. Sexto capite continentur regulae, ab iis obseruandae, qui, necessitate quadam coacti, vltra modum se per aliquod tempus studiis applicare debent. Septimo capite disputat Auctor de signis laesae transpirationis, ex cuius conseruatione, vti iam supra dictum est, Noster sanitatem pendere contendit. Vltimum tandem caput docet, qualis esse debeat medicus, cui cura sanitatis hominis literati committenda est. Haec sufficiant de hoc libro dixisse, cuius lectio iis, qui medici non
B 5 sunt,

sunt, et tamen praecipuas diaetae regulas nosse cupiunt, partim ob rerum praestantiam, partim ob stililegiantiam, omnino commendanda est.

III.

Memoire sur une question anatomique relative à la Jurisprudence; dans lequel on établit les principes pour distinguer, à l'inspection d'un corps trouvé pendu les signes du *Suicide* d'avec ceux de l'*Assassinat*. Par M. LOUIS, Professeur Royal de Chirurgie, Censeur Royal, Chirurgien consultant des Armées du Roy. a Paris chez P. G. Cavelier 1763. 8. pl. 3½

i. e.


Commentarius super quaestione anatomica, quae relationem quandam cum iurisprudentia habet; in quo principia constituuntur, ex quibus in inspectione cadaueris, quod suspensum reperitur, signa *autochiriae* et *homicidii* inter se inuicem distingui possunt. Auctore Cl. LOUIS.

Praelectus est hic commentarius a Cl. Auctore in confesso publico Academiae regiae chirurgicae, habito d. 14 April. 1763. atque scriptus est occasione tristissimae sortis familiae *Calas*, omnibus certe lectoribus nostris ex publicis relationibus cognitae. Cum fere omnes, qui de medicina forensi scripserunt auctores, ea tantum signa proponant, quae ostendunt, utrum is, qui suspensus reperitur, viuus an mortuus suspensus fuerit, ea vero signa neglegant, ex quibus dignosci potest, an suspensus se ipsum interfecerit laqueo, vel ab aliis strangulatus fuerit?

fuerit? Cl. LOUIS de hisce vltimis signis in hac dissertatione agendum sibi sumsit. Varia autem experimenta, quae ad huius argumenti vberiore explicationem faciunt, tum in cadaueribus humanis, tum in animalibus viuis instituit, neque ipsos carnifices consulere neglexit. In initio huius tractationis chirurgos, qui examen corporis, quod suspensum reperitur, ex magistratus auctoritate suscipiunt, admonet, omnem dandam esse operam, quo suspensi, si fieri possit, ad vitam reuocentur, atque probat, *Calasii* filium forte vixisse adhuc eo tempore, quo familia eum ex fune pendentem inuenit. Deinde agit de signis, quae docent, vtrum viuus, an mortuus aliquis suspensus fuerit, tandemque ad ea accedit, ex quibus iudicari potest, vtrum strangulatio voluntaria, an violentiae externae effectus fuerit? Ostendit vero, suspensos non suffocari, vel ex respirationis defectu perire, sed apoplexia, scilicet ex compressione venarum iugularium, atque hoc imprimis valere de iis, qui ipsi suae mortis auctores fuerint. In iis, qui a carnifice patibulo affiguntur, saepe vertebrae colli luxantur, et cartilagine laryngis franguntur, quod nunquam fieri solet in iis, qui se ipsos interficiunt, quapropter etiam eiusmodi homines facilius, quam ii, quos trucidauit carnifex, ad vitam reuocari possunt. Homo quidam, qui bis se ipsum suspendit, bis quoque refocillatus est, neque aliud inde incommodum sensit, praeter vehementes dolores in capite et pedibus, qui orti erant sine dubio ex impedita sanguinis circulatione per compressionem venarum iugularium. Cum vix possibile sit, vt aliquis, sine praegressa strangulatione, ab alio de laqueo suspendi possit, semper duplex aderit chordae in collo vestigium, aut alia in cadauere violentiae externae signa. Si autem fuerint aliquando fortasse malefici, qui post suspensionem, a carnifice factam, ad vitam
p. 6.
p. 12.
p. 15.
reuoca-

p. 27.

reuocati sint; haud dubie id carnificis culpa accidit, qui officium suum in iis non recte fecerat. Probat hoc Cl. Auctor enarratione methodi, qua carnifices Parisiensis et Lugdunensis vtuntur. In iis, qui Parisiis suspenduntur, fere semper colli vertebrae superiores luxantur, simulque ac ea luxatio fit, cadauer, quod antea rigidum erat, nunc flexile fit. Pupilla semper in suspensis valde dilatata est. Lugduni cartilagine laryngis contra vt plurimum fractae sunt, cum in anteriore parte laquei, quo strangulantur, nodus sit fixus, atque carnifex caput eius, de quo supplicium sumitur, magna vi versus anteriora deprimat. Ex his autem omnibus patet, cadauer, quod suspensum reperitur, non obiter tantum inspicendum, sed et interiores eius partes sollicite examinandas esse. Qui se ipsos laquei ope interficiunt, longe tardius pereunt, quam ii, qui ab aliis strangulantur. Chorda cum vestigio, quod in collo reperitur, comparanda est, atque videndum, vtrum in collo vnicum tantum, an contra duo adsint eiusmodi impressionis vestigia? Haec omnia Cl. LOUIS egregie explicat, atque in fine nonnulla addit de methodo, qua suspensi ad vitam reuocandi sunt. Suae det autem sectionem venae iugularis instituere, aërem pulmonibus inflare atque corpus fricare et calore fouere. Si in eo, qui paullulum refocillatus est, respiratio adest laboriosa et stertorosa, materia spumosa bronchia replens euacuanda est ope positionis paratae ex oxymelle scillitico.



IV.

MARTIN FROBENIUS LEDERMÜLLERS,
Hochfürstl. Brandenb. Culmbachischen Justitz-
raths, wie auch der Kaiserl. Academie der Natur-
forscher, und der teutschen Gesellschaft zu Alt-
dorf Mitglieds, Nachlese seiner mikroskopischen
Gemüths und Augenergötzungen. V. Sammlungen
bestehend in funfzig fein illuminirten Kupfertafeln,
sammt deren Erklärung, und einer getreuen An-
weisung, wie man alle Arten Mikroskope geschickt,
leicht und nützlich gebrauchen solle, verlegt, und in
Kupfer gebracht von Adam Wolfgang Winter-
schmied, Kupferstecher in Nürnberg, gedruckt,
auf Kosten des Verlegers, von Christian de Lau-
noy 1762. 4. mai. 15 pl. cum ep. dedic. et
praef. L. tab. aen.

i. e.

MARTINI FROBENII LEDERMÜLLERI
 spicilegium microscopicarum oculorum at-
 que animi oblectationum suarum aeri incisa-
 rum et viuis coloribus pictarum.

Postquam in detegendis naturae arcanis occupatus
 Cl. LEDERMÜLLERUS centuriam microscopicarum suarum obseruationum ante sex hos annos ediderat, multisque hunc librum non ingratum esse animaduertebat, cogitabat de spicilegio quodam per vices edendo, ita, vt decem semper tabulas, sine temporis tamen termino constituto, se publicaturum fore promitteret. Cuius spicilegii et nos superius iamiam mentionem fecimus *). Nunc vero,
 cum

* vid. Commentar. Vol. X. P. III. p. 423.

cum illud absolutum in manibus nostris versetur, non ingratum lectoribus nostris fore arbitramur, si potiora eius momenta breuiter excerpamus, quantoque cum studio Cl. Auctor in continuandis microscopicis obseruationibus versatus fuerit, significemus.

Praeter egregias itaque, variasque nouiter institutas obseruationes, praecipue quoque in hoc volumine operam dedit LEDERMÜLLERUS Noster, vt fida instructione doceat, quomodo vnusquisque singulis microscopiis commode vti debeat, quem in finem historiam microscopiorum dedit, primam eorum originem ex gutta aquae, vel globuli vitrei factam exponit, successiuam emendationem ex mutata eorundem fabrica declarat, icones eorum, quibus olim vsi fuerunt, communicat, quo exinde appareat, ad quantum praestantiae gradum recentiorum inuenta peruenerunt. Ea propter non solum nouissima et optima microscopia secundum ordinem dignitatum suarum recenset, compositionis rationem exponit, modumque adhibendi docet, verum etiam non nulla eorum, v. c. microscopium solare Cussianum Tab. I. et II. vniuersale illud illustris DE GLEICHEN, tanquam maxime compositum, Tab. XI. XII. XIII. XIV. et XV. Lieberkühnianum, pro circulatione sanguinis contemplanda, Tab. XXIII et XXIV. depinxit. Cum itaque tantam microscopiorum peritiam, et in recto eorundem vsu dexteritatem acquisiuerit, praetereaque de selectissimis sibi comparandis semper sollicitus fuerit Cl. Auctor, quilibet facile praeuidet, obseruationes, ope microscopiorum factas, et in hoc volumine eodem cum studio esse consignatas, quo antecedentes microscopicae oblectationes sese commendarunt. Cum vero limites non permittant, vt singulas spicilegii huius obseruationes commemorare possimus, satis fore spera-

speramus, si speciminis loco quaedam saltim phaenomena, Auctori in contemplandis corporibus obuia, indicamus.

Delineantur itaque Tab. VII pulices aquatici; in his microscopii auxilio detexit Noster, praeter sex pedes ordinarios, duo alia adhuc corpora, pedibus quoad faciem externam similia, quae vero interius cauam fistulam sistunt, ex qua eo tempore, quo pulex super aquam saltare tentat, albicantem quandam et oleosum humorem promanare Noster obseruauit, qui super aquam paruum quasi globulum format, quem basin forte esse, in quam pulex saltatorios pedes firmat, Cl. Auctor opinatur. Arborem coffeam ab omnibus insectis semper esse liberissimam, Cl. olim Gedanensium KLEINIUS in manuscripto quodam, de incremento coffeae, affirmauit. Contrarium vero se reperisse testatur Noster Tab. IX. quae pediculos in arbore coffea habitantes repraesentat. Animalculum hoc latum est, et tenuissima quadam lana obductum. Animaduertuntur in eo quindecim annuli vel segmenta, quae in mucrones terminantur mobiles, et mediantibus quibus ouula sua crasso satis tomento obducere potest. Ponit sua ouula in rimas veterani rami, et ut plurimum in cacumine arboris animalcula haec habitant. Hac occasione Tab. X. delineauit Noster modum crescendi coffeae. Has figuras KLEINIUS dedit, quas etiam LEDERMÜLLERUS immutatas repraesentat. Ex iconibus huius tabulae praecipue attentionem nostram mouet puluis antherarum coffeae. Hic enim, microscopii ope contemplatus, sistit corpuscula seminibus tritici haud absimilia, quae vero, si aqua, vel spiritu vini humectantur, rotundam figuram acquirunt, et sensim sensimque substantiam quandam oleosam vaporis ad instar emittunt. Ex variis animalium pilis, Tab. XVII. delineatis, comemo-

memoratione dignum iudicamus pilum talpae; hic enim, innumeris annulis vndiquaque obfessus, aequè satis a reliquorum animalium pilis sese distinguit, ac pilus Cerui Capreoli Tab. XLIX. repraesentatus, squamis sexangularibus vndique tectus, a reliquis statim internoscitur.

In Tab. XXXIII. depictam vidimus aegagropilam, ex ventriculo agni simul cum quatuordecim aliis desumptam. Haec exterius durissimo quodam cortice obtecta erat, interius autem substantiam reperit Noster, operi coactili simillimam. Cum internam hanc substantiam microscopii ope disquisiuerit, detexit, eam ex meris particulis laneis consistere, quae, sicuti pili, ex canalibus medullaribus compositae, et externe minutissimis quasi squamis obtectae erant. Sequenti Tabula XXXIV. repraesentauit Noster membrum virile muscae. Hoc ex tribus segmentis consistit, quorum duo inferiora innumeris papillis, et peculiari quadam protuberantia annulari, obfessa sunt. Passim occurrunt pili, et in suprema parte conspicitur foramen quoddam ouale, per quod corpuscula, pro animalculis feminalibus habita, exire vidit Cl. Auctor. Sed cum errare humanum sit, ita etiam LEDERMÜLLERUS noster, se in denominanda hac parte quendam commisisse errorem, ipse fatetur in defensione nonnullorum dubiorum, contra microscopicas suas observationes factorum, huicque specilegio adiecta. Mouit enim Ill. DE GLEICHEN praeter alia dubia etiam hoc, quod Cl. Auctor figuram Tab. XXXIV. datam, membrum virile muscae nominet, cum tamen aliae observationes edocuerint, hanc partem neutiquam membrum virile, sed tubulum esse, per quem ouula ponit foemina musca. Veritatem huius rei perspicuens Noster, hunc suum errorem in defensione hac indicauit, sententiam mutauit, et descriptionem Tab. XXXIV. sub nomine
tubuli

tubuli, per quem ouula ponit foemina musca, esse assumendam, scripsit. Pollinem antherarum tulipae Tab. XLVIII. repraesentat. In hoc detexit Noster globulos diuersi coloris, quorum alii lutei, alii purpurascetes fuerunt. Quando iis vnica guttula aquae adpersa est, mox ex iis substantia quaedam promanauit, guttulam aquae tot coloribus impraegnans, quot antea pollen ipsum imbutum erat. Tab. L. continet figuras salis cuiusdam compositi, coerulecentis, et salis essentialis acetosellae. Saepius dubitauit Cl. Auctor, num ope artis coeruleum quoddam sal produci posset, cuius crystalli colorem suum, propter pelluciditatem, sub microscopio adhuc conspiciendum praeberent. Contigit ei, ab amico quodam compositionem eiusmodi salis acquirere. Quando nimirum salis volatiliscornu cerui drachma semis, et laminae cupri in paruas frustulas concisae grana 15. in vitro bene obturato simul reseruantur, et hisce inter se coniunctis 6 - 8. guttae spiritus salis ammoniaci vinosi adsparguntur, mixtumque hoc in lenissimum calorem caute reponitur, ne volatile sal in auras abeat: tunc vnica guttula huius mixturae sub microscopio sistit egregias crystallos azurei coloris, vtplurimum octangulae figurae. Sal acetosellae, in eadem tabula repraesentatum, crystallos diuersissimae figurae sistit, quarum aliae ramorum arboris ad instar inter se combinatae sunt, aliae vero sexangularia et multangularia corpora repraesentant.

Adiecta sunt huic volumini duo alia additamenta, quorum prius responsiones Cl. Auctoris ad dubia nonnulla ill. DE GLEICHEN continet *); posterius

*) Cuius titulus est: MARTIN FROBENIUS LEDERMÜLLERS *abgenöthigte Vertheidigung, als einen*
Tom. XIV. Pars I. C *Anhang*

sterius vero descriptionem iconemque muscae, per
multis paruis insectis refertae, et a Cl. WINTER
SCHMIEDT obseruatae, sistit. Nos vero ex iis, quae
indicauimus, obseruationibus microscopicis, industr
am Auctoris satis constare arbitramur. Quas ve
ro in posterum obseruationes, circa specialiora quae
dam corpora instituendas, ederè promittit, de hi
iusto tempore ad lectores nostros erimus relaturi.

V.

The vegetable System, or the internal Structure
re and the Life of Plants etc. By JOHN
HILL, M. D. Vol. V. Containing the entire
Class of Aggregate or Clusterheaded Plants
London. Solded by R. Baldwin 1763. fol.
pl. 18. Tabb. aen. 53. Vol. VI. Containing
the whole Class of Umbrell'd or Umbellife
rous Plants. London. 1764. fol. pl. 18. Tabb
aen. 62.

i. e.

Systema vegetabile, siue explicatio internae stru
cturae et vitae plantarum etc. Auctore JOH
ANNE HILL, M. D. Vol. V. VI.

In ea, quam iam exponere cepimus *), Cl. Aucto
ris methodo nunc sic pergitur, vt aggregatas at
que

*Anhang seiner mikroskopischen Gemüths und Augener
götzungen, wider einige von dem vornehmen Hr. Ver
fasser des neuesten aus dem Reiche der Pflanzen, und der
Geschichte der Stubenfliege, in diesen beyden Schriften ge
äußerte Zweifel und Vorwürfe, nebst einer Beylage des
Verlegers Adam Wolfgang Winterschmids, welche die Ab
bildung einer mit vielen sehr kleinen Insekten geplagte
ganzen und vergrößerten Stubenfliege enthält; mit Ku
pferrn.*

*) vid. Comment. Nostr. Vol. XIII. P. II. p. 296.

que umbelliferas plantas simul eadem ratione recens-
seamus, qua in prioribus vñ sumus voluminibus.

Quod de compositis egerat plantis Cl. Auctor, Vol. V.
nunc prius multis probare nititur argumentis, ag-
gregatas, iam considerandas plantas, inter illas com-
positas et umbelliferas medium mereri locum, etsi
cum vtrisque aliqua communia habeant. Hinc pro-
tinus ea, quae plerumque adsumitur, inter umbel-
lam simplicem atque compositam differentia conci-
dit, et aggregatae flores perfectos, in capitulum p. 5.
collectos, communi calyce exceptos, singulo tamen
flore proprio calyci insidente et suo etiam peduncu-
lo excepto. In umbellis contra communis pedun-
culus diuisus ex centro in plures, singulum denuo et
secunda vice diuisum ostendit. Describit porro sin-
gulas aggregatarum plantarum fructificationis par-
tes atque delineat, et quod in singulis communis ille
calyx foliosus est, nec commodas satis distinctionis
notas suggerit, nunc ex proprio singuli floris calyce
eiusque forma et diuisione, squamarumque numero
definitiones ordinum desumit, eorumque in aggre-
gatis septem sequentes describit, stamina vero flo-
rum non sunt coalita.

Ordo I. recenset plantas, calyce particulari mo- p. 11.
nophyllo, et in margine integro, instructas: capi-
tulo florum ouali, calyce communi floribus longio-
re, *Dipsacus*; capitulo rotundo, calyce communi
breuiore, *Virga*, *dipsacus pilosus*; capitulo obtuse
conico, calyce communi floribus longitudine aequali,
Xanthium; occasione huius *Xanthii*, quod in Euro-
pa aequae ac America occurrit, de sententia ea, sin-
gulis locis singulares plantas concessas fuisse, disse-
rit, eamque negando hoc et aliis exemplis confir-
mat, in magnitudine tamen earum nonnunquam
differentias occurrere. Capitulo plano, ex quinque
floribus composito, calyce communi integro, cylin-
drico,

- drico, apice dentato, *Knautia* *); capitulo et calyce eodem tres tantum flores comprehendente, *Al-lionia*; capitulo plano, multos flores continente, calyce communi integro, plano, margine indiuiso, *Dor-stenia*; capitulo rotundo, calyce communi, tetraphyllo, foliolis acutis, floribus singulis breuiter pedunculatis, *Hydrocotyle*; capitulo lato, plano, calyce communi polyphyllo, foliolis breuib. acutis, floribus singulis pedunculo longo insidentibus, pentapetalis, incuruatis, *Panax*. *Ordo II.* calyce proprio, integro, apice plicato. Capitulo globoso, multifloro, calyce communi squamato, flore pentapetalo, calyce proprio apice membranaceo, *Statice*. *Ordo*
- p. 26. *III.* calyce proprio simplici, seu in vnicam seriem segmentorum diuiso. Capitulo globoso, multifloro; calyce communi floribus aequali: corolla singula tubulosa quadrifida, superiore segmento breui, recuruo, tribus reliquis longioribus, acutis, *Globularia*. Capitulo conuexo multifloro, calyce communi, floribus longiore, corolla pentapetala, leuiter incisa, reflexa, *Astrantia*; capitulo plano libero, calyce flores multum superante, integro, apice leuiter quinquedentato, *Agrostana*; capitulo plano, multifloro, calyce communi capitulo longiore, integro, in quatuor partes apice spinosas secto, *Arctopus*; capitulo plano, floribus sessilibus, calyce communi floribus longiore, monophyllo, apice lato, irregulariter sexfido, *Echinophora*; capitulo oblongo, communi calyce folioso, capitulo breuiori, circulo perfectorum foliorum cincto, *Gundelia*; capitulo globoso, calyce communi duplicis seriei, altera erecta, altera recurua, *Iasione*. *Ordo IV.* calyce proprio duplici, ex duabus segmentorum seriebus composito: capitulo conuexo, calyce communi ex pluribus seriebus foliolorum
- p. 28. p. 37.

*) Per errorem hanc plantam aliquoties *Knautiam* appellari obseruamus.

liolorum, *Scabiosa*; capitulo conuexo, calyce communi simplici, foliolis acute spinosis, *Acura*. Ordo V. p. 55.
 calyce proprio diuiso vel plurium segmentorum seriebus: capitulo globoso, calyce communi simplici in plura segmenta fisso, flore minore, flore singulo laciniato, apice reflexo, *Echinops*; capitulo cylindrico, denso, calyce communi folioso duorum segmentorum, flosculo singulo quinquifido, *Ruthrum*; capitulo ex ouali globoso, communi duplicis seriei pennatae, proprio triplicis seriei externaeque trifidae, mediae trifidae, interioris bifidae, corollis pentapetalis apice diuisis, *Lagoecia*. Ordo VI. calyce proprio p. 58.
 monophyllo, foliolo cauo ouali: capitulo plano, paucorum florum, calyce communi floribus longiore pentaphyllo vnus seriei, flosculis tubulosis, quinquifidis, externis planis, trifidis, *Sigesbeckia*. Ordo p. 59.
 VII. calyce proprio polyphyllo foliolis concavis: capitulo ouali, calyce communi duplicis seriei, foliolis acutis, flosculis tubulosis, leuiter quinquifidis, *Stoebe*; capitulo conuexo, calyce communi hemisphaerico, ex pluribus squamis diuersarum serierum composito, corollis pentapetalis, basi angustis, apice diuisis, *Brunia*; capitulo ouali, calyce communi floribus longiore, spinoso-foliofo, flore pentapetalo, apice recuruo, *Eryngium*.

Non solum vero omnium hic recensitarum specierum icones, atque generum characteres aeri incisi occurrunt, sed aliquae etiam nouae delineationes proponuntur, vt *Knautiae occidentalis*, quae foliis lanceolatis dentatis, pedunculis diuisis et corollarum colore coeruleo differt a nota specie. Porro inter Scabiosas duas nondum descriptas species reperimus, *lanatam*, foliis ouatis tomentosis instructis, flosculi luteoli coloris sunt atque saepe proli- p. 46.
 feri, et *triandram*, cuius folia radicalia sunt oualia atque ferrata, caulina vero in multas teneras lacinias

- secta, multifida : corollae sunt trifidae, tribus etiam, quod utique singulare est, staminibus instructae, novum tamen genus Cl. Auctor exinde efformare noluit, quod conspectus protinus externus scabiosam
- p. 27. referat. In generibus etiam a Statice Limonium iterum separavit ob dispositionem florum; in Scabiosis ad corollae divisiones ob inconstantiam non respexit: nova sunt *Agrostana*, quae est Perfoliata Alpina angustifolia media; *Ruthrum*, quo comprehenduntur Echinopi species flosculis diuersis. Tandem
- p. 52. quoque hybrida planta sub *Acurae* nomine depingitur, de qua, quod ipse HILLIUS dubitat, eam perpetuam esse futuram, melius ad varietates referri debuisset. Arbitratur autem, illam ex Scabiosa atque Eryngio plano compositam fuisse, dataque hac occasione de plantis hybridis differit, quae vero iam ab aliis accuratius tractatae sunt.

Vol. VI. Iam in umbellis disquirendis versatur Cl. Auctor, quibus, ut diximus, eas complectitur plantas, quae ex pedunculis, ex vno centro prodeuntibus, eorumque centrīs iterum novos pedunculos producant, itidem ex centro, quorum etiam singulo flos infidet. Expositis itaque variis notionibus, ad cognitionem horum florum pertinentibus, ab inuolucris potissimum distinctiones desumit, et omnes umbellas in duos tribus dispescitur, hos in ordines et familias.

- p. 4. *Tribus I.* Inuolucro folioso : umbella vniuersali parum conuexa, partiali plana et densa, *Ammi*; umbella vniuersali concaua, partiali parum, inuolucro vniuersali folioso foliolis profunde pinnatifidis, partiali breuib. feminibus oblongis ab vno latere conuexis, *Daucus*; umbella vniuersali irregulari, partiali conuexa, feminibus ovalibus, ab vno latere striatis, *Apium*; umbella vniuersali laxa parum conuexa, partiali irregulari, inuolucro vniuersali et partiali

tiali tetraphyllo, feminibus striatis, *Cuminum*; umbella vniuersali laxa inaequali, partiali densa conuexa, inuolucro vniuersali pentaphyllo ferrato, partiali dentato, feminibus hispidis, *Sanicula*; umbella vniuersali plana, partiali paulum concaua, inuolucro vniuersali decaphyllo, foliolis trifidis, partiali triphyllo pennato, feminibus tuberculatis, *Artedia*.

Tribus II. Inuolucro membranaceo: *Familia I.* p. 10. inuolucro vniuersali et partiali. *Ordo I.* inuolucro vniuersali tantum vnica membranula constante: umbella vniuersali conuexa, partiali irregulari, inuolucro partiali, variis membranulis, floribus regularibus in centro, irregularibus in ambitu, feminibus ellipticis, striatis margine setaceis, *Tribula*; *Ordo II.* inuolucro vniuersali ex quatuor membranulis: umbella vtraque inaequali, partiali pluribus radiis, floribus regularibus, feminibus ouatis striatis, *Sison*; *Ordo III.* inuolucro vniuersali ex quinque membranulis: umbella vniuersali subrotunda, densa, partiali globosa, inuolucro partiali octofido, feminibus tribus striis, margine membranaceis, *Angelica*; umbella vniuersali irregulari, conuexa, densa, partiali densa plana, inuolucro partiali plerumque sexfido, feminibus striatis villosis, *Bubon*; umbella vniuersali inaequali, partiali radiis exterioribus longioribus, inuolucro partiali aequali, floribus irregularibus, feminibus striatis, hispidis, *Caucalis*; umbella vniuersali laxa, partiali itidem parum conuexa, inuolucro partiali quinquifido floribus regularibus, feminibus ovalibus, glabris, ab vno latere striatis, *Bupleurum*; *Ordo IV.* inuolucro vniuersali ex pluribus membranulis confecto: umbella vniuersali laxa subconuexa, partiali irregulari densa, inuolucro partiali ex variis membranulis composito, feminibus ovalibus ex vno latere planis, *Bunium*; umbella vniuersali irregulari, depressa, partiali parum conuexa, inuolucro partiali

linearibus ex membranulis, seminibus spongiosis, striatis, *Cachrys*; umbella vniuersali densa, subconuexa, partiali densa, plana, inuolucro partiali paucis linearibus foliolis constante, seminibus tumidis striatis, *Conium*; umbella vniuersali plana, subconuexa, partiali depressa, inuolucro partiali angustis membranulis constante, seminibus ouatis, striatis, *Athamanta*; umbella vniuersali subconuexa, paucorum radiorum, partiali inaequali, inuolucro partiali paucorum foliolorum, seminibus ellipticis tribus striis insignitis, *Peucedanum*; umbella vniuersali conuexa, paucorum radiorum, partiali irregulari conuexa, inuolucro partiali ex foliolis linearibus, radiis aequalibus constructo, seminibus ellipticis, planiusculis, dorso striatis, *Crithmum*; umbella vniuersali plana, partiali inaequali, plana, inuolucro partiali paucarum membranularum, seminibus oblongis, quatuor membranaceis alis, *Laserpitium*; umbella vniuersali irregulariter conuexa, partiali plana, inuolucro partiali tribus vel quatuor foliolis constante, seminibus oblongis, quinque striis, *Ligusticum*; umbella vniuersali laxa, inaequali, partiali plana et lata, inuolucro partiali foliolis angustis, seminibus subrotundis, turgidis, striatis, *Sium*; umbella vniuersali conuexa, partiali globosa, inuolucro partiali numerosis breuib. foliolis, seminibus ellipticis planis, tribus striis notatis, *Ferula*.

p. 38. Quum in prioribus flores regulares sint, nunc sequuntur umbellae, inuolucro vniuersali multorum foliolorum floribus irregularibus: umbella vniuersali irregulari, concava, partiali plana, inuolucro partiali diuiso, radiis longiore, seminibus rotundis, planis, margine dentatis, *Tordylium*; umbella vniuersali plana, magna, subconuexa, partiali magna, plana, inuolucro partiali foliolis angustis, patentibus, seminibus ellipticis, planis, striatis, margine membranaceis, *Selinum*; umbella vniuersali magna, plana, partiali

tiali plana, aequali, inuolucro partiali diuiso, foliolis inaequalibus, feminibus oualibus, planis, margine membranaceis, *Heracleum*; umbella vniuersali irregulari conuexa, partiali compacta, inuolucro partiali foliolis angustis, feminibus oualibus, planis, striatis, apice coronatis, *Oenanthe*.

Familia II. inuolucro partiali tantum: *Ordo I.* p. 45. inuolucro partiali trium foliolorum, umbella vniuersali irregulari plana, partiali eadem, feminibus hemisphaericis, cauis, *Coriandrum*; *Ordo II.* inuolucro partiali quinque foliolorum: umbella vniuersali concava, partiali plana, feminibus rotundis, striatis et planis, *Aethusa*; umbella vniuersali laxa, plana, partiali irregulari, concava, feminibus oualibus, margine membranaceis, *Imperatoria*; floribus irregularibus: umbella vniuersali plana, laxa, partiali plurium radiorum, plana, feminibus oblongis, basi latis apice acutis, *Scandix*; *Ordo III.* inuolucro partiali plurium foliolorum, floribus regularibus: umbella vniuersali rotunda, partialique, feminibus oualibus, striatis, *Cicuta*; umbella vniuersali irregulari plana, partiali densa, rotunda, feminibus oualibus, profunde striatis, *Seseli*; floribus irregularibus: umbella vniuersali irregulariter conuexa, partiali rotunda, densa, feminibus oualibus denticulis calycinis coronatis, *Phellandrium*; umbella vniuersali expansa, irregulari, parum conuexa, partiali rotunda, densa, feminibus oblongis, versus apicem extenuatis, *Chaerophyllum*. P. 47.

Tribus III. inuolucro nullo. *Ordo I.* umbella p. 56. laxa, paucorum radiorum: umbella vniuersali inaequali, partiali densa, paene plana, feminibus oblongo ouatis, striatis, *Carum*. *Ordo II.* umbella densa, seu plurium radiorum: umbella vniuersali conuexa, ampla, partiali densa, planiuscula, feminibus magnis,

oblongis, conuexis, apice acutis, margine membrana lata auctis, *Thapsia*; umbella vniuersali magna, plana, partiali densa, paulum conuexa, feminibus ellipticis planis, a latere membranaceis, *Pastinaca*; umbella vniuersali irregulari et inaequali, partiali parum conuexa, feminibus gibbis, incuruatis tribus striis notatis, *Smyrnum*; umbella vniuersali ampla, plana; partiali densa et plana, feminibus oualibus, striatis, margine membranaceis, *Anethum*; umbella vniuersali et partiali paulum conuexis, feminibus oblongo ouatis, dorso tumidis, striatis, nudis, *Foeniculum*; umbella vniuersali paulum conuexa, partiali planiuscula, feminibus oblongis, acuminatis, dorso conuexis, striatis, *Pimpinella*; umbella vniuersali et partiali conuexa, feminibus oblongis, conuexis, striatis, *Aegopodium*.

Omnia quidem tum ratione descriptionum, tum ratione iconum, cum prioribus tomis conueniunt, in nominibus tamen generum nomina anglica tantum adhibita fuisse miramur, nos, quod adducere illa non poteramus, Linnaeana, quae speciebus adponuntur, retinuimus. Priora enim non facile intelligerentur, sic v. c. *Hedge - Parsley* Tordylium, *Fools Parsley* Aethusa est, *Alexanders* Smyrnum significat, cet.

- p. 10. Vnicum genus nouum *Tribula* est, ex speciebus *Caucalis Mauritanica* et *Seseli Turbith* compositum;
- p. 24. Athamanta omnes species Linnaeanas recenset, sine respectu ad diuersitatem feminum, etsi *Anethum* et *Foeniculum* ob hanc causam a se iterum diuellit
- p. 38. Cl. Auctor, et *Bubon Macedonicum*, feminibus villosis, ad *Tordylium* feminibus ambitu dentatis retulit. Valent etiam de hac umbellas disponendi ratione, quae contra inuolucrorum inconstantiam in foliolorum numero ab aliis monita fuerunt.

VI.

Oeconomical and Medical Observations in two Parts. From the Year 1758 to the Year 1763 inclusive, tending to the Improvements of Military Hospitals and to the Cure of Camp Diseases incident to Soldiers. To which is subjoined an Appendix, containing a curious Account of the Climate and Diseases in Africa upon the great River Senegal etc. In a Letter from Mr. BOONE. By RICHARD BROCKLESBY Phys. to the Army, Fellow of the Coll. of Phys. and of the R. S. London, printed for T. Becket and P. A. de Hondt, 1764. 8. pl. 21.

h. e.

Observationes oeconomicae et medicae, in duas partes diuisae, ab anno 1758 vsque ad annum 1763 inclusivae, super emendatione nosocomiorum militarium et curatione morborum castrensium. Quibus adnexa est appendix, continens relationem de climate et morbis regionis ad flumen Senegal in Africa sitae, in literis Cl. BOONE. Auctore RICHARD BROCKLESBY.

Libri huius, profecti a longa satis experientia et profunda meditatione Cl. Auctoris, cuius candorem amoremque in patriam abunde testatur, prima pars continet animadversiones miscellaneas tum de conservanda sanitate militum in uniuersum, tum praecipue de modo instituendi et dirigendi nosocomia militaria. Cum vero eae conscriptae sint potissimum

tissimum in vsum conciuium Auctoris, et proprie ad rem medicam parum spectent, eas breuiter indicasse sufficiat. Commendat autem inprimis exstructionem tuguriorum militarium in locis ficcis, non paludosis, aegrosque belli tempore non in conclauibus angustis collocandos, sed, si non aliter fieri potest, eiusmodi tuguriis raptim exstructis immittendos esse, sedulo monet. Quantum enim angusta eiusmodi conclauia, inprimis si ea maligno aliquo contagio inquinata sunt, obsint militum sanitati, tristia loquuntur exempla. Ex his Cl. Auctor vnum adducit, vbi quinque milites, successiue immissi conclauis angusto, in quo aeger, angina maligna laborans, diem obierat, simili morbo correpti sunt, licet conclauis saepius et magna cum cura purgatum esset. Negare autem non possumus, Cl. BROCKLESBY in hac prima obseruationum parte vsum esse dicendi genere nonnunquam satis acerbo, tantum non iniurio, quod satis testantur, quae contra chirurgos Anglos, nosocomia militaria Germanorum, nostrumque populum in vniuersum, tandemque contra medicos Gallos dicit.

p. 105. Secunda pars, quae magis ad nos spectat, obseruationes comprehendit, a Cl. Auctore ab anno 1758 ad annum 1763. in Anglia super morbis militum factas. In vniuersum milites pluribus et grauioribus morbis obnoxii sunt, quam alii homines, qui vero ipsi morbi ratione anni temporis, climatis et diaetae ordinem quendam seruant, secundum quem milites ex hibernaculis egressos castraque petentes inuadunt. Atque ad hunc ordinem Cl. BROCKLESBY suas de singulis morbis obseruationes ita disposuit, vt non omnem morbi historiam explicet, sed ea tantum proponat, quae ei vel in morbo vel in methodo medendi praecipue attentione digna visa sunt.

Agit

Agit autem primum de tussi, qui morbus, quam-
 quam per se nullum adfert periculum, tamen eo maio-
 rem medici castrensis curam requirit, quo periculo-
 siores morbi sint, ad quos ex eius neglectu milites
 facillime deducuntur. Hinc statim Noster venam
 secat, decoctumque auenae excorticatae cum magna
 nitri in eo soluti copia porrigit, aegrumque ab omni
 victu animali et potu spirituofo arcet. Atque simili
 fere methodo vtitur quoque in rheumatismo acuto
 siue inflammatorio, qui ex perspiratione suppressa
 oritur, quae non modo obstructionem partialem in
 vasis subcutaneis producit, sed et vniuersalem febrem
 excitat. In hoc aegris suis nitrum, in infuso aliquo te-
 pido solutum, tam copiose exhibet, vt illi haud ra-
 ro in viginti quatuor horis decem drachmas nitri
 sumserint. Neque tanta salis huius copia, si modo
 in potu calido sumitur, vllam molestiam ventriculo
 creat, cum vis eius refrigerans, vti Cl. BROCKLES-
 BY experimenta thermometrica hoc probant, mo-
 mentanea tantum sit, doloresque nitri vsu in ven-
 triculo excitati hausto iuscule calido statim consopi-
 antur. In rheumatismo chronico purgantibus et
 decocto corticis Peruuiani addito sale ammoniaco ma-
 gis confidit. In arthritide vaga vesicatoria dorso
 vel lateri affecto imponit, nitrum cum salibus alca-
 linis volatilibus praescribit, neque opiata paroxysmi
 tempore, et inter paroxysmos laxantia et corticem,
 negligit. Laudat quoque in rheumatismo frigido
 infusum herbae trifolii fibrini, cui tincturam guaia-
 ci volatilem addit, *pulueremque sic dictum sudoriferum*
 DOUERI, qui ex opio et ipecacuanha componitur,
 cuius vsus nunc Anglis maxime sollennis est. Opium
 enim ipecacuanha coniunctum nullam narcoticam
 vim habere contendit, vt aliquot eius grana sine
 omni noxa, vt potentissimum diaphoreticum, sumi
 possint. Nonnunquam tartaro emetico, quem omni-
 bus

- bus reliquis praeparatis ex antimonio palmam praeripere putat, in refracta dosi utitur. In erysipelate quod anno 1760 et 1761 aestiuo tempore grassabatur, quarto vel quinto morbi die, tumore faciei et colli subsidente, integumenta scroti adeo celeriter haud raro intumescebant, ut saepius aegrotis gangraenae periculum instaret. Post venae sectiones in febre simplici inflammatoria scarificationibus summo cum fructu usus est, monet tamen sedulo, omnes euacuationes sanguineas in iis febribus plerumque nocere, quae post mensem augustum milites inuadunt, cum eae fere omnes putridam indolem prodant. In pleuritide et peripneumonia nitrum in longe minori copia, quam in aliis inflammatoriis morbis, exhibet, cum in iis saepius stimulo suo corporibus maxime noceat. Utitur vero potissimum in iis tinctura antimonii Cl. HUXHAM, cuius guttas 30 vel 40 post quartam venae sectionem exhibet, vesicatoria porro lateri dolenti imponit et scarificationes instituit. Aluum, si tinctura antimonii non soluitur, clysmatibus liberam reddit.
- p. 166. Iam ad autumnales morbos procedit, qui non antiphlogisticis, sed antisepticis magis remediis debellandi sunt. Inter eos primum locum occupat febris biliosa autumnalis, quae singulis annis in castris magnam cladem edit. In ea vero aegri torporem sentiunt, ingrathamque in ventriculo nauseam. Accedit mox horror, quem calor intensus excipit, quem vel exterius manus adstantis, hypochondriis admota, percipere potest. Sitis clamosa, pulsus vero plenus et durus est, lingua humida crusta flaua tegitur. Sequitur maior nausea et irriti conatus vomendi, quos, hypochondrio dextro maxime distento, vomitus et crebriores alui deiectiones excipiunt, per multos dies durantes, cholera morbo exorto. In nonnullis aegris morbus satis cito soluitur, protrahitur in aliis per

per plures septimanas, aegrique vt plurimum pluribus recidiuis obnoxii esse solent. In aliis in dysenteriam mutatur. Cadauerum dissectiones semper inflammationem intestinorum ostendunt, quae vel in iis, sed in parte tantum adest, qui morbo iam per satis longum tempus affecti fuerunt. In curatione huius morbi duae tantum venae sectiones, ante quintum morbi diem institutae, sufficiunt, post hunc diem nocent. Conducunt imprimis emetica ex ipecacuanha, licet nonnunquam ventriculus et intestina tam parum irritabilia sint, vt maximae huius remedii doses vix vomitum aut deiectionem aluinam producant. Profunt porro haustus salini medii, ex salibus vegetabilibus compositi, et purgantia lubricantia, rhabarbarum vero nocet. Imminuta febris violentia, adstringentibus Cl. BROCKLESBY vtitur, vt cortice quercus et granati, atque radice tormentillae. Adhibet quoque corticem Peruvianum, cuius decocto philonium romanum addit. Aliis opii grana duo cum tribus granis ipecacuanhae, aliis rhabarbarum cum sapone, aliis ipsum colcothar vitrioli cum philonio porrigit. Corticis simaroubae vires vehementer extollit, illumque cortici *Tilicherry* dicto (est ex *Codaga Pala* Hort. Mal.) praefert. Huius enim vires haud superant virtutem aliorum aromaticorum calidorum, saepeque ille narcotica sua qualitate adeo nocet, vt Noster viderit spasmodum cynicum ab eius usu excitatum. Commendat quoque vt optimum roborans vinum Lusitanicum rubrum, Anglis *Red Port* dictum.

Inter morbos contagiosos primum occurrit febris petechialis, cuius signum insignis stupor et anxietas cum lingua nigra est. Diarrhoea in ea frequenter accedit, qua oborta petechiae euanescent. In non nullis aegris ex ipsis maculis rubris petechiarum striae diuergentes eiusdem coloris ad reliquam cutis

cutis superficiem producuntur, quod insignis putredinis signum est. In aliis extremitates gangraena occupat, sed hi vt plurimum conualefcunt. Quam primum aeger hoc morbo affectus in nosocomium deferitur, corpus eius aqua et aceto tepido lauandum est. Omnes euacuationes sanguineae in hoc morbo alienae sunt, atque haud raro vesicatoria quoque nocent, cum saepius cutem gangraenosam reddant, inprimis si ea multas petechias aut lineas illas ex petechiis diuergentes supra descriptas ostendit. Hinc vesicatoriorum vsus tantum in leuiori huius morbi gradu concedendus est. Multum autem Cl. Auctor vomitoriorum vsum extollit, quae, si oris cauum muco nigro obtegatur, vel octauo aut nono morbi die exhibet. Putat enim, per illa languentem secretionem fluidorum lymphaticorum in vniuersum excitari. Commendat quoque acidiusculum potum, cardiaca, radicem serpentariae et camphoram, atque, si putredinis signa plura adsunt, decoctum corticis Peruuiani, cui acetum addit. Atque tam parum veretur, ne aceti vsus diarrhoeam excitet, vt vel in putrida diarrhoea oborta illud denuo praescribat. Cardiaci loco vinum Lusitanicum rubrum, vel decoctum corticis additis aromatibus adhibet.

p. 231. Ex iis, qui in exercitu Anglico variolis naturalibus corripuntur, quarta pars perit, ex 130 inoculatis vnus tantum. Ante eruptionem in variolis venae sectione rarius, vomitorio vero vel purgante semper in militibus vtitur. In saluatione suppressa spermati ceti et oleo oliuarum vinum addit ipecacuanhae. In malignis et confluentibus corticem Peruvianum et spiritum vitrioli adhibet, atque, si aegri corticem respuunt, spiritu vitrioli fortiore aqua diluto in tanta copia vtitur, vt aeger aliquis vltra vnciam vnam eiusdem quouis die sumserit. Purgantia, nimis frequenter post variolas superatas exhibita, atque

atque intempestiuam opii in omnibus huius morbi stadiis exhibitionem, damnat. In omnibus vero his morbis aeris renouationem ita commendat, vt ei plus saepe in sanandis morbis, quam medicamentis, tribuat.

Supereſt, vt breuiter de chronicis morbis diſpi- p. 250.
ciamus. In febribus autumnalibus intermittentibus ſemper euacuantibus ante corticis uſum opus eſt, cum cortex ſaepe hac cautione neglecta noceat. Si breuiſſimae tantum ſunt, inter paroxyſmorum interualla, corticis decocto myrrham vel ſerpentariam addit. Calculi biliarii, qui in vna eademque veſicula p. 258.
includuntur, ſemper ſibi forma et figura ſimiles ſunt. Diarrhoea, quae iſterum in frigidis regionibus committatur, minime reprimenda eſt, hoc tamen fieri debet in ea iſteri ſpecie, quae in calidis regionibus accedit. Saepius et vtiliter in iſtero vomitoria adhibuit. In hydrope corticem ebuli inſignem exſerere vim, repetita experientia Cl. Auctorem docuit. Ex anthelminticis filamenta ſtanni contra taeniam, atque ad vermes in vniuerſum, eorumque reliquias expellendas, *Caryophyllum americanum anthelminticum* ſiue *Anthelmiam* extollit. Cum ſcabiem ab infectis tantum deriuat, nullis remediis internis, ſed ſolo vnguento cum ſulphure vtitur. In gonorrhoea inte- p. 289.
rius nulla mercurialia exhibet, audat autem iniectiones cum mercurio ſublimato, aut cum calomel et gummi Arabico, cui parua vitrioli albi copia additur. Inter omnes praeparationes mercuriales maximum uſum Cl. Auctori attulerunt pillulae Plumerianae, et Swieteniana mercurii ſublimati corroſiui ſolutio. In morbis venereis, cum febre heſtica coniunctis, quartam partem grani vnus mercurii ſublimati corroſiui in decocto ſaturato radicis ſaſſaparillae cum lacte diluto porrigit. In ſcorbuto tandem p. 301.
nihil magis prodeſt, quam corticis Peruuiani uſus.

p. 312. Atque huius diuini remedii vires multis quoque decorantur laudibus in epistola Cl. BOONE, quae huic libro adnexa est. In febribus enim biliosis et putridis, quae in insula Senega insaluberrima tanta malignitate grassantur, vt intra tres annos 2500 Angli ibi hinc perierint, vnicum remedium, quod reliquos seruauit, cortex fuit, quem tanta in copia assumserunt, vt illis cibi quasi loco esset. In hisce febribus venaesectiones plane alienae sunt, concedit tamen Cl. BOONE, si dolores capitis nimis frequentes sunt, scarificationes. In dysenteria, quae febribus biliosis conquiescentibus se ostendit, opiatorum frequentior vsus, quam in Europa, requiritur. In scorbuto sanando pariter cortex magnam vim habet.

VII.

An Account of the Diseases, which were most frequent in the British Military Hospitals in Germany, from January 1761 to the Return of the Troops to England in March 1763. To which is added an Essay on the Means of Preserving the Health of Soldiers and conducting Military Hospitals. By DONALD MONRO M. D. Phys. to the Army, and to St. George's Hospital. London printed for A. Millar, D. Wilson etc. 1764. 8. I Alph. 3½ pl.

i. e.

Relatio de morbis maxime frequentibus in nosocomiis Anglicis militaribus in Germania, a mense 1761 vsque ad reditum exercitus Anglici in Angliam mense Martio 1763. Cui additum

additum est tentamen super mediis praeferuandi militum sanitatem et methodo dirigendi nosocomia militaria. Auctore DONALD MONRO.

Cl. DONALD MONRO, qui suo de hydropse libello *) iam inclaruit, atque temporibus ultimi belli munere medici castrensis apud exercitum Britannicum in Germania functus est, proponit hic suas obseruationes super iis morbis, qui ei illo ipso tempore maxime in praxi sua militari occurrerunt. Ita vero in ea re versatur, vt primo singulorum morborum historiam describat, per omne tempus, quo nosocomia direxit, addat occasionales eorum causas, atque subiungat tandem methodum iis medendi, tum suam, tum aliorum celeberrimorum practico- rum. Cum vero hic liber insignem copiam obseruationum contineat, atque spatii angustia haud permittat, omnem Cl. Auctoris methodum explicare; sufficiat morbos, de quibus agit, nominasse, atque adiunxisse obseruationes quasdam, speciminis loco ex toto opere excerptas.

Initium facit a febre maligna et petechiali. Nunquam in hoc morbo miliarem eruptionem vna cum petechiis obseruauit, licet non neget, id fieri quandoque posse. Venaesectionem in primo morbi stadio administrauit, rarius tamen eam repetiit nisi urgentibus symptomatibus. Saepe hic morbus in initio inflammatoriam habebat indolem. Contra Cl. DE HAEN cardiacorum vsum in hoc morbo confirmat, ita vt ea cortici Peruuiano haud raro addi debeant. Vesicatoria ei non tantum vsum attulerunt, quantum ab iis exspectauit. Corticis autem vires multum extollit. Pro varia indicatione ei varia addidit

D 2

reme-

*) vid. Comment. hor. Vol. VI. P. IV. p. 688.

remedia, vt cardiaca, oxymel squilliticum, opiata et spiritum MINDERERII. Quodsi post petechiarum eruptionem signa aderant plethorae, consilium Cl. HASENOEHL fecutus, venaesectionem optimo cum successu administravit. In ea tamen cautionem adhibendam esse monet, ne aegri vires nimium immineantur, quapropter statim post eam corticem in larga dosi vult porrigi. De vsu salium alcalinorum volatiliū ita sentit, vt putet, ea omnino, si pulsus debilis est, et lipothymiis aegri subiecti sunt, vt cardiaca adhibenda esse. Attamen acida simul, ad acrimoniam alcalinam corrigendam, dari debere, et simul ac aegri paullulum conualuerunt, alcalinorum vsum plane intermittendum esse, cum illa salia in corpore humano, licet carnem a putredine praeferuent, tamen putredinosam resolutionem excitare valeant. Gangraena, qua aegri, febre petechiali laborantes, nonnunquam in extremitatibus afficiuntur, vt plurimum oritur ex cubilibus nimis frigidis, in quibus aegri aeris iniuriae nimis sunt expositi. Quodsi vesicatoria in initio, quando vires nondum deiectae sunt, adhibentur, tunc vlcera gangraenosa haud fiunt. Si vermes aderant, rhabarbarum cum calomel Noster adhibebat.

P. 57. Sequitur dysenteria, in qua intestinum rectum saepe inflammatum est, verumque pus per aluum excernitur. Si aegri, qui in nosocomium deferuntur, recenti dysenteria laborant, tunc vt plurimum curatio ex voto succedit, contrarium euenit in iis, in quibus morbus iam aliquantum durauit. Rhabarbarum in initio morbi Noster non laudat, sed eius loco vtitur haustu ex manna, oleo amygdalarum et sale amaro parato; si tormina summa adsunt et tenesmus, nonnulli medici cum fructu emulsionem ex cera et sapone paratam adhibere solent. Ex adstringentibus cortice Peruuiano cum aliis adstringentibus et opiatīs,

opiatīs, ac potissimum decocto simaroubae, in cholera vero diluentibus ad acrimoniam obtundendam, p. 97. cardiacis, fomentis et leuioribus opiatīs Cl. MONRO vtitur.

Sequuntur morbi inflammatorii. In febre inflammatoria post euacuationes puluerem antimoni-
niatum, qui ex tartaro emetico et terreo paratur, saepe cum insigni fructu in refracta dosi dedit. Porro de angina loquitur et pleuritide, in qua venae-
sectiones ad lipothymiam vsque instituit. In aegris, qui peripneumonia obierunt, pulmones vehementer inflammati et in iis maculae gangraenosae, in aliis abscessus erant; nonnunquam pulmones tantacopia sanguinis repleti deprehendebantur, vt aquae immissi ad fundum vasis descenderent, pleura ipsa non multum affecta. In iis e contrario, quos pleuritis sustulerat, pleura et intercostales muscoli vehementer inflammati erant, atque hinc inde gangraenosas maculas ostendebant, parua tantum parte in pulmonibus contiguis vitiata.

Accedit porro ad tussim et phthisin. In hac si obstructiones confirmatae sunt, et expectoratio haud bene succedit, corticis Peruuiani vsus noxius est, cum hoc medicamentum febris impetum augeat vel excitet. Idem de balsamo Peruuiano et de copaiua valet. Quod si autem vera adest vomica, atque aeger tussi purulentam materiam reiicit, tunc cortex egregios praestat effectus. Saepius Cl. Auctori in praxi sua setacea et fonticuli, propius ad partem dolentem applicati, insignem vsum attulerunt. In consummata phthisi vsum opiatorum cum oxymelle squillitico commendat. Adnectit porro Noster translationem de febre epidemica catarrhali, *influenza* dicta, quae anno 1762 mense aprili per totam fere Europam grassata est, ex qua tamen pauci tantum perierunt. In ea rheumatismi specie, quae cum febre

- bre est, Cl. Auctor diaphoretica, sub initium morbi data, noxia deprehendit, in chronico vero mercurialia nullam opem attulerunt, licet saluatio nonnunquam.
- p. 154. eorum vsu excitaretur. In febre autumnali intermittente cutis saepe tantam, quantam in ictero solet, fluedinem ostendit. Nullam Cl. M O N R O in hoc morbo regularem crisin obseruauit, praeter sudores; atque febris haec in iis aegris, qui ex ea pereunt, semper in continuam transit. Post venaesectionem, vomitorium et purgans, Cl. Auctor refrigerantibus et leuioribus diaphoreticis, in aliis vero puluere antimoniato, superius a nobis indicato, utebatur. Contra hunc morbum vires corticis Peruuiani nullae erant, licet haud raro ille in febrem remittentem mutatus esset.
- p. 174. In febribus intermittentibus, si aegri sanguine abundant, venaesectione semper ante corticis exhibitionem instituenda est; hac enim cautela neglecta, medicamentum hoc febrem haud raro non minuit, sed potius accendit. Si febris ob aegri debilitatem mox in initio supprimenda est, nullis praegressis euacuationibus, tunc cortici rhabarbarum suasu Cl. Auctoris admisceri debet. Si ventriculus nimis debilis corticem vomitu reiecit, is clysmatum ope ingeri potest; quod et de infantibus valet, qui omnem vsu corticis, ob nauseosam eius amaritiem respuunt. Minime hoc quoque medicamentum nocet, si icteritus in aegro est habitus, cum cortex icterum non augeat, sed potius soluat. Nam in vniuersum ex Nostri sententia ii casus, in quibus cortex Peruuianus nocuit, aut obstructionibus gignendis ansam praebuit, magis adscribendi sunt vi et pertinaciae morbi, quam vsui corticis. In ictero vomitoria utilissima saepe esse, variis hic exemplis confirmatur.
- p. 206. Nonnunquam balneorum in hoc morbo vsus reliquorum medicamentorum actionem insigniter augeat.
- p. 216. Vernali tempore an. 1761 multi ex aegris, qui hieme antece-

antecedente in nosocomiis fuerant, tumoribus in exteriori pectoris parte adficiebantur. Hi lente et nunquam plenarie in suppurationem abibant, sed remanebat semper tumor durus, atque aegri tandem, sterno et costis cariosis redditis, abscessu nonnunquam ad interiora pectoris penetrante peribant.

Transit porro Cl. Auctor ad paralyfin, et vrinae p. 220. incontinentiam, quem morbum milites saepe mentiuntur, tandemque ad retentionem vrinae. Epilepsia raro in nosocomiis militaribus curatur, licet p. 237. ea inter milites, qui aestiuo tempore longis itineribus defatigati in humido solo cubant, frequens sit. In variolis etiam Cl. Auctor iis aegris, in quibus de p. 243. glutitio laesa erat, corticem Peruuianum in clysmatibus dedit. Scorbutus verus tempore ultimi belli in exercitu Anglico tantum 1762 Bremae grassabatur. Contra scabiem Cl. MONRO vtitur solo deco p. 265.cto aut vnguento radice hellebori albi. Cum vero hoc medicamentum ob acrimoniam suam saepe inflammationem excitet, magis commendat vsum sulphuris, cui, cum perspirationem supprimat, purgantia quoque subiungit. Mercurialium vsus in omni scabie, quae non venerea est, reiicitur.

Sequitur brevis *Pharmacopoeia in vsum nosocomii regii militaris Britannici*. Hanc excipit *tentamen de* p. 275. *mediis praeferuandi sanitatem militum in vniuersum*, p. 307. aliudque *de ratione dirigendi nosocomia militaria*. Cum vero regulae hic propositae vel ex aliis scriptoribus p. 355. sumtae, vel eiusmodi sint naturae, vt commodè in compendium redigi nequeant, finem hic faciamus, persuasi, Lectores nostros satis ex iis, quae protulimus, intellecturos esse, quanta sit huic Cl. Auctoris instituto laus tribuenda.

VIII.

Observations on the Diseases of the Army, by
JOHN PRINGLE, Phys. in ordinary to her
Majesty. The fifth edition corrected. Lon-
don printed for A. Millar, [D. Wilson etc.
1765. 4. 2 Alph. 15 pl.

i. e.

Obferuationes de morbis militum. Auctore
IO. PRINGLE. Editio quinta.

Retulimus quidem de egregio hocce libro iam eo
tempore ad Lectores nostros, quo prima eius-
dem editio in publicum prodierat *), sed speramus
tamen, non inutilem nos operam suscepturos esse, aut
rem ingratam praestituros lectoribus, dum etiam de
noua hac editione exponimus. Nam in vniuer-
sum ea, quae Cl. Auctor tum ex propriis tum alio-
rum obseruationibus correxit et addidit, ita augment
huius libri praestantiam, vt ad huius editionis com-
mendationem non opus sit commemorare exter-
nam eiusdem elegantiam et nitorem, etsi summus sit.
Pauca tantum in duabus prioribus huius operis par-
tibus mutata sunt, longe vero plura augmenta et
additamenta in tertia occurrunt. Ex quibus emen-
dationibus, cum singulas, quod in animo habebamus,
recensere, spatium non permittat, sequentes tantum,
vt praecipuas, speciminis loco adnotasse sufficiat.

- p. 127. Inter signa, quae felicem exitum in omni morbo
inflammatorio promittunt, animi deliquia potissimum
p. 129. ab Auctore numerantur. Pulueres ex terreo, radice
contrayeruae et nitro compositos, quibus antea No-
ster vsus erat, plane nunc reiicit, cum omni vi ca-
p. 130. reant. Vesicatoriis, nunc tantum in cephalalgia
et

*) vid. Comment. horum Vol. II. pag. 393 sqq.

Etum deprehendimus. Veteres omnem intestinorum inflammationem ileum dixisse, obseruat. SYDENHAMUM porro taxat, quod, de hoc morbo sub nomine colicae biliosae agens, venaesectionem non commendauerit, cui tamen Cl. PRINGLE in impediendo progressu inflammationis et gangraenae multum tribuit. Multum quoque proficere contendit, si vesicatoria abdomini dolenti imponantur, cum saepe antispasmodica sua vi ventrem soluant. Ex remediis, interne porrigendis, multum laudat laxantia, maxime vero solutionem salis cathartici aquosam. Cum ventriculus, qui omnia alia reiicit, saepe eiusmodi solutionem retineat, suspicio nata est Cl. Auctori, salia media forte sedatiuam quandam vim obtinere. In vomitu pertinacissimo saepe, MEADIUM secutus, purgantia cum opiatis coniunxit, neque enemata in omni huius morbi cura neglexit, quae tamen ex mente Nostri sola sua stimulante virtute

p. 153. agunt. Magnum quoque in hoc morbo praesidium positum est in vsu mixturae RIVERII, ex sale absinthii et acido citri compositae, et sub ipsa effervescentia haustae. Nonnunquam latens in corpore arthritica materia ilei ex nostri obseruatione caussa est, qui succedente podagrico insultu soluitur. Magna cautione opus esse monet, ne in diagnosi inflammationis intestinorum erremus. Saepe enim, obseruante hoc iam SWIETENIO, in eiusmodi morbis parua tantum febris adest.

p. 160. In *rheumatismo* chronico solutionem gummi guaiaci, cui pauxillum salis volatilis additur, commendat; morbi vero impetu sublato, corticem peruuiianum in auxilium vocat. Adhibuit quoque Noster in rheumatismo pertinaciore DOUERI puluerem. Sudores

p. 165. colliquatiuos in *phthisi* compescit vsu aquae calcis vel elixirii vitrioli, reiicit vero nunc in hoc morbo omnia balsama. E contrario in phthificis paruas venae-

sectione-

sectiones saepius repetitas instituit, dietam lacteam et vegetabilem, fetacei adplicationem, equitationem et aerem liberiores commendat. Concedit quoque infusum corticis Peruviani, cum id, ex eius observatione, nullum calorem in aegro excitet.

Caussam remotam et externam *febrium remittentium et intermittentium*, quae in castris grassantur, ponit Noster in calida et humida atmosphaerae dispositione, internam vero et praedisponentem in laxitate solidarum partium, et putredinosa dispositione humorum, quae ex aeris constitutione orta est. Occasionales tandem caussae ut plurimum omnia illa dietae vitia sunt, quae sanguinis motum vehementer excitant, vel perspirationem supprimunt, quae quidem suppressio eo magis nocet, quo maior est corruptio, qua humores iam antea vitiiati sunt. Proximam vero caussam harum febrium definire Cl. Auctor non audet, cum, uti in omni, ita etiam in hoc morbo, multa adhuc obscura sint. A veteribus febres hae ideo biliosae dicebantur, quia bilis vitium pro causa horum malorum habebant. Bilis tamen corruptio magis effectus est, quam causa morbi, licet non negandum sit, bilis depravationem, ex febre ortam, secundam caussam irritationis et malorum ab irritatione pendentium esse posse. Relationi porro de hoc morbo Cl. PRINGLE in hac editione p. 197. subiunxit relationem Cl. HUCK de febre biliosa Indiae occidentalis. Ex ea patet, febrem flauam (*the yellow fever*) a remittente vel intermittente biliosa gradu tantum differre. In cura febrium castren- p. 201. sium nunc Cl. PRINGLE post venaesectionem statim purgans dat, et post illud quartam partem grani tartari emetici ter vel quater de die porrigit, cum in usu huius remedii maius praesidium, quam in usu ipecacuanhae, positum sit. Vix unquam febres illae, nisi in veras tertianas vel quartanas iam mutatae sint,

- sint, corticis ope tuto supprimuntur, quo medicamento in vniuersum in huius morbi medela vix opus
- p. 210. est. Si vermes adsunt, qui saepe multa symptomata in hoc morbo excitant, citius illi expellendi sunt purgantis ope ex rhabarbaro, cui calomel additum est. Communicantur quoque obseruationes Cl. DE MONCHY, medici Roterodamensis, de hoc morbo. Hic vomitorium tres vel quatuor horas ante paroxysmum dat, deinde eccoproticis aluum per omnem morbum laxam seruat, atque hac methodo quotannis magnam aegrotorum copiam autumnali tempore curat.
- p. 219. Tractationi de *dysenteria* pariter quoque multa in noua hac editione ab Ill. Auctore addita sunt. Huc pertinent primo ea, quae de significatione vocis
- p. 222. *dysenteriae* in vniuersum profert. Porro tam ex suis, quam ex aliorum medicorum obseruationibus, contra SYDENHAMUM probat, minime tot dysenteriae species dari, quot variolarum, medendique methodum vix adeo diuersam requiri. Negat quoque contra eundem, dysenteriam reperiri, in qua nullae sint deiectiones, atque in curatione non semper requiri euacuantia, sed quandoque omnem curam laudani ope absolui posse. Ipsa quoque morbi huius descriptio, eaque, quam SYDENHAMUS dedit, multum auctae hicprehenduntur. Corpuscula pinguia siue carunculae, quae saepe cum excrementis in dysenteria eiiciuntur, ex Nostri obseruatione casei naturam habent. Quaenam partes intestinorum in dysenterico adfectae sint, difficulter, nec aliter, quam ex obseruatione symptomatum, definiri potest. In dissecto caduere dysenterici Cl. Auctor pustulas variolarum similes in crassis intestinis inuenit. Harum sedes in cellulosa, quae villosae subiicitur, erat, villosa vero ipsa illaesa. Simile quid alii quoque obseruarunt, licet id ignorare videantur BONNETUS et MORGAGNUS.

Causa

Caussa dysenteriae remota eadem est, quae febrium p. 251.
 biliosarum, exacte quoque praedisponentes et occa-
 sionales vtriusque morbi inter se conueniunt. Dif-
 fert tamen vterque morbus in eo, quod dysenteria
 contagiosa sit, contagio per excrementa imprimis
 propagato. Caussa dysenteriae proxima a Cl. Aucto. p. 256.
 re non amplius in putrido fermento ponitur, sed ac-
 cedit magis ad LINNAEI opinionem, qui eam in
 diss. *exanthemata viua*, animalculis quibusdam adscri-
 psit. Licet Cl. Auctor, veteres sequutus, dysenteri-
 am ad biliosos morbos retulerit, tamen bilis, quam-
 uis in initio morbi corrupta esse possit, vbi morbus
 iam adoleuit, nullo manifesto vitio laborat, neque
 ipsum hepar aut vesicula fellea afficiuntur. Vitri p. 260.
 antimonii cerati vsum, licet de praestantia huius re-
 medii persuasus sit, nunc plane neglegit. Vtitur
 vero ipecacuanha, cui pauxillum tartari emetici ad-
 dit, sique purgante opus est, rhabarbarum cum ca-
 lomel iunctum exhibet. Opiatis in hoc primo sta-
 dio parum confidit. Adducuntur quoque Cl. HUCK
 de dysenteria obseruationes, qui etiam ipecacuanha
 cum pauxillo tartari emetici iuncta in refracta dosi
 vsus est, et methodus Cl. MONRO, qui, vti ex eius
 libro notum est, purgans ex manna, sale et oleo
 compositum exhibet. In secunda periodo Noster p. 270.
 laxantia et sal amarum dat. Clysmata quoque, ad-
 dito iis laudano, commendat, et hac methodo opi-
 um in dysenteria optime exhiberi posse, contendit.
 Si acida in ventriculo adest acrimonia torminaque
 excitat, terrea commendantur, si vero nullum acidum
 praefens est, mucilaginosus acrimonia inuoluenda est.
 Adhiberi quoque potest solutio cerae cum sapone, a
 Cl. MONRO iam laudata. Si pulsus debilis fit, et
 aphthae, singultus, anxietas praecordiorum aliaque
 mala symptomata accedunt, corticem cum serpen-
 taria porrigit, qua methodo etiam Cl. WHART in
 praxi

- praxi sua vfus eft. Cl. НУСК, fi intestina inflamma-
ta funt, et gangraenae metus eft, clysmata ex deco-
- p. 277.cto corticis vel aliis adstringentibus iniicit. Cum in
gravi morbo ventriculus folam fere aquam calidam
retineat, forte ea fola ad dysenteriae curam fuffice-
re poffet. Probant hoc obferuationes Nostro ab
Ill. SENAC communicatae. Hic poft venae fectionem et emeticum, neglectis omnibus medicamentis
aliis et alimentis, iusculum tantum tenuiffimum ex-
hibet, in cuius menfura vna granum vnum tartari
emetici folutum eft, fiquae tormina adfunt vehemen-
tiffima, ad ea fopienda fyrupo papaueris albi vtitur
- p. 279. Tertium morbi ftadium Cl. Auctor ponit in tenefmo
aegro poft morbum fuperatum adhuc molefto, ve-
in debilitate intestinorum ex morbo relicta. Si te-
nefmus oritur ex faecibus induratis, conducit vncia
vna falis amari, in menfura vna aquae foluta, per
haufus fumenda. Si ex vlcere prouenit, opiata ex-
hibenda funt, vel febum veruecinum in lacte co-
ctum, cui amyllum addi poteft. In recidiua adstring-
gentia curam abfoluunt. Simarouba non multum
laudatur, atque Cl. НУСК, eam tantum in ftadio ter-
tio vtilem effe, inuenit. Inprimis vero fub vfu ro-
borantium diaetae ratio in hoc ftadio habenda eft
cum in fola lactea vel vegetabili diaeta maius faepe
auxilium fit, quam in medicamentis.
- p. 287. Ex iis, quae Cl. Auctor de *febre carcerum* vel no-
focomiorum maligna habet, fequentia notaffe fuffi-
- p. 290. ciat: Vnicum fere fignum pathognomonicum, ex quo
in initio a reliquis febribus diftinguuntur, manuum
- p. 297. tremores funt. Ex Cl. CLEPHAN obferuatione
morbus die decimo feptimo potiffimum in melius
mutatur. Quodfi aeger, in quo morbus iam adoleuit
de naufea conqueritur, magnum periculum ei im-
minet. In aliis febribus, contra idem hoc sympto-
ma Cl. Auctor Riuerianam mixturam vtilem depre-
hendit

hendit. Analepticorum vsus nunquam crisin acce- p. 315.
lerat, quae raro ante decimum quartum diem mor-
bum soluit. Vesicatoriorum loco, si periculum phre-
nitidis imminet, fomenta ex aqua et aceto, supra iam
laudata, hic quoque vtilissima dicit. Tumores me-
tastatici saepe cataplasmatum vsu, si ea frigefacta
sunt, materia per frigus retropressa, desidunt, hinc
saepius mutanda, vel eorum loco emplastra gummo-
sa adplicanda sunt. Post morbum superatum vel
crisin factam cortex optimos effectus habet, mor- p. 318.
bique reditum impedit.

Supereſt, vt de iis, quibus appendix aucta eſt, bre-
uiter dicamus. Pertinent vero ea partim ad Cl. Au-
ſtoris cum Cl. DE HAEN controuerſiam, partim ad
ea, quae Cl. GABER contra Noſtri experimentum
adduxit. Contra Cl. DE HAEN libellum *de febrium* p. 94.
diuiſione Cl. PRINGLE varia monet. Negat pri-
mum, ſe aliquid in libro ſuo de morbis militum de
febre miliari protuliſſe, aſſeritque, ſe nunquam fe-
brem miliarem et malignam noſocomiorum pro ſi-
mili morbo habuiſſe. Neque maligna febris Noſtri
cum febre petechiali a Cl. DE HAEN deſcripta ea-
dem eſt, cum in febre carcerum, petechiae non ſem- p. 97.
per adſint, petechialis contra ſemper ſit cum pete-
chiis. Contendit porro, petechias, prout eas Cl.
DE HAEN deſcripſit, non conuenire cum maculis
a ſe obſeruatis. In Anglia in vniuerſum rariffime
occurrunt, neque cutis variegationes, a Cl. PRIN-
GLE obſeruatae, reſponderunt deſcriptionibus pete-
chiarum ab aliis traditis. Maculae vero hae, quibus p. 100.
aegri corpus variegatum eſt, oriuntur ex effuſione
ſeri et ſanguinis per putredinem reſoluti in ipſius
cutis cellulas. Hinc rariffime in facie occurrunt,
cum ibi cutaneus habitus longe ſtrictior ſit, quam
in reliquo corpore. Vibices vero ſiue ſtriae purpu-
reae, quae non nunquam obſervantur, oriuntur ex
disru-

disruptione vasorum cutaneorum, a putredine quodammodo solutorum, per digitos aegri corpus scalpentis. Errat Cl. DE HAEN, dum sedem petechiarum in cuticulam vel telam cellulofam, quae inter cutem et cuticulam est, ponit, neque sub cute in pinguedine vel musculis sedent. Credit Noster, Cl. DE HAEN nunquam petechias vidisse. Vix enim, si vidisset, eas ad eruptiones miliares referret, cum quibus non magis, quam cum variolis, conueniunt.

p. 107. Defendit porro medicos Anglos, ostenditque, illos minime regimine calidiore miliarium generationi ansam praebere. Saepe enim, vel optima antiphlogistica methodo adhibita, tamen miliaria erumpunt, et critica sunt, nam symptomata tollunt. Neque in maligna febre calidioris regiminis effectus petechiae sunt. Cum enim illae maculae a putredine oriuntur, tunc tantum proueniunt, quando vitalis indicatio nimium neglecta fuit, aut vires depressae sunt. Interim, licet Cl. PRINGLE miliarem febrem non attigerit, neque petechialis febris Cl. DE HAEN idem sit morbus cum febre maligna Nostri, tamen methodum suam ita defendit, ut doceat, se non nimium aegros calefacere, atque cardiaca tantum porrigere, ubi vires aegri nimium depressae sunt, in quo casu optimum effectum habere solent. Hinc optat Noster, ut Cl. DE HAEN non theoreticis argumentis, sed experientia, contrarium probare velit.

p. 110. Secunda controuersia, quae Nostro cum Cl. DE HAEN intercedit, est de usu camphorae. Afferit vero Cl. PRINGLE, se camphora tantum uti ad spasmos leniendos, ubi delirium imminet, et ad blandam diaphoresin excitandam, nunquam vero se illam ut paregoricum vel analepticum adhibere. Ter-

p. 112. tia est de vi antiseptica alcalinorum fixorum. Volatilis odor, quam Cl. DE HAEN post admixtionem alcali fixi in vrina obseruauit, ortus est ex alcalina volati-

volatili parte vrinae, quam alcali fixum expulſit, neque putredinis ſignum fuit.

Cl. GABER in miſcellaneis Taurinenſibus *) pro-p. 117. bavit, omnino humores noſtros, dum corrumpuntur, alcalinos fieri, quod Cl. PRINGLE antea negauerat. Concedit nunc Cl. PRINGLE, in putrefactione omnino eſſe aliquod tempus, vbi partes animales putrefactae cum acidis efferueſcant. Ipſe enim Noſter bilem ex icterico ſumtam cum acidis efferueſcere vidit. Expulſo vero et diſſato alcali hoc, putrefacta corpora nullum amplius efferueſcentiae ſignum dare ſolent.

IX.

Principia medicinae. Auctore FRANCISCO HOME, Medico Regio, et Collegii Medicorum Edinburgi Socio. Editio ſecunda. Edinburgi impenſis A. Millar etc. 1762. 8vo. pl. 20.

Cl. Auctor in compendium hoc praecipua medicinae practicae principia ita redigere conatus eſt, vt hitorias morborum depingeret, curationesque vſu confirmatas breuiter et ſuccincte traderet. Vſus vero eſt praecipue HOFFMANNO ex recentioribus, addidit tamen tum aliorum celeberrimorum practitorum, tum ſuas quoque hinc inde obſervationes.

Diuiſum autem eſt totum hoc opus, praelectio-
nibus academicis accommodatum, in tres libros, p. 1.
quorum primus *de ſanitate et morbis* in genere, ſecundus *de morbis febrilibus*, et tertius *de morbis non febrilibus* agit. Traditur itaque in primo libro hygieine, pathologia et therapia generalis breuiſſime.
In

*) vid. Comment. Vol. VIII. pag. 594.

- p. 51. In libri secundi parte prima Cl. Auſtor de diuerſis morborum diuiſionibus diſputat, febreque in
- p. 63. vniuerſum. Calor febrilis non tantum ab attritu, ſed etiam, cum neque in morboſo, neque in ſano homine calor exacte quadret augmento vel diminutioni motus, a continua humorum in putredinem procliuitate prouenit, praecipue in putridis. Putredinem enim ſemper calor ſequitur; quo maior eſt putredo, eo maior quoque calor eſt; calor per dies aliquot poſt mortem durat, putreſcentibusque in hydrope humoribus calor ſuperuenit. Calorem ad gradum 167 thermometri Farenheitiani Cl. HOMME adſcendere, ſine vilo periculo inſequenti, obſeruauit. Pars ſecunda de febribus, quae in totis corporibus conſiſtere videntur, inſcribitur. Inter eas prima eſt inflammatoria, altera lenta neruoſa, tertia putrida, quam febris intermittens, febris remittens, tandemque febris heſtica ſeu maraſmus excipiunt. Cum frigus certa perceptio in animo ſit, caloris abſentiam non denotat. Nam tum aliorum, tum Cl. Auſtoris experimentis conſtat, maiorem in frigore febrili iam inchoato aſſe calorem, quam in eodem corpore ſano. Cruſta alba inflammatoria in ſanguine hominis, qui febre inflammatoria laborat, oritur a volatili aliqua et ſeptica materia, particulis ſeroſas eleuante et coniungente, forte a materia perſpirabili retenta. In febre neruoſa lenta ſurditas, quam alii bonum ſignum eſſe contendunt, inter mala habetur. Pars tertia de febribus, quae in parte quadam oriuntur, agit, atque in ea primum diſputatur de inflammatione eiusque vario exitu in genere, deinde de phrenitide, ophthalmia, angina, tuſſi, peripneumonia, pleuritide, paraphrenitide, phthiſi pulmonali et tabe, inflammatione ventriculi, dyſenteria, diarrhoea et lenteria, colica, cholera, ileo, hepatitide, nephritide et ſtranguria. In ophthalmia ſero

scrophulosa cortex Peruuianus, et aquae minerales ferrugineae purgantes, in angina vero inflammatoria gummi guaiacum, post praegressas euacuationes, vt specificum laudatur. Tussis conuulsiva non ex ventriculo oritur, amara enim pulmonibus quoque profunt, neque per consensum affici videntur pulmones, quia tussi saeuiente saepe ventriculus non irritatur. Putat itaque Cl. НОМЕ, prouenire hanc tussim a maiore partium in catarrho communi affectarum irritatione, et maiore laxitate et irritabilitate tum corporis in vniuersum, tum inprimis ventriculi. Cl. Auctor vidit tussim remittentem, quae periodice definita hora adueniebat, et per horam vnam vel alteram instar conuulsivae aegram agitabat. Haec, omnibus pectoralibus frustra applicatis, spatio viginti quatuor horarum cortice Peruuiano feliciter profligabatur. In dysenteria radix ipecacuanhae, ad grana quinque sexta quaque hora data, vtilissima est. Monet tamen Cl. Auctor, paucos aegros nauseam continuam perferre posse. Vitro antimonii cerato, ad minuendam drasticam eius vim, et materiam morbificam ab intestinis ad cutem determinandam, opium addit. In parte quarta morbi p. 158. explicantur, qui primo in toto corpore, deinde in parte quadam sunt. Huc pertinent arthritis, rheumatismus, febris purpurata seu miliaris, febris scarlatina, erysipelas, variolae, et morbilli. Obseruauit Cl. Auctor lumbaginem rheumaticam epidemice grassantem, cuius causa in inflammatione ligamentorum vertebraliū posita est, et qui venaesectioni, medicamentisque topicis, vt vnguentis calidissimis penetrantibus, et emplastris epispasticis cessit. Speciem illam erysipelatis, quam SYDENHAMUS iam descripsit, durante constitutione variolosa Cl. Auctor quoque obseruauit. Scilicet feбри, tertio vel quarto morbi die, eruptio pustularum superueniebat,

quae humorem flauescentem continebant, febremque mitigabant. Disparebant post quatuor dies, et facillime venaesectioni et purgantibus cedebant. Putat Cl. Auctor, febrem variolarum secundariam omnino tolli posse pure e pustulis insitione educto. Morbillos Cl. HOME per insitionem felicissimo cum successu communicasse, iam alibi a nobis adnotatum est *).

- p. 187. In libri tertii, qui de morbis non febrilibus inscribitur, prima parte, proponuntur morbi totius corporis, scilicet scorbutus, hydrops, scrophula seu strumae et scirrhus, tandemque carcinoma vel cancer. In scorbuto febrem ideo putrefactis humoribus non adesse, suspicatur Cl. Auctor, quia natura putredini se gradatim assuefacit. Scrophulis aciditas, sanguinem coagulans, haud originem praebet, cum acidi vestigia gustu aut chemico examine detegi nequeant, et acida tumorem discutiant, qua propter magis visciditas feri et lymphae peccat. In cancro faciei nasique saepe mercurius sublimatus methodo Swieteniana adhibitus, in carcinomate vero mammarum solani infusio utilis est. Pars secunda agit de cerebri neruorumque morbis, ut apoplexia, morbis soporosis, paralyfi, epilepsia aliisque morbis convulsivis, malo hysterico et hypochondriaco, infania et odontalgia. Tetanum, omnibus aliis remediis frustra tentatis, opium extemplo sanavit. Tertia pars continet morbos, qui in partibus oriuntur. Huc vero refert haemoptysin, asthma, imbecillitatem ventriculi et intestinorum, haemorrhoides, icterum, calculum cysticum, diabeten, incontinentiam urinae, tandemque calculum renum et vesicae. Quarta pars morbos genitalium et uteri comprehendit, morbos scilicet venereos, obstructionem mensium, nimiam mensium profusionem, fluorem album, furorem

*) vid. Comment. nostr. Vol. IX. p. 504 sq.

rem vterinum , et qui eandem caussam et curatio-
nem habeant, satyriasin et priapismum, sterilitatem
in vtroque sexu, denique grauidarum et puerpera-
rum morbos. Gonorrhoea non virulenta, quam
Angli *the Gleet* dicunt, nunquam a sola laxitate du-
ctuum excretoriorum, vel prostaticis aut vesiculis se-
minalibus prouenit, sed oritur ab vlcere paruo, cal-
loso, haud venereo, quod in ipso glandulae emissar-
io ab vlcere gonorrhoeae remansit, eandemque se-
dem habet. Quinta tandem, quae vltima pars est, p. 300.
morbos infantum et puerorum enarrat. Praecipui
sunt morbi ab acido, aphthae, vermes, varii motus
conuulsiui, cutanei, ani procidentia, atrophia et
rhachitis.

X.

Dissertazione epistolare di ANTONIO LIZZARI Medico, ad un' amico, relativa a due ob-
servazioni in istampa recentemente publica-
te, in cui coll' autorità di alcune antiche, e
moderne dottrine, e osservazioni si accredi-
ta l' operatione cerusica detta paracentesi nell'
idropisie ascitiche, cistiche e nel peritoneo. Si
tocca ancora di passaggio l' altra operazione
cerusica detta nefrotomia. In Venezia 1761.
presso Antonio Zatta. 8vo. 10½. pl.

i. e.

ANTONII LIZZARI diss. epistolica ad ami-
cum, quae pertinet ad obseruationes duas
nuper in lucem editas, in qua auctoritate va-
riarum veterum et recentiorum doctrina-
rum, et obseruationum operationis chirur-
gicae, quae paracentesis dicitur, vsus in hy-

drope etc. stabilitur. Subiicitur etiam bre-
uis de nephrotomia tractatio.

Occasionem scribendae huius dissertationis Cl. Au-
ctori dederunt binae rariorum morborum hi-
storiae, quas an. 1761 edidit, et de quibus iam alio
loco ad Lectores nostros retulimus *). Praemissa
vero est tractationi de paracentesi brevis disputatio
de hydropo in vniuersum eiusque variis speciebus.
p. 20. Distinguit Cl. Auctor hunc morbum, secutus hac in
re veteres, in acutum et lentum, in eum, qui cum
febre, et illum, qui sine febre est, in idiopathicum por-
ro et symptomaticum, in vniuersalem et particula-
rem, tandemque in externum et internum. In hy-
dropo acuto et calido, qui ex subitanea omnium hu-
morum colliquatione, et solidorum motu nimium
aucto prouenit, calida omnia nocent, quapropter
multi quoque in huius morbi medela methodo re-
frigerante vsi sunt, et ipsam frigidam aegris propi-
nare haud dubitarunt. Externus vero hydrops, qui
proprie a Graecis ὕδρωψ dicitur, vel secundum ve-
nas est, vbi oedema appellatur, vel secundum car-
nes, vbi anasarca vocatur. Haec species, vt pluri-
mum, vt Galli loqui amant, ex infiltratione (*par in-
filtration*) oritur, atque in ea scarificationis praeci-
puus vsus est. Internus contra, quem Graeci ὕδεγος
vocant, ex diffusionione aquarum (*par epanchement*)
maxime prouenit, cuius species secundum partes et
cavitates, in quibus aquae contrahuntur, variis quo-
que nominibus insigniri solent. Pertinent etiam
huc hydatides. Cum vero in interno potissimum
hydropo paracentesis locum habeat, ad eam ipsam
p. 47. Noster accedit. Colligimus vero ex vniuersa Cl.
LIZZARI tractatione, hanc operationem hodie non
in eo honore haberi apud Italos, in quo inter alios
populos

*) vid. Comment. nostr. Vol. XIII. Part. III. p. 503.

populos esse solet ; sed illam in suspicionem potius
venisse, ac si periculum contraheret aegroto, illum-
que praecipitet. Quae res Cl. LIZZARI permo-
uit, vt veterum pariter ac recentiorum testimonia
bene multa conquireret, quo praestantiam illius ope-
rationis commendet. Ostendit vero, illam ex anti- p. 47.
quissimis esse operationibus, forteque primum ad
naturae imitationem institutam fuisse, quae scilicet
nonnunquam hydropicos sine vlllo alio remedio
interno adhibito sanauit, apertura in cute exorta,
et aquis per hanc aperturam effluentibus. Exerce-
batur olim haec operatio a peculiari chirurgorum
genere, quos exinde paracentistas vocabant. Ve-
teres vero ex aegroti corpore non vna vice, sed vice
plus vna, aquas emittebant, vt Cel. MEAD, vti ex p. 37.
loco dedicationis, quam IAC. DOUGLASSIUS libro
de peritoneo praefixit, patet, primus fuerit, qui
auderet, vnica operatione, omni tamen necessaria
cautione prius adhibita, aquas emittere. Ex omni-
bus vero obseruationibus et testimoniis collectis Cl.
Auctor concludit, hanc operationem, si tempestiue
instituitur, vtilissimam esse ; prodesse tamen illam
quoque haud raro in morbo, qui diu iam durauerit,
et cuius plenaria curatio vix possibilis videatur. Re- p. 139.
spondit simul ad duas obiectiones, quarum prima
sumta est a difficultate definiendi temporis, vbi ne-
glectis medicamentis internis ad operationem con-
fugiendum sit. Altera depromitur ab impossibilitate
formandae prognoseos, de exitu et effectu operatio- p. 162.
nis. In fine pauca de nephrotomia adduntur, vbi
docetur, si pus in renibus contrahitur, abscessum
omnino aperiendum esse.

XI.

Journal de Medecine, Chirurgie, Pharmacie, etc.
par Mr. A. ROUX, Docteur Regent de la Faculté de Medecine de Paris, Membre de l'Academie Royale des Belles-Lettres, Sciences et Arts de Bordeaux, et de la Societé Royale d'Agriculture de la Generalité de Paris, Tome XIX. a Paris 1763. chez Vincent. 8. Alph. 1. pl. 13. Tome XX. 1764. Alph. 1. pl. 13.

i. e.

Diarium ad artem salutarem, chirurgiam, pharmaciam, etc. pertinens. Auctore Cl. A. ROUX. Tomus XIX et XX.

T. XIX. **I**n mense Iulio 1763 haec inprimis recenferi merentur.

P. 21. 2. *Observationes de specie colicae, quae colicae pittonum similis est, et in Abbatia Saigny saevit; auctore Cl. MARTEAU DE GRAND VILLIERS.* Dolores ventriculi leues, et digestio difficilis praecedunt, accedit obstructio alui, ardor ventriculi, vehementissimi dolores intestinorum, spasmi insignes extremitatum, quae postea moueri non possunt, dysuria, interdum febris plerumque maligna, per viginti dies cum delirio continuans. Iuniores ab hoc morbo inprimis afficiuntur, quibus saepe lethalis est. Clysmata, balnea emollientia, et antispasmodica maxime profuerunt.

P. 41. 4. *Observatio de pernicioso effectu seminum hyoscyami.* Auctore Cl. PLANCHON. Medicafter duos scrupulos horum seminum, vt specifici in calculo et haemorrhoidibus, pro dosi dedit. Cum imperitus, his

his morbis non laborans, nouem doses intra tres dies sumserat, sensit vertigines ac dolores insignes capitis, somnolentiam, motus conuulsiuos, prostrationem virium, tandemque incidit in maniam et epilepsiam. Attamen venaesectioes, euacuantia, vetricatoria, et imprimis acidorum, roborantiumque usus aegrum tandem in sanitatem restituerunt.

7. *Observatio de retentione urinae, complicata cum prolapsu magnae partis intestini recti.* Auctore Cl. LEAUTAUD. Puero octenni magna pars intestini recti, alias sponte recedens, nunc, ob retentam per quatuor dies urinam, ano incarcerata propendebat. Post venaesectionem, balneum calidum, et fomenta emollientia, tandem reductum est intestinum rectum, atque aeger, vrina catheteris ope edueta, conualuit, et spongia, imbuta solutione sacchari saturni et aluminisque, per sex menses ano applicata, prolapsus intestini recti plane curatus est.

Menſe Auguſto.

5. *Observatio Cl. LEAUTAUD de corpore peregrino, per 18 menses in vulnere, sine ullo incommodo, relicto.* Quinquagenarius lapsu laesus est iunco, qui cutem perfodiens in gluteo sinistro iuxta os sacrum haemorrhagiam excitabat. Specillo nihil peregrini in vulnere detectum est, quod tandem, cum aeger eius dilatationem recusaret, coaluit, nec intra 18 menses doluit. Tandem, ob insignes dolores ibi sentitos, cicatricis incisio, quatuor pollicum longitudine, facta est, ex qua pars iunci, longitudine duorum pollicum et crassitie quatuor linearum extrahebatur, ac vulnus postea breui tempore curatum est.

Menſe Septembri.

6. *Observationes de usu alcalium volatilium in paralyſi.* Auctore Cl. LAHARDE LA CHESNE.

Obs. 1. Feminae 71 annorum, hemiplegia dextri lateris laboranti, dedit omni bihorio sex guttas alcali volatilis aromatici in ptisana, quo sudor excitatus et quarto die omnis morbus superatus est. Obs. 2. Alia 18 annorum, per quinque dies paralyfi affecta, sumsit, post vomitorium, octo guttas spiritus volatilis cornu cerui, eiusque usu per tres dies adhibito motum membrorum recuperavit.

Menſe Octobri.

P. 347. 5. *Obſervationes de hemeralopia et nyctalopia* Auctore Cl. DUJARDIN. Obs. 1. Puella ſeptennis poſt rubeolos lucem diurnam perferre non poterat, verſus vesp̄eram vero viſu utebatur. Cum Auct̄or clauſas eius palpebras aperiret, ſenſit puella grauem dolorem, ac emanarunt lacrymae acres, corroſivae. Suasit venaeſectionem, vomitorium et veſicatorium nuchae, ad deriuandam hanc acrimoniam, ſed ſuccellum horum remediorum non amplius obſervare potuit. Obs. 2. Iuuenis, octodecim annorum, poſt ſuppreſſam excretionem pituitae, alias matutino tempore factam, incidit in nyctalopiam, vt vesp̄era debili viſu, noctu coecitate laboraret, interdium vero viſu perfect̄o gaudens; cui Cl. Auct̄or poſt venaeſectionem praec̄ripſit purgans e puluere de tribus, regimen accuratum et potum decocti rad. chinae, tandem veſicatorium poſt aures, ac intra menſem aeger viſum perfectum recepit.

P. 351. 6. *Obſervatio de gangraena totius inteſtini recti;* a Cl. PASQUIER. Tricenarius, per octo dies diarrhoea ſeroſa vexatus, contraxit procidentiam inteſtini recti, quod, cum non repositum fuiſſet, ac forte contracto ſphinctere incarceratum, gangraena tactum eſt. Diſſecuit Cl. Auct̄or corruptam partem et huic canali immiſit turundam, vnguento digeſtione imbutam, quam poſt deligationem rursus eduxit.

ut canalem elongaret, ac vicinis partibus applicaret, strictaque diaeta suppuratio bene successit, et aeger paulo post plane sanatus est.

7. *Observatio* Cl. MARTIN *de neglecta operatione empyematis.* p. 352. Puer 15 annorum, post lapsum in dextrum latus thoracis, statim ibi sensit dolorem acutum cum febre insigni, et quarto die ibi perceptus est tumor oedematofus. Die decimo quinto Cl. Auctor accersitus proposuit operationem empyematis, qua recusata aeger tandem mortuus est. In cadaueris disquisitione latus affectum thoracis tribus mensuris puris albi repletum inueniebatur, et pleura plurimis granulis albis erat referta; patet igitur, operationem empyematis, si 15 vel 20 die facta esset, aegrum forte saluasse.

8. *Observatio* Cl. LE ROUX *de vulnere, granulis plumbeis explosis facto.* p. 355. Tricenarius, tubum sclopeti manu tenens, eius explosione improuisa laesus est in hypochondrio dextro, inter tertiam quartamque costam spuriam. Vulnus, altero demum die disquisitum, erat magnum, ac multae costae simul fractae. Cl. Auctor e dilatato vulnere multa eduxit grana plumbi, corpora peregrina, et fractas partes costae tertiae et quartae spuriae, atque dilatato peritonaeo laeso, vulnus transversale, trium pollicum longitudine, semi pollicis latitudine, in lobo magno hepatis detexit, unde extraxit granula plumbi, ac denique hoc accurate deligato et caute tractato, omnia bonum euentum praedicebant. Attamen post mensem sensit aeger tumorem sub angulo inferiori scapulae, quo aperto effluxit pus cum corporibus peregrinis, et ex inciso tumore, sub musculo dorsali magno haerente, exiit particula corporis vnus poll. longitudine ac duarum linearum latitudine, et pus e pluribus sinubus, a granulis plumbeis factis, emanauit; aeger vero inter duos menses cum dimidio plane sanatus est.

9. *Ob-*

p. 361. 9. *Observationes* Cl. PET. GUYARD *de exstirpatione duorum tumorum magnorum.* Obs. 1. Quaedam dragenaria laborabat tumore cancroso palati, ad radicem dentium incisiviorum maxillae superioris, quod totum fere os occupabat, et pugni magnitudinis instar ex hoc propendebat. Eius basis dura, substantia cartilaginea, ossi palati firmiter adhaesit. Ad quem tumorem exstirpandum chirurgus eum incidit ad radicem alveolorum, atque ter a copioso sanguinis effluxu in hac operatione interruptus est. Tumoris pondus novem uncias aequavit; vulneri applicabatur puluillus, cum pulvere sperniolae CRÖLII conspersus, atque cicatrix intra octo dies coaluit, salua aegrota.

Obs. 2. Alia, 34 annorum, conquesta est de tumore magno ad inferiorem partem lateralem dextrae ventris, qui magnitudinem lagenae duarum mensurarum superabat, et pedunculo, pugni crassitie, adhaerebat, quem, cum ligatura parum efficeret, Cl. Auctor una incisura dissecuit, ac multum sanguinis ex hoc vulnere, tres pollices amplo, effluxit, aegra vero intra mensem conualuit. Pondus tumoris, qui interius ex carne ac vasis varicosis constabat, quatuor libras superabat.

p. 365. 10. *Observatio* Cl. DENIS *de exstirpato et sanato tumore fungoso oris,* quo laborabat rusticus, cui, ad dentes molares sinistros ortus, totum latus oris obtegebat, ac masticatos cibos sanguine inquinabat, nec, ob adhaesionem cum lingua et fundo oris, ligaturam permittebat. Euulsit igitur Cl. Auctor dentem, inter dentes alterius lateris suber posuit, atque tumorem postea exstirpavit et aegrum sanavit.

Menſe Nouembri.

p. 410. 2. *Epistola* Cl. PHILIP, *continens observationem de colica metallica, ope emetici et draſticorum curata.*

Typo-

Typotheca, ex consuetudine typos saepe ore tenens, subito incidit in colicam vehementissimam, convulsiones, affectum comatosum, alui obstructionem pertinacissimam, cet. cui Cl. Auctor, reliquis iam frustra tentatis, dedit clyfma cum colocynth. gr. 18. et hieraepicrae drachma vna, ac potum ex aqua card. benedict. canell. confect. hyacynth. et sex gravis tartari emetici, cuius dosis sequenti die duplicata est, postea aeger aliquot purgantia sumfit, et plane conualuit.

3. *Observatio de morbo venereo inueterato perti-p. 414. aaci, secundum nouam methodum tractato.* Auctore Cl. PASSERAT DE LA CHAPELLE. Vir, qui ante nouem annos gonorrhoea laborauerat, incidit in luem veneream, cum vlcere glandis ac phimosi, et post largum vsum mercurii copiosa saluatione creberrimaque alui deiectione maxime debilitatus est. Postea paululum restitutus maculas rubras cutis sensit, quae tandem in vlcera mutabantur, saluatio copiosa denuo irrupit vna cum febre, accessit ophthalmia pertinax, quae visum dextri oculi plane auferrebat, sinistri maxime imminuebat; sed vfu medicamentorum amarorum, balneorum et frictione mercuriali symptomata haec cedebant, ac vlcera paulo post hinc illinc denuo exorta eadem remedia requirebant. Pessimis tandem symptomatibus venereis rursus affectum aegrum subiecit Cl. Auctor methodo medendi KEYSERI, et successuum augmentum trochiscorum, venaesectionum ac purgantium, quod ille commendat, tam prospero cum euentu adhibuit, vt aeger breui tempore visum, motum membrorum, et plenariam sanitatem recuperaret.

6. *Tres observationes 1. de medela polypi mucosi; p. 453. 2. de transsudatione lymphatica; 3. de phaenomeno peculiari, quod post vulnus abdominale occurrit.* Auctore Cl. DUMONT, fil. Obs. 1. Sexagenaria gerebat

rebat in cauitate narium sinistra polypum, consisten-
tia gelatinae carnis, colore rufescente. Huic caui-
tati immisit Cl. Auctor vltra mensis spatium turun-
dam, solutione saturni imbutam, sed frustra; poste-
aegra ex consilio medicastrī ibi applicauit turundam
sebo liquido immerfam, ac intra duos menses poly-
pus hinc sensim decrescens plane dissipatus est.

Obs. 2. Tornator contundens tibiam, ei appli-
cauit spiritum vini, maximamque irritationem dolo-
rosam effecit, et post vsum cataplasmatum emolli-
entium sub aponeurosi ortus est abscessus, quo inci-
so effluxit libra vna puris, et vulnus intra duos men-
ses coaluit. Postea e superficie cutis, cataplasmati-
bus tractatae, exsudabat ros lymphaticus, siue po-
tius serosus, cutem arrodens, nec, nisi puluillis, so-
lutione ex aluminis zij et praecipitati rubri zß imbu-
tis, cedens.

Obs. 3. Quadragenaria cultro laesa est in ven-
tre, tres vel quatuor pollices ab insertionē inferiori-
musculi quadrati lumborum; parum sanguinis ef-
fluxit e vulnere, idque intra octo dies coaluit. Ho-
ra quinta post acceptum vulnus aegra minxit sede-
cim vncias sanguinis, rediitque hic mictus cruentus
per quatuor dies, sensim in minori copia ac sine do-
lore. Aegra debilitata sumsit clysmata aquae frigida-
dae, constrinxit ventrem fasciis, lecto se detinuit, e
victu refrigerante vsa est; sic cessauit hic mictus cru-
entus, ac die decimo vrina pura reddita est. Cum vero
lectum citius reliquisset, denuo per tres dies sangui-
nem minxit, sed eodem regimine, et seruata quiete
in lecto per tres hebdomadas, ac vsu tandem lactis
nullus amplius sanguis ex vrethra eiectus est. Vi-
detur acumen cultri peluim renis transiisse, ibique
vas laesisse.

P. 458. 7. *Observationes peculiare: 1. de verme cum vrin-
na eiecto, ex epistola Cl. RAISIN ad Cl. ALLEAUME*

Quin

Quinquagenarius colica nephritica vehementi, cum vrina cruenta et nigrescente, laborauit, quae saepe rediit, tandem vero, eiecto vna cum vrina verme, trium pollicum longitudine, plane cessauit.

Obs. 2. *De homine myope in sinistro oculo, et presbyta in altero*, ex litteris Cl. STRACK. Vir, 50 annorum, hoc vitio oculorum affectus est, cui, ad hoc leuandum, Cl. Auctor commendauit perspicillum vitro conuexo, ad vsum oculi dextri, simileque vitro concauo, ad oculi sinistri adminiculum.

Menſe Decembri.

2. Epistola Cl. DUPUY DE LA PORCHERIE, p. 502. *de morte feminae, quae post abortum dosin pulueris d'AILHAUD sumserat.* Haec, 28 annorum, ab abortu nondum satis reſecta, ab hoc puluere maxima tormina ſenſit, et intra octo horas periit, in cuius ſectione multum ſeri ſanguinolenti ex aperto abdomine effluxit, viſcera vero nihil morboſi oſtenderunt, praeter dilacerationem meſocoli duodecim linearum; attamen cauitas peluis erat repleta ſanguine nigro coagulato, quatuor librarum pondere, qui ex ramo venae hypogaſtricae, ad finem curuaturae magnae coli, proſiliit. Viſcera thoracis perfecte ſana erant, praeter ecchymosin trium pollicum in dextra parte ſuperiori diaphragmatis; curuatura magna et cardia ventriculi tumida, inteſtina vero tenuia, praeter maculas nigras pulueris d'AILHAUD hinc illinc diſperſas ſana inueniebantur; anus erat excoriatus et inflammatus; vterus a ſtatu naturali non recedebat. Hinc patet, puluerem d'AILHAUD excitafſe tormina vehementiſſima et rupturam vafis, ex cuius extrauafato ſanguine praematura mors orta eſt.

Adiecta eſt alia obſeruatio eiufdem generis, communica- p. 518.
ta a Cl. ROUSSIN. Vir, 38 annorum, inſultibus podagricis vexatus, ſumſit dosin pulueris d'AILHAUD

HAUD, qui mox copiosas excitabat deiectiones alui
dolores vehementes ac ardorem abdominis; deie
ctiones, post viginti quatuor horas cessantes, sequu
ta est febris irregularis, difficilis respiratio, haemo
ptoe, ac decimo quarto demum die progressus mor
bi aptis remediis coercitus est, et aeger lente recu
peravit sanitatem, crebriori afflictus insultu poda
grico et vitiligine.

In Tomo XX haec prae reliquis indicanda sunt

Mense Ianuario 1764.

- Tom. 2. *De methodo curatoria colicae pictonum vegeta*
XX. *bilis* *). Auctore Cl. BONTE'. Hanc in quatuor
p. 15. sectionibus proposuit, quarum 1) docet medelam
in prima huius morbi periodo, siue initio, adhiben
dam; 2) eam, quae in eius secunda periodo, siue
progressu, requiritur; 3) illam, quae in eius tertia
periodo, siue fine, necessaria est; 4) prophylaxin
siue methodum praeferuatoriam indicat.
- p. 18. Sect. 1. *Medela in prima periodo.* In subiecto
iuniore plethorico requiritur initio morbi venaese
ctio, sed rarius sanguinei et plethorici hac colica la
borant, crebrius cholericici et melancholici, quibus
venaesectio nocet; in regressu morbi non suadeatur
multo minus feminis hystericis; in robustis et iu
nioribus, vbi podagra huic morbo iungitur, iuuat
venaesectio, senibus nocet; si scorbutus accedit,
minime concedatur; semper itaque est prophyla
cticum remedium et praeparatio ad reliqua medica
menta. Si venaesectio necessaria inuenitur, statim
detur vomitorium ex granis 2 vel 3 tart. emet. in
aqua tepida, vel cum manna; in feminis hystericis
sufficit granum vnum tart. emetici. Si vomitus vl
tra

*) De hoc morbo iam alias diximus, in Commentari
hor, Vol. XII. P. IV. p. 651. 657. 660.

tra modum continuantur, vel viridescentes sunt, exhibeantur temperantia, vt succus citri, laudanum liquidum SYDENHAMI, narcotica, et ipsa vespera, post sumtum emeticum, granum semis opii cum theriaca mixti. Clysmata saepe dentur, primo emollientia, postea purgantia. Si interdum retineantur: clysmata salina requiruntur; si non sufficiant: adiciatur decocto emollienti aqua benedicta, vel vinum emeticum, et postea sumatur clyisma emolliens oleosum; si spasmus coli ingressum clysmatis impedit: iniiciatur oleum. Praeterea simul euacuentur intestina purgantibus, et quidem in robustis, drastice opio mitigatis, v. c. pillulis cochiis, cum grano vno opii pro dosi. Tutius adhibentur purgantia leniora, v. c. potio ex fenna, manna, cassia, hiera picra, cet. quorum operatio sustineatur clysmatibus crebrioribus. Ad imminuendam acrimoniam humorum dentur diluentia et relaxantia, decoctum graminis atque glycyrrhizae, infusum florum maluae et violae, inprimis chamomillae, iusculum tenue; interdum sumatur cochlear olei, si nausea non adsit. His remediis retardatur progressus morbi, nec ultra septimum diem perdurat. Quod symptomata primae periodi huius colicae attinet, vt plurimum, sopitis doloribus, sentitur per duos dies insultus febrilis, cum articulorum stupore, qui, aucta transpiratione vel sudore, facile cedit. Languida digestio carminatiuis tollatur; color flauus cutis aperientibus lenibus et aquis martialibus remoueatur, vel ferro lactis cum fumaria. Saepe initio morbi accedunt conuulsiones epilepticae, inprimis in hystericeis, quae coerceantur narcoticis cum antispasmodicis mixtis. Saepe podagrici in hoc malum incidunt, atque tum requiritur venaesectio pedis, postea lene purgans, sinapismi vel vesicatoria pedum, vt materies podagrica huc deducatur. Non raro ad articulos defer-

tur, ac tum perspiratio augeatur. In variis artificibus, v. c. in iis, qui plumbum, cuprum, cet. tractant, colica mineralis et vegetabilis complicantur, atque tum omittatur initio venaesectio, et potius oleosa suadeantur.

p. 57. 4. *Observatio Cl. DE LA BROUSSE, de sphacelo, ex terrore orto.* Puella triennis ab adpectu sanguinis, e vulnerato naso effluentis, tantopere perterrita est, vt in animi deliquium incideret, ac post quinque horas extremitas nasi, buccae, manus, pedes et nates intumescerent, liuescerent, et paulo post, gangraena cum sphacelo accessis, aegra decimo die moriretur.

p. 61. 5. *Observatio de abolitione memoriae peculiari, post apoplexiam virginis non menstruatae exorta.* Auctore Cl. GUILLEMEAU. Haec, temperamentum phlegmatici, quae nunquam passa est menstrua, anno 25 aetatis febre periculosa, quae caput inprimis petebat, ac eius insignes dolores excitabat, afflicta est, atque per octo dies in vero statu apoplexiae fuit, donec sensim conualuit. Sed hinc amiserat omnem facultatem memoriae, vt neminem, praeter matrem, agnosceret, pauca verba eaque confuse produceret, magna cum difficultate legere disceret, et lecta vix pronunciare posset.

p. 66. 6. *Observatio Cl. MIOLLIS, quae docet, quam necessarium sit, vt celeriter aperiantur abscessus, post variolas confluentes exorti.* Vir 27. annorum a refrigerio variolas in statu inflammationis repressit, quae aptis remediis restitutae paulo tardius suppurabant. Die duodecimo febris aucta delirium phreniticum produxit, quo tempore aeger leuiter obtectus noctu campos obambulabat, donec delirans et conuulsione afflictus vi ad lectum delatus est. Denuo aptis auxiliis restituebantur variolae depressae, earumque suppuratio, adeoque desquamatio bene

bene peractae sunt. Die viceſimo tres oriebantur abſceſſus metaſtatici doloroſi, magnitudine oui galinacei, in regione lumbari dextra, in parte media poſteriori dextri femoris, et in parte media poſteriori dextra thoracis, quibus inciſis materia foetida exiit. Cum aeger celaret eiſmodi abſceſſum cubiti ſiniſtri, is maxime increuit, et apertus materiam corroſiuam emiſit, ac intra ſeptem dies triginta duo abſceſſus metaſtatici exorti ſunt; quos ſemper aperiendos eſſe iudicat, et abſtergendos leuiterque deligandos; natura enim horum coalitionem facile adiuuat, etenim aeger hoc modo tractatus ruſum conualuit.

Menſe Februario

2. *Continuatio methodi curatoriae colicae piſto-p. 106.*
num vegetabilis. Auctore Cl. BONTE'. Sectio 2.
Medela in ſecunda periodo adhibenda. Haec periodus incipit ſeptimo die morbi, et interdum uſque ad 14 interdum ad 40 uſque diem continuatur, ac febris continua ſemper adeſt. Mitigentur ſpaſmi et dolores, euacuentur primae viae, liberetur maſſa ſanguinis a miaſmate morboſo; id, quod fiat relaxantibus, emollientibus, diluentibus, demulcentibus, narcoticis, purgantibus. Aegro, prius non euacuato, conuenit ptifana purgans, dilutum caſſiae cum manna, clyſmata purgantia; ſi febris magna ſit, et dolor acutus, purgantia nocent, in morbi reſſu vero profunt. Melius compoſcuntur dolores inteſtinorum relaxantibus et demulcentibus, inprimis clyſmatibus, fomentis, balneis, ſemicupiis ex aqua tepida, vel decocto emolliente. His adiſiantur remedia interna, v. c. ſerum lactis, infuſa demulcentia, iuſcula tenuia. Optima via eiſciendae materiae malignae eſt aluus, quae moueatur crebriore purgante leni, ex ſero lactis cum tart. emet. vel manna,

vel oleo amygd. dulc. Ob vrgentes dolores medicus interdum anceps est, vtrum febris a stimulo materiae morbosae, an ab inflammatione intestinorum excite-
tur? Haec tamen, nisi prior caussa delirium excitat, venaesectione non supprimatur, a posteriori orta fe-
bris, semper periculosa, ea vna cum relaxantibus adhi-
bitis coerceatur. Passio iliaca interdum accedens opia-
ta et lenientia requirit. Debilioribus narcotica nocent,
et saepe, vti non raro ipsa opiata faciunt, paralyfin ac-
celerant. Melius adhibetur opium cum castoreo iun-
ctum, vel liqv. anodynus HOFFM. cum laudano liqui-
do SYDENHAMI. Profunt sudorifera, si suppressa
perspiratio vel podagra irregularis hanc colicam pro-
duxit. Interdum symptomata vrgent, inprimis do-
lores renum, e quibus non raro oritur phrenitis,
conuulsio epileptica, coecitas, cet. quae venae-
sectione brachii, femicupiiis, cataplasmatibus regioni
renum applicatis, remoueantur. Dysuria vel stran-
guria, interdum accedens, relaxantibus coerceatur;
haemorrhagia narium, si magna est, critica dicenda,
si parca, venaesectione brachii iuuanda est. Cata-
menia sustineantur pediluuiis, clysmatibus emollien-
tibus; purgantia tum nocent, narcotica vero cum
emmenagogis maxime profunt. Delirium, feбри
accedens, requirit narcotica refrigerantia, v. c. syrup.
diacod. cum aquis destillatis; sin grauius redditur,
venaesectionem. Conuulsiones epilepticae, maxi-
me periculosae, coerceantur narcoticis cum antispas-
modicis, inprimis balsamo Peruuiano, venae-
sectione, relaxantibus, ac, si fieri potest, fumantur ali-
quot grana tart. emet. cum oleo amygd. dulcium;
deinde furis applicentur vesicatoria, inprimis, si so-
por accedit; febris, post conuulsiones occurrens,
bonum est signum. Soporosi affectus magnum pe-
riculum praedicunt, et venaesectione ac vesicatoriis
tractentur. Coecitas vel gutta serena metastatica
rarius

rarius occurrit, et simili modo remoueat. Seditis symptomatibus, si noui dolores gignuntur, clysmata carminatiua requiruntur.

3. *Obferuatio* Cl. BERTRAND, *de morbo aurium*, p. 150. *cum symptomatibus malignis.* Virgo, 15 annorum, ante quatuor annos amiserat facultatem audiendi in aure sinistra, post eius dolorem insignem cum febre et effluxu puris, qui singulo tertio mense suppressus, eundem morbum reuocabat. Paulo post accessit surditas auris dextrae, quae tamen post duos annos sublata est. Tandem, cum sub dio obdormisset, quinque vermes, conica figura, crassitie calami scriptorii, octo linearum longitudine, aurem sinistram ingressi sunt, et sensim excitarunt maximos dolores, febrem, delirium, conuulsiones, haemorrhagiam auris, iisque postea eductis, caries canalis auditorii detecta est, quae tamen intra sex menses plane curata est, relicta plenaria surditate.

6. *Obferuatio* Cl. CELLIER, *de pene infantis* p. 169. *nonimestris, quem canis comedit.* Infans, in cunis ac conclaui solus relictus, a catulo ad genitalia ita vulneratus est, vt penis vna cum dimidia parte scroti plane deuoraretur, ac funiculus spermaticus dextri lateris denudaretur, et vas deferens ab epididymide disseicaretur. Cl. Auctor dissecuit partes dilaceratas, et vulnus, linteo carpto deligatum, intra 40 dies coaluit. Vsum tubuli, quem, ad cauendam vrethrae corrugationem, plurimi chirurgi in hoc casu commendant, plane dissuadet, ac noxium putat, cum vrethra satis firma ac facile expandenda, et a muco superficiei satis flexilis sit, vt vix corrugetur. In amputatione penis tubulus nocet, cum nimis premat margines vulneris, eosque callosos reddat.

Menſe Martio.

p. 204.

2. *Continuatio methodi curatoriae colicae pictonum vegetabilis.* Auctore Cl. BONTE'. Sect. III. *Medela periodi tertiae.* Tum paralyſis creberrime occurrit, ac difficillime curatur. Lente accedit; etenim incipit ſtupore membrorum, et ventris dolores imminuti tum in extremitatibus ſentiuntur, maxime acuti, etiamſi motus iam amiſſus ſit; pars enim materiae morbi nervis paralyſin inducit, praegreſſis doloribus ventris. Quae quidem paralyſis, a comuni valde diuerſa, peculiarem etiam medelam poſtulat. Sudorifera, in eius initio data, minime ſint calida, potius leniſſima; in confirmata paralyſi calidiora profunt. Balaſma, inprimis Peruvianus, et pillulae ex gummi reſinoſis, nimis calidae ſunt. Friſtiones cum panno aſpero, in decocto emolliente immerſo, ſuadendae ſunt, vt et emplaſtra gummi ferulacea, abdomini imponenda. Haec paralyſis tempore vernali facilius curatur, vbi balnea, embrocationes thermarum, balnea frigida in aqua marina, et aquae minerales plerumque felici cum ſucceſſu adhibentur. Vt ad haec praeparatio fiat, ſumantur diaphoretica, cum friſtionibus; membra affecta per 14 dies ſanguini animalis recens maſtati immergantur; digiti ſaepe extendantur, ne rigidi maneant. Balneorum ex aqua marina uſus in dies augeatur, et aeger ſudorem in lecto exſpectet. Balneum frigidum, inprimis aquae marinae, excitat tremorem conuulſiuum vniuerſalem, qui ſoluit obſtructiones vaſorum ac neruorum. Aquae martiales in quacunque huius morbi periodo profunt. Conualeſcentes plerumque maraſmo, febre lenta, acrimonia humorum, obſtructione meſenterii, phthiſi neruoſa, laborant. Febrem lentam compeſcunt diluentia, demulcentia, analeptica; lac optime nutrit, vel ſerum lactis, inprimis lac aſininum cum infuſo ſtomachi-

machico vel aquis martialibus bibendum. Phthisis pulmonalis, praeter bechica demulcentia, usu lactis tractetur. Strepit articularum, post curatam paralyfin relictus, fomentis emollientibus et resoluentibus tollatur, minime vero spirituosus, ne rigor accedat. Hydrops, colicam hanc subsequens, plerumque lethalis est; duplex esse solet, vel tympanitis, vel ascites, interdum ex utroque complicatus. Priori, quae crebrius occurrit, aperientibus carminatiuis succurratur; alter rarior, in iis, qui spirituosam amant, ut plurimum lethalis, hydragogis lenioribus tractetur, minime emeticis et drasticis; profunt etiam diuretica aperientia, v. c. succi cerefolii, fumariae, parietariae, tandem tonica. Mania, interdum occurrens, tonicis et nervinis cephalicis curetur, ac imminuta memoriae facultas eadem requirit auxilia. Qui saepe hac colica afflicti fuerunt, convulsiones epilepticas patiuntur, quas subsequitur epilepsia, plerumque non curanda et haereditaria.

Sect. IV. *Curatio prophylactica.* Haec vel prae-p. 227. caueat regressum morbi, vel eius impetui prospiciat. Qui colicam hanc iam passi sunt, diu fugiant potum vini pomacei, potius vino bono aqua diluto, aqua pura, infuso canellae aut coriandri, utantur. Ne vinum pomaceum noceat, paretur ex fructibus maturis, eique initio fermentationis planta amara admisceatur; saltem non nisi recens bibendum est. Ob debilitata viscera digestionis sit victus levis, parcus; imprimis iuscula conueniunt; flatulenta semper omittantur; conualescentes iuuat aer ruralis, nocet iis pluuiosus et nocturnus: vitentur loca vliginosa ac subterranea; saepe mutetur aer conclauium, imprimis culinarum, ubi saepe vapores cupri soluti abundant; corpus motu exercitetur, praesertim equitatione; absit tristitia, sustineatur hilaritas, ac somno magis indulgeatur, quam vigiliis.

p. 238. 3. *Epistola* Cl. PLANCHON, *de morte hominis, cuius iam mentio facta est mense Iulio 1763. p. 41.* Hic praeterlapso anno incidit in febrem tertianam pertinacem, ac neglectis remediis, in conuulsiones, pauloque post epilepticus periit, in cuius sectione intestinum iejunum multis lumbricis viuis repletum et gangraenosum apparuit.

p. 243. 4. *Observatio* Cl. VAUNIER, *de colica pictorum.* Femina, tapetes sericeos texens, colica habituali per duos menses laboravit, quae, sumto iusculo tenui per octo dies, aucta est, ac post usum antispasmodicorum ulterius increvit, attamen post emeticum crebrius adhibitum, vna cum purgantibus crebrioribus, bolis narcoticis, ptisanis sudoriferis et semicupiiis plantarum aromaticarum, plane cessavit.

p. 246. 5. *Epistola* Cl. MARTIN ad Cl. ROUX, *sistens historiam polypi uteri.* Femina, 45 annorum, tumorem habuit per quinque annos, e vagina propendentem, pyriformem, pedunculo molli, quem annulus circularis circumdabat, totus vero tumor in vaginam reponi poterat. Post annum accidit, ut pedunculus ab annulo constringeretur, et tumor gangraena afficeretur. Ligato itaque pedunculo, abscidit Cl. Auctor tumorem, et vaginam detergentibus iniectis tractavit, nihilominus tamen postea a resorpta sanie abscessus externae partis femoris dextri oriebatur. Substantia tumoris ex plurimis stratis membranarum constabat, quae substantiam adiposam continebant, et fibris ligamentosis cohaerebant; haec massa cordiformis quatuor libras aequavit. Hinc patet: 1. nonnullos polypos uteri, uti vterum inuersum, reponi posse; 2. citius ligari debere; 3. non statim ad inuersionem uteri concludendum esse, etiam si collum uteri vix a polypo distingui possit.

p. 251. 6. *Observatio* Cl. BAURIENNE, *de vulnere contuso, quod in sphacelum scroti transit.* Lanio, 45 annorum,

norum, a boue duabus contusionibus laesus est, ab ossis pubis dextri parte inferiore vsque ad perinaeum, et ad superiorem partem internam femoris sinistri. Post quatuor dies accessit febris vehemens, alui obstructio pertinax, et gangraena scroti, cuius partes corruptas abscidit Cl. Auctor, vna cum testiculo dextro, ac sinistrum plane denudauit, qui tandem rite tractatus sponte nouis integumentis obtectus est, et aeger intra duos menses conualuit.

7. Cl. TERLIER *observatio herniae cruralis cum* p. 256.
gangraena. Vicenaria in quarto grauiditatis mense, post insignem dolorem, in plica femoris sinistri percepit tumorem, quem secuta est colica, ac vomitu foeces reiiciebantur. Septimo die tumor incisus ostendit, intestinum exulceratum quidem reductum esse, sed peritoneo adhaerere, nec annulum hac ex causa dilatarı posse. Ad euacuandam materiam in abdomine effusam, vulnere iniecit vinum calidum, ac decocta vulneraria cum aqua calcis, quae cum pure in apto situ corporis e vulnere rursus effuebant. Primo mense foeces partim e vulnere, partim ex ano emanabant, sed sensim vulnus coaluit, ac aegra restituta postea iusto tempore peperit.

8. Cl. BOURGEOIS *observatio de agno monstro* p. 264.
so. Habuit quatuor aures, duas in situ naturali, duas sibi adhaerentes in medio ossis occipitis sitas, quarum ductus cartilaginei os penetrabant. Collum erat duplex arcte coniunctum, spina dorsi duplex ab occipite vsque ad caudas, costae duplici sterno adhaerebant, trunci duplices vsque ad vmbilicum inter se cohaerebant, reliqua vtriusque pars ab altero separata erat; extremitates aderant quatuor superiores, totidemque inferiores. Aperto abdomine conspiciebantur duae venae vmbilicales, in duplex hepar insertae, reliqua viscera duplicia erant, excepto ventriculo et canali intestinorum, qui in duo inte-

stinare cetera finiebatur; genitalia duplicia; leuato duplici sterno, sub quolibet visum est cor, pulmones ac thymus; cerebrum et cerebellum non recessit a statu naturali, praeter spinalem medullam, quae diuisa per duo foramina occipitis in duplicem spinam dorsalem descendit.

Mense Aprili.

p. 335. 3. *Observatio* Cl. CONNELL *de morbo conuulsivo.*

Vir 27 ann. vlcere cruris afflictus, et ob vitae genus semper pedibus insistere coactus, subito tactus est tetano cum alui obstructione, vesicae constrictione, motu conuulsivo maxillae inferioris, deglutitione difficili, doloribus nephriticis. Cum omnia remedia parum efficerent, ad soluendum tetanum, id tandem praestarent sanguisugae, hypochondriis applicatae, ac balnea continuata vna cum purgantibus mitioribus aegrum intra 27 dies sanum reddiderunt.

p. 342. 4. *Observatio* Cl. HAZON, *de bono effectu chinae*

chinae in variolis gangraenosis. Infans quinquennis, variolis confluentibus laborans, ac 16 die a purgante nimis agitatus, die 18 a medico accersito inueniebatur debillimus, cum conuulsionibus faciei, et variolis gangraenosis, adhibito vero infuso vinoso cort. Peruv. et vesicatoriis, conuulsionibus cessarunt, crustae secedebant, et latus dextrum paralyticum paulo post restitutum est.

p. 346. 5. *Epistola* Cl. FABRE, *sistens observationem de*

amaurosi, a colica producta, et emetico sublata. Quadragenarius post colicam vehementem mox coecus factus est, cui Cl. Auctor praescripsit 4 gr. tart. emet. altero die potionem laxantem, tertio 4 gr. tart. emet. eandemque dosin per 9 dies, postea ptisanam sudoriferam, et ad oculos applicauit vaporem spir. vini et caffeeae, quibus remediis aeger post 20 dies plane visum recuperavit.

6. Cl.

6. Cl. SAULQUIN *observatio peculiaris, de puella* p. 348.
elinguui, quae loquitur, cantat, cet. Huic, 14 annorum, tertio aetatis anno, cum vix verba exprimere poterat, a variolis malignis lingua gangraena destructa est, sed sensim didicit maxime necessaria petere, et nunc distincte loquitur atque cantat, quamvis parva portio linguae ei relicta sit. Cum vero basi linguae relictae adhaereant muscoli externi, et nifus loquendi horum actionem faciliorem reddiderit: facultas loquendi hinc evidentior fit. Varia eiusmodi exempla ex variis auctoribus hic afferuntur.

7. *Observatio* Cl. LOTTINGER, *de hernia in-* p. 352.
carcerata gangraenosa, vi naturae curata. Octogenariam hoc malo affectam clysmatibus tractavit, sed paulo post tumor inguinalis inflammatus se aperuit, ut anus artificialis oriretur. Aegra vulnere nihil, praeter emollientia, applicavit, idque tandem sponte coaluit.

8. Cl. LEAUTAUD *observatio de contusionibus* p. 355.
maxime dolorosis, quibus iuuenis in abdomine laesus est. In rixa vnus alterum per crebros ictus in abdomen in terram proiecit. Febris vehemens, dolores, hepatis tumor, abdominisque tensio nullis remediis cedebant, post tres tandem hebdomadas Cl. Auctor diluentia, aperientia lenia, et semicupia prospero cum effectu adhibuit, et aeger, eiecto per aluum copioso sanguine putrido et vermibus, conualuit.

Menfe Maio.

3. *Observationes* Cl. POSTEL DE FRANCIERE, p. 407.
de catalepsi. Est affectio cerebri acutissima, quae subito aegrum loquela, motu et sensu priuat, oculis fixis apertis, effluit saliuā viscida ex ore, et finitur plerumque apoplexia vel caro lethali, quod tribus observationibus confirmatur. 1. Quadragenarius, repressa scabie sicca inueterata, incidit in catalepsin, et

et sensum quidem, post emeticum et venae sectio-
nem, ad leue tempus recepit, sed postea apoplexia
periit. 2. Alius, eadem aetate, curis confectus, in
catalepsi iisdem remediis usus est, sed breui tempo-
re post apoplexia mortuus est. 3. Alius 22. anni
valde defatigatus, eodem morbo correptus est, cui
Cl. Auctor venas extremitatum et iugulares crebrius
secuit, eumque, post usum clysmatum, purgantium
ac diluentium, plane sanauit.

P. 430. 5. Cl. DARLUC *observationes de hydropo perito-
naei.* Quadragenaria per 4 annos hydropo labo-
rans, tandem paracentesi a quindecim mensuris feri-
fusi, spissi, turbidi, liberata est, sed postea diaetae
erroribus in priorem morbum rursus incidit, ubi
abdomine acu pertuso, corpus durum feri effluxum
retardabat, et ex altero latere acu pertuso parum se-
ri turbidi, nigri, emanabat, ac aegra paulo post pe-
riit, in cuius abdomine dissecto sub musculis trans-
uersis apparuit saccus liuidus, spissus, carnosus, ab
umbilico ad ossa pubis descendens, cuius membra-
na superior erat mollis, saniosa, inferior spissior,
multisque glandulis scirrhosis obsita, fundus aliquot
mensuris saniei repletus. A suprema parte sinistra
huius sacci pendebat tumor steatomatosus, decem
librarum pondere, qui vicinas partes maxime com-
presserat, et epiploon sistere videbatur, vti saccus
ipsum peritoneum. Ouaria maxime tumida et scir-
rhosa, intestina valde constricta, hepar iusto maius,
achydatidibus refertum erat.

P. 445. 6. *Observatio* Cl. CONSOLIN, *de vermibus cu-
curbitaceis.* Vir, 45 annorum, post leuem diar-
rhoeam et eiectionem vermium cucurbitaceorum,
subito incidit in motus epilepticos, sed sumto pur-
gante amaro et granis 20. merc. dulc. eademque
eius dosi per 10 dies continuata, plurimos eiusmodi
vermes aluo eiecit atque conualuit. Hinc patet,
hos

hos vermes non semper praesentiam taeniae indicare, ac mercurio dulci et reliquis anthelminticis cedere.

8. *Observatio* Cl. DE GLATIGNY, *de sarcoma* p. 453.
te tenui virginis, quod ab inferiori parte dextra regionis pubis ad genu usque dependebat. Haec 35 annorum acum intrudit in regionem pubis, unde enata est excrescentia carnosae pedis vnius longitudine, quinque linearum latitudine, pistillo similis, et ex pluribus quasi filis membranaceis spiraliter contorta, quam Cl. Auctor filo sericeo ligauit, ac sine haemorrhagia secuit.

Menſe Iunio.

2. Cl. LARROUTURE *observatio de cancro nasi*, p. 502.
complicato cum tuberculis scirrhis ac ulceribus pulmonum, extracto cicutae, ad STOERKII methodum praeparato, curato. Virgo 24 ann. laborauit cancro nasi aperto; effluxu saniei a medicaſtro represso, incidit in febrem, ac tussim phthificam, cui Cl. Auctor dedit pilulas cicutae, quarum dosiſ, bis singulo die adhibita, et sensim a grano vno vsque ad 12 gr. adaucta, febrim et tussim auxit, atque, cum aegra sponte cicutae vsum per 14 dies omisset, omnia in peius mutabantur, donec tandem Cl. Auctor cicutae dosin ad 3ß. auctam bis singulo die praescripsit, qua sensim cancerum hunc plane curauit.

3. Cl. PLANCHON *observatio, de colica pertinaci* p. 510.
si, purgantibus sublata. Tricenaria colica laborabat et alui obstructione pertinaci, praegressa eius tarditate per 6 hebdomadas. Manna quidem et oleum amygd. dulc. cum rhabbaro aluum soluebant, et colicam mitigabant, sed vomitu reiecta ab aegra ulterius non sumebantur. Auctis postea symptomatibus, ei propinauit sex grana kermes miner. in oleo amygd. dulc. et syrupo altheae, quo aluus aperta est,

est, ac repetitis potionibus purgantibus aegra sensim conualuit.

P. 551. 6. Cl. ICART *observatio de tumore scirrroso, molis insignis, exstirpato.* Quinquagenarius per octodecim annos gessit tumorem, pondere $42\frac{1}{2}$ librarum, qui vertebrae colli adhaerens, super scapulas expansus, ad nates usque descendebat; inferius erat rotundus, crassus, non dolens, nec nisi pondere molestus, colore cutis naturali, maculis nigris, cicatricibus variolarum similibus, obsitus. In eius exstirpatione sex librae circiter sanguinis e duabus arteriis magnis effundebantur, ac vulnus postea brevi tempore coaluit.

P. 553. 7. Cl. VOLAIRE *observatio, de globo plumbeo, per duos annos in substantia cerebri militis, sine ullo symptomate, relicto, tandem eius mortem excitante.* Ab ictu sclopeti vulneratus est aeger ad partem superiorem ossis temporum dextri, unde chirurgi undecim fragmenta ossea intra 40 dies extraxerunt, donec conualuit. Post duos vero annos hic subito ex vehementissimo dolore capitis mortuus est, in cuius sectione apparuit, dimidiam partem globi plumbei ipsi substantiae cerebri inhaesisse.

P. 554. 8. *Observatio* Cl. MUTEAU DE ROQUEMONT *de duobus tumoribus et ulcere scrophuloso, opipillarum cicutae curatis.* Parotides et glandulae maxillares pueri sexennis erant scirrhosae, atque ulcus ad articulum brachii dextri deprehendebatur, cui per sex menses exhibuit pillulas cicutae, ad drachmam semis usque singulo die sensim in dosi ascendens; praeterea applicauit cataplasma cicutae, ac omni duodecimo die aegrum purgavit octo granis *pastae alexiteriae de Rotrou*, quibus tandem remediis puer plane est restitutus.

XII.

ANTONII GOUAN, Doct. Med. Monspel.
Reg. Societ. Scient. Socii etc. Flora Mons-
peliaca, sistens plantas n^o. 1850. ad sua ge-
nera relatas, et hybrida methodo digestas;
adiectis nominibus specificis, triuialibusque,
synonymis selectis, habitationibus plurium in
agro Monspeliensi nuper detectarum, et ea-
rum, quae in vsus medicos veniunt nomini-
bus pharmaceuticis, virtutibusque pharma-
ceuticis. Lugduni, sumptibus Bened. Duplain
1765. 8vo. Alph. 1. pl. 12. tab. aen. 3.

Qui alio tempore a nobis excitatus laudatusque
fuit Cl. GOUAN, denuo commemorari nunc
debet. Licet enim hortus Monspeliensis *) ab eo-
dem editus indigenas quoque plantas contineat, eas-
dem tamen et alio ordine dispositas, et multis mo-
dis illustratas, numeroque auctas, in hoc volumine
accepimus, hinc etiam de eodem quaedam nunc
annotare, non iniucundum fore existimamus. Et
de ordine quidem, secundum quem Cl. Auctor hasce
disposuit plantas, quaedam primo moneamus. Hy-
bridam dixit methodum, estque eadem partim Riui-
niana, partim Linnaeana, et in multis cum ea con-
uenit, quam Cl. LUDWIGIUS condidit, in nonnul-
lis autem ab huius dispositione recedit. Classes ita-
que ex Riuiiniano systemate, ordines vero a Linnae-
anis classibus desumfit, cum, vt ipse monuit, facilius
in flore detegantur petalorum numerus, proportio,
insertio, aequalitas, quam sexuum affectiones; et
sic ex numero et regularitate petalorum duodecim
con-

*) Eius recensio legitur in Comment. Vol. XI. Part. I.
p. 154.

construxit classes, quas sequuntur flores compositi ex corollulis regularibus, irregularibus, et ex vtrisque; agmen tandem claudunt apetalae, ubi etiam nonnulli nudi flores, ut *Ruppia*, *Hippuris*, occurrunt, tandemque cryptanthemae. Et sic septemdecim classibus tota coercetur methodus, in qua ad diuersorum florum sexum nullibi respexit, ubique imperfectos miscuit cum perfectis, et *Iuglandem* e. g. *Poterium*, *Momordicam*, *Bryoniam*, ad monopetalas, *Cannabim*, et *Humulum* ad apetalas reduxit in compositis syngenesiae LINNAEI genera modum retinuit, eorumque ordines eadem methodo secundum polygamiam aequalem et s. p. disposuit, aggregatosque ut *Scabiosam*, *Dipsacum*, ad simplices amandauit. Porro quoque cum certi inter calycem et corollam limites nondum inuenti sint, calycem saepius pro corolla assumsit, easdemque plantas, ut *Polygonum*, *Thesium*, ad petaloideas retulit. Multa quoque cum sint genera, quorum species corolla diuersa instruantur, aut staminum numero, vel sexu discrepent, eas ubique a se inuicem separauit, immo plantas monoecias et dioecias, ubi in masculo et foemineo flore aliquid, ratione corollae, animaduertitur discrimen, in diuersis classibus repetiit, genusque idem et speciem bis nominauit, ut in loco, quem sibi quilibet flos vindicabat. Quo haec clarius adpareant, nonnulla excitemus exempla. *Scabiosae* aliae ad regulares, aliae ad irregulares monopetalas, *Crucianellae* ad monopetalas tetrandrias, digynias, maritima vero ad pentandrias, monogynias, *Conuallaria bifolia* ad tetrandrias, reliquae ad hexandrias, *Gentianae* quaedam ad monopetalas tetrandrias, monogynias, aliae ad digynias, *Polygoni* aliae species ad monopetalas pentandrias, digynias, aliae ad hexandrias digynias, aliaeque ad octandrias trigynias amandantur; sic etiam in tetrapetalis regularibus

bus diandriis *Lepidii*, *Sisymbrii*, *Lythri* species recensentur. *Xanthium* et *Naias* mas in monopetalis, femina in apetalis, *Buxus* mas in dipetalis, femina in tripetalis collocantur; immo ubi flores in vna planta variant, eadem in duplici loco recensetur, sic *Adoxa* inter monopetalas octandrias, item et inter decandrias occurrit. Monemus porro, umbelliferas partim ad regulares, partim ad irregulares pentapetalas, *Orchides* omnes ad pentapetalas irregulares, *Euphorbium* et *Polygalam* ad tetrapetalas irregulares, et Gramina pleraque ad dipetalas irregulares, attamen *Alopecurum* ad monopetalas irregulares, *Anthoxanthum* vero ad dipetalas regulares, Cl. Auctorem reduxisse, et sic ubique leges methodi artificialis strictè obseruasse. Cur vero *Ficaria* polypetala cum *Ranunculis* pentapetalis coniunctim proposita?

Licet autem Cl. Auctor in systemate classibusque a LINNAEO multum recesserit, in ordinibus tamen saepissime, in generibus vero et speciebus ubique eundem pressè secutus est. Ita antheras et stylos numerando, monandria, monogynia et s. p. dixit, in monopetalis regularibus, post decandrias, monadelphiae, monoeciae, dioeciae, in irregularibus, post pentandrias didynamiae, diadelphiae, ubi et *Fumariae*, et *Trifolii* species occurrunt, dein et gynandriae character, contra vegetationis regulas assumptus, et in tetrapetalis regularibus, post polyandrias, tetradynamiae, etiam in pentapetalis, gynandriae seorsim collocantur. Generum characteres, in Systemate Naturae LINNAEI traditos, compendiosos, saepe ut nobis videtur, insufficientes, immutatos plerumque repetiit, aliquando eosdem locupletauit, ubique vero illos notis secundariis auxit, solis graminibus exceptis, ubi solummodo efflorescentiam, nullas vero alias notas addidit, monuitque ipse: assignent alii notam secundariam essen-

tialem, qua differunt inter se plantae, gramina di-
 ctæ; sic quoque nomina triuialia et specifica ple-
 rumque retinuit, in varietatibus constituendis eius-
 dem vestigia preffit, earumque, quae in vſus medi-
 cos veniunt, virtutes vt plurimum ex eodem repe-
 tit, immo vbi ipſe Cl. Auct̃or qualitates nouas no-
 tauit, a LINNAEO primum inuentas, nouas qualitates
 medicas voces retinuit. Dabimus et aliqua huius
 rei exempla. *Gallio* vero antidysenterica, antiepi-
 leptica, *Asperulae odoratae* diluens et antiexanthe-
 matica; *Cynoglossae* antiphtiriaca et adstringens
Borragini expectorans, antipleuritica, *Conuoluulus*
aruenſi reſoluens et ſubanodina, *Lyſimachiae Nummulariae*
 antileucorrhoeica, *Vincae* ſophiſticans, *Solanum*
nigro antiproctalgica, *Gratiolae* mochlica, *Eupatorium*
Cannabino antihydrocelica, *Iuglandi* anticolicalis
Menthae gentili ſterilitans, *Burſae paſtoris* antidiar-
 rhoica, antihæmaturica, antihemorragica, vino re-
 ſoluens, et aquae vitae vinique ſpiritui eadem e-
 fortior virtus attribuitur. *Scorodoniae* quoque effi-
 cacia *Scordii*, et *Thaliſtri flauī* radici, ſi doſis detur
 tripla, virtus *Rhei* adſcribitur et ſ. p.

Hac ratione Cl. Auct̃or plantas, a MAGNOLIO
 olim memoratas, fere plurimas recensuit, pauciſſi-
 mis, quae obſcurae maxime ſunt, omiſſis et ad cal-
 cem ſeparatim adnotatis; auxit vero Floram multi-
 ab antecelloribus in agro Monſpeliensī præteruiſis
 quarum etiam habitationes ſollicite adnotauit, in
 aliis autem loci natalis nullam mentionem fecit.
 Plures quoque exoticas, cicures, et veluti indigenas
 factas commemorauit, immo ſpecies quoque anima-
 lium, a MAGNOLIO ad regnum vegetabile relatas
 in ipſa quidem recenſione omiſit, in appendice ta-
 men, quo omnia Magnoliana exhiberet, additis ſyn-
 nonymis Linnaeanis adduxit. Nomina autem ver-
 nacula, quoniam vaga et indeterminata ſunt, vbi

qu

que seposuit, in indice vero peculiari, adiectis nomine latino numeroque speciei cuiuslibet, eadem adnotauit. Et praeter hunc quinque alios indices adposuit, quorum 1) nomina generica et specifica, 2) synonyma, 3) triuialia, 4) pharmaceutica, 5) denique gallica continet.

His in genere de Flora praemissis, quasdam addamus obseruationes, quo Cl. Auctoris merita in rem herbariam eo clarius pateant. *Ilex aquifolium*, p. 17.
 variat foliis integerrimis, apice tantum spinosis.
Primula officinalis et Auricula, calycibus et corollis p. 23.
 octofidis octandris, *Atropa Belladonna* floribus sex-
 fidis dodecandris ludunt. In *Vaccinio* et *Erica* sta- p. 31.
 mina receptaculo, in *Daphne* et *Stellera* tubo corol- p. 43.
 lae affixa sunt. *Hyoscyamus niger* humanam ali- p. 76.
 quando attingit altitudinem, foliaque gerit radicalia
 lanceolata, laciniata. *Cari* et *Apii* umbellae vni- p. 224.
 uersales, foliolo inuolucriforimi saepius donantur.
Berberis dumetorum filamenta habet ad tactum sen- p. 312.
 sibilia; in *Colchico* secundo anno radiculae, folia, et p. 313.
 scapus prodeunt ex opposito bulbi latere, et sic quot-
 annis a dextro ad sinistrum, et vice versa sedem mu-
 tant. *Carlina lanata* vbique, etiam dum floret, lanata, p. 331.
 incipiente autem fructificatione, ita sensim eandem
 exuit, vt perfecta fructificatione tota sit glabra. In
Theligono, maris et foeminae situm accurate confide- p. 414.
 rans, feminam non ab opposito sibi mare, sed a su-
 periori foecundari posse notauit. *Genisiam* purgan- p. 474.
 tem falso ab Auctoribus inter spinosas species rela-
 tam fuisse monuit, rami enim et exsiccati nullo mo-
 do pungunt, nec vllibi adparet aculeus, et folia in ea-
 dem quotannis decidunt, licet prodeant tunc demum,
 quando fructificat. Haec sufficiant, alias eiusmodi in-
 terspersas obseruationes specierumque nonnullarum
 descriptiones omittamus. Icones additae sunt: *Stelle-
 ra passerina*, *Iberis saxatilis*, et *Heliotropium supinum*.

XIII.

Observations on the Nature, Causes and Cure of those Disorders, which have been commonly called nervous, hypochondriac or hysterical, to which are prefixed some Remarks on the Sympathy of the Nerves. By ROBERT WHYT T M. D. F. R. S. Phys. to his Maj. Pres. of the R. Coll. of Phys. and Prof. of Med. in the Univ. of Edinburgh. Edinburgh printed for J. Balfour, and T. Becket and P. du Hondt, London 1765. 8. 1 Alph. pl. 102

i. e.

Observationes de natura, causa et curatione morborum, qui vulgo nervosi, hypochondriaci et hysterici dicuntur, quibus praemissae sunt quaedam de consensu nervorum adnotationes. Auctore ROBERTO WHYT T *

Qui haud ita pridem e viuis discessit Celeberrimus huius operis Auctor, eiusdem publicatione non solum per illud ipsum egregiae suae doctrinae et experientiae luculentum exhibuit testimonium, sed et de omnibus, qui artem salutarem colunt et faciunt optime meritus est. Agit vero hoc libro de iis potissimum affectionibus, quae ex insigni quadam debilitat

*) Prodiit etiam germanice sub titulo: *Beobachtungen über die Natur, Ursachen und Heilung der Krankheiten, die man gemeiniglich Nerven-hypochondrische und hysterische Zufälle nennt, mit einigen vorausgesetzten Anmerkungen über die Sympathie der Nerven*, durch ROBERT WHYT T, aus dem englischen nach der 2ten verbesserten Ausgabe übersetzt. Leipzig, 1766. 8. mai.

litate aut praeternaturali sensibilitate systematis nervosi oriuntur. Atque cum earum plurimae originem ducant ex illa sympathia, quae inter omnes fere corporis humani partes nervorum ope existit, quasdam de hoc consensu observationes praemisit, quibus tractationem de causis horum morborum, atque tandem methodum iis medendi adnectit. Ita vero in hoc opere versatur, ut omnia multis notabilibus morborum historiis illustret, atque ea tantum remedia commendet, quorum utilitatem ipse in praxi sua expertus est.

Exponit in capite primo *de structura, usu et consensu nervorum in uniuersum*, atque multis argumentis et observationibus probat, sympathiam quandam tum inter omnes corporis humani partes in uniuersum, tum in specie arctiorem quandam inter varia organa et viscera esse. Omnis vero haec sympathia vnice fit nervorum ope, cum sentiendi facultatem requirat; exempla enim consensus profecti ex continuatione membranarum, aut analogia fabricae diuersarum partium etc. quae a variis etiam Auctoribus adducuntur, vel a nervis oriuntur, vel consensus nomen haud merentur. Concedit vero Cl. W H Y T T, rationem, qua partes inter se per nervos consentiant, difficile explicari posse. Confugiunt quidem physiologi ad varios illos plexus aut ganglia, quibus nervi in suo a cerebro ad partes corporis humani progressu inter se iunguntur. Attamen vera coniunctio inter ipsa filamenta medullaria haud demonstrari potest, partesque, quarum nervi minime inter se cohaerent, tamen inter se consentiunt, tandemque ramo nervi cuiusdam maioris laeso, non omnes partes, quae ab eodem trunco nervos suos habent, conuelluntur. Sedem itaque omnis consensus Cl. W H Y T T in cerebro et medulla spinali esse contendit, atque putat, oriri eum excitata pecu-

- liari quadam sensatione in encephalo et medulla spinali. Tribuit quoque multum in explicatione effectuum, quos animi commotiones in corpore nostro producunt, oscillatorio vasorum minorum motui, negat vero, laqueos nerueos, qui vasa
- p. 71. circumdant, vim habere ea ipsa constringendi. Variæ species consensus explicandæ sunt per conatum illum atque nisum, quem natura ad corporis conservationem impendit, aliæ ex sola vicinitate partium, aut compressione neruorum, vel inaequali distributione sanguinis oriuntur. Maxima tandem pars eorum exemplorum, quæ vix vlllo modo explicari possunt, oritur ex vniuersali corporis harmonia. Haec enim efficit, vt pars præ caeteris debilior, quacunque alia corporis parte irritata, simul in consensum trahatur, cum reliquæ haud adeo imbecilles irritationi fortiter resistant. Sic v. c. foemina ex luxatione pedis rigiditatem quoque et dolorem in omni reliquo corpore experiebatur, et puella, quoties pedes eius extendebantur, toties quoque molesta afficiebatur tussi, quæ tam diu durabat, quamdiu pes in hoc situ esset.
- p. 85. Secundo capite Cl. Auctor in genere *de morbis neruorum et hypochondriaco vel hysterico malo* disputat, quorum morborum proxima causa sedet vel in membranis, vel in medullari neruorum parte. Atque licet hæ causæ ob exilitatem partium affectarum sensus nostros fugiant, effectibus tamen se ostendunt, cum per eas in omni affectione nervosa vel sentiendi vel mouendi facultas morbose mutetur. Sentiendi vis vel nimis intenditur, vel obtunditur, vel corrumpitur, vel tandem plane tollitur. Facultas mouendi excessu non nocet, sed tantum, si vel deest, vel debilitata est, morbi causa fit.
- p. 93. Cum in omni morbo nerui quoque ob vniuersalem partium omnium consensum aliquantum afficiantur, difficile

difficile esse videtur, signum verum pathognomonicum nervosorum morborum eruere; interim tamen eae potissimum adfectiones *nervosae* (*nervous*) dici debent, quae propter sensibilitatem nimiam, aut aliam morbosam mutationem systematis nervosi oriuntur ex causis per se tam leuibus, ut nervis integris tam vehementes effectus nullo modo producant. Sic, exempli loco, odontalgia, si per se consideratur, non ad nervosos morbos pertinet. Quod si vero in homine, qui odontalgia laborat, ob nimiam systematis nervosi debilitatem nervi distenduntur, tunc hae convulsiones ad nervorum morbos omnino referendae sunt. In uniuersum autem hisce mor- p. 96.
bis adnumerandae sunt eae adfectiones, quas spasmos, ut symptomata hypochondriaca vel hysterica dixerunt. Aegros hisce morbis obnoxios Cl. WHYTTER in tres classes diuidit, quarum prima eos continet, in quibus totum systema nervosum debilitate laborat, ut a leuissima causa irritentur; altera hystericos, tertia hypochondriacos. Attamen hystericum et hypochondriacum malum, si accuratius considerantur, minime a se inuicem differunt, cum causa, ex qua profiscuntur, non, ut multi assument, in tero vel primis viis tantum lateat, sed in genere haec mala oriuntur ex praeternaturali quadam systematis nervosi constitutione.

Tertium caput de *caussis praedisponentibus mor-* p. 111.
borum nervosorum inscribitur, quarum prima est debilitas (*delicacy*) aut nimia sensibilitas totius systematis nervosi in uniuersum, altera praeternaturalis sensibilitas aut facultas sentiendi corrupta vel alio modo laesa in parte quadam. Ex diuersa sensibilitate variorum corporum explicari potest ea differentia, quae ratione celeritatis pulsus in variis corporibus, quae de reliquo perfecte sana sunt, occurrunt. In nonnullis Cl. WHYTTER 40 tantum pulsus

- intra minutum primum, in aliis centum et viginti
p. 126. numeravit. Explicantur quoque ex hac ipsa re
 varia alia phaenomena, vt diuersa actio medicamen-
 torum etc. atque admirandae illae mutationes, quas
 idiosyncrasia producit. Inprimis autem oriuntur
 neruosi morbi, si nerui canalis primarum viarum
 debilitati vel alio modo adfecti sunt, cum non tan-
 tum in abdomine varia exinde symptomata morbo-
 sa producantur, sed totum quoque systema neruosum
 ita debilitetur, vt exinde per leuissimas causas mouea-
 tur. Haec aliaque Cl. Auctor hic egregie explicat.
 In hydrophobia nerui oesophagi et ventriculi ita mu-
 tantur, vt, sine vlla partium inflammatione praegres-
 sa, eundem acquirant irritabilitatis gradum, quem
 in naturali statu nerui tracheae possident.
- p. 143.** Praedisponentes vero causae hactenus recens-
 itae, si solae adessent, vix vnquam neruosa sympto-
 mata producerent, nisi plures quoque accederent
causae occasionales, quas Cl. Auctor in capite sequen-
 te fusius examinat. Harum aliae vniuersales sunt, et
 in omni humorum massa latent, aliae particulare
- p. 162.** in parte tantum aliqua sedent. Prima ex vniuersa-
 libus est materia quaedam morbo-
 sa in sanguine ge-
 nita, cuius licet parua tantum copia adsit, tamen
 ea per colatoria consueta haud educitur, neruos ir-
 ritando vel vasa obstruendo multa mala producit.
 Hoc Cl. Auctor inprimis exemplo materiae arthri-
 ticae declarat, quae in corpore circumerrans mir-
 ra mala producit. Quamdiu enim cum sanguine lent-
 per vasa circulatoria, nullum dolorem excitat, quod
 vero vel ad articulos, vel ad musculosam partem figi-
 tur, tunc acrimonia sua neruos irritat, et dolore
 rheumaticos atque podagricos producit, aut si ad
 viscera, quae acute sentiunt, vel arctiore sympathi-
 cum reliquo corpore coniuncta sunt, fertur, hypo-
 chondriacum, hysteri-
 cum aliaque neruosa mala effici-

ficat. Symptomata vero exinde orta non solum pro parte affecta differunt, sed etiam pro vario gradu sensibilitatis systematis nervosi in vniuersum. Hinc robusta corpora regulares podagricos insultus, quae minus robusta sunt, irregulares accessus podagrae et rheumatismos experiuntur, atque foeminae tandem virique, quorum corpora valde sensilia et debilia sunt, rarissime vera podagra laborant, cum in iis arthritica materia vel haud perficiatur, vel ob virium vitalium imbecillitatem ad extremitates non perferri possit, sed in corpore circumerrans, vel ex extremitatibus ad alias partes retrogrediens, multa producat symptomata, quae Cl. Auctor hic eleganter descripsit atque enarrauit. Neque mala, quae p. 175. oriuntur ex altera causa occasionali vniuersali, scilicet ex suppressione euacuationis cuiusdam consuetae, ut sunt catamenia vel haemorrhoides, minora sunt iis, quae a materia morbifica proficiuntur. Catamenia enim, si suppressa sunt, vel ob consensum vteri cum reliquis partibus, maxime cum ventriculo, vel ob plethoram ex suppressione natam, vel ideo tandem nocent, quia materia quaedam in corpore simul retinetur, quae nervis inimica est et symptomatibus ansam praebet. Cl. enim Auctor ex haemorrhagiis, quae, catameniorum fluxu suppresso, in aliis corporis partibus oriuntur, atque parco usu venae sectionis in illis, concludit, eas minime oriri ex plenitudine sanguinis vniuersali, sed ex acrimonia quadam in corpore vna cum menstruo sanguine retenta. Putat enim hanc materiam acrem irritare posse partis cuiusdam minora vasa ita, ut oscillatorio motu in iis ultra modum aucto sanguis ex dilatatis orificiis minimarum arteriolarum profluat. Tertia tandem causa occasionalis vniuersalis est p. 183. inanitio vasorum, aut defectus globulorum cruoris in sanguine. Quod si enim in vasis non tantum san-

guinis adest, quantum ad actiones corporis perficiendas requiritur, non modo circulatio fluidorum in vniuersum, sed et distributio fluidi neruei quam maxime turbatur, variaque nervosa mala producuntur.

p. 188. In capite quinto *particulares causae occasionales* horum morborum recensentur. Cl. Auctor harum sex enumerat, quarum tres priores, flatulentiae, viscidum, et vermes, in primis viis sedent. Quartam sistunt alimenta, vel quantitate vel qualitate sua corpori noxia. Quintam scirrhi aliaeque obstructions viscerum abdominalium, et vltimam tandem vehementes animi commotiones. Ea symptomata, quae oriuntur a flatibus in ventriculo vel in intestinis contentis, differunt saepe in eodem corpore diuersis temporibus, pro diuerso statu et varia sensibilitate systematis nervosi in vniuersum. Sic v. c. in arthritide retrogressa flatulentiae maiorem molestiam creant, quam aliis temporibus, cum intestinorum distensio non sola causa sit molestiae per flatus excitatae, quod, praeter alia, tympanitidis quoque exemplum probat, in qua saepe aegri nullis nervosis symptomatibus vexantur, licet intestina ma-

p. 201. xime ab aere distendantur. Scirrhus aliaeque obstructions viscerum abdominalium turbant circulationem sanguinis per abdomen, molestam sensationem in nervis producant, digestionem ciborum, bilis chylique secretionem turbant, hincque hypochondriacis et hystericeis symptomatibus occasionem praebent. Vti, eiusmodi obstructionibus obortis, aegri tandem haud raro melancholici vel maniaci fiunt, ita e contrario illi ipsi morbi saepe obstructionum harum causa sunt, vt itaque eiusmodi mala, in dissectione cadauerum melancholicorum inuenta, non semper pro causa, sed etiam pro effectu eiusmodi aut aliarum affectionum nervosarum habenda sint. Materia nigra, quam aegri, qui scirrhus in ventriculo

triculo laborant, haud raro vomitu reiiciunt, oritur ex sanguine, qui sensim sensimque ex vasis ventriculi scirrhis redditus et exulceratis exsudavit, atque in ventriculo per aliquod tempus retentus in eiusmodi parvulos grumos abiit. Quodsi vero maior sanguinis copia ex vasis eiusmodi disruptis egreditur, tunc verus vomitus cruentus fit, quem haud raro emetica acriora in eiusmodi aegris intempestive adhibita producant. Quam mirabilia mala oriantur p. 218. ex animi commotione, illustratur historia morbi in insula *Zetland* quasi endemii, quem incolae *insultus conuulsivos* (*conuulsive fits*) vocare solent; sub morbi huius accessu cor aegrorum vehementer palpitat, illi vero mox in terram cadunt, extremitatibus conuulsis atque articulis nonnunquam ita rigescentibus, ut nullo modo flecti possint. Respirant aegri difficulter, et durante paroxysmo terribiles clamores edunt. Nonnunquam, sed rarius, paroxysmus per horam durat, in aliis ut plurimum intra quartam partem horae finitur. Hoc morbo rarissime foeminae laborant, sed virgines tantum et puellae, quae decimum vel duodecimum annum superarunt. Prostant tamen exempla quoque puerorum et duorum iuuenum, qui similes accessus passi sunt. Quod si in templo vel in alio loco, ubi multi homines congregati sunt, aegra quaedam conuellitur, tunc statim reliquae omnes, quae antea hoc morbo laborarunt, aut aliae, quae eum nondum expertae sunt, si in aegram intentae sunt, vel tantum clamores eiusdem audiunt, morbo per imaginationem ad eas traducto, simili ratione prostratae conuelluntur, ut saepe ex hac ipsa re maximae turbae in publicis concionibus exoriantur. Interim aegrae, hisce insultibus obnoxiae, de reliquo optima gaudent sanitate, et robustae sunt.

Sequi.

- p. 224. Sequitur capite sexto *recensio symptomatum nervosorum* maxime notabilium. 1) Est inconfusus sensus frigoris et caloris sibi inuicem celeriter succedentis, perceptus in variis corporis partibus quae, si exterius tanguntur, prae reliquis non calent. Excitatur autem fallax haec sensatio caloris, a motu oscillatorio vasorum minimorum aucto, per materiam quandam irritantem, vasis huius inhaerentem. Horror vero in vniuersum, et praecipue in febribus absoluitur spastica contractione vasorum minimorum ex irritatione nervorum a stimulo febrili orta. 2)
- p. 229. Dolores in variis partibus, saepe subito ex vno loco in alterum migrantes. Sunt ii rheumaticis similes atque excitantur vel a stimulo acrimoniae, quae vasis minoribus inhaeret, vel a spasmo, qui ex consensu
- p. 231. partis dolentis cum nervis ventriculi oritur. 3) Lithothymiae et convulsiones hystericae. Oriuntur vel ex irritatione primarum viarum, vel ex animi affectu, vel ex suppressione catameniorum, quae non nunquam apoplexiam funestam cum spasmodica glottidis constrictione producit. 4) Catalepsis et tetanus.
- p. 235. 5) Flatulentiae. Oriuntur eae non solum ex laxitate intestinorum, sed etiam ex morbosa constitutione nervorum canalibus primarum viarum. Canes, in quibus nervi octavi paris ligati sunt, vehementissimis borborygmis afficiuntur. Saepius nervis intestinorum, in sanitatem restitutis, aer, qui flatuum causa erat, nullis flatibus e corpore emissis subigitur iterum et resorbetur, qualia exempla in tympanitide laborantibus Cl. WHARTON observavit. 6) Famem praeternaturalis, in qua nervi ventriculi ita mutati sunt, ut semper eam sensationem excitent, quam famem dicimus, licet causae, quae in statu naturali famem excitant, haud adsint. Simile quid fit in
- p. 246. chloroticis et gravidis, pica vel malacia orta. 7) Vomitus niger, de cuius materia supra iam diximus, ubi de

de scirrhis ventriculi egimus. Attamen non scirrhae tantum obstructions, sed et spasmodicae constrictiones vasorum minimorum ventriculi, et menstruorum suppressio vomitum hunc excitant. 8) Excretio p. 246.
 subitanea magnae copiae urinae pallidioris. Motus humorum in vasis secretoriis urinae augetur quidem, sed eodem tempore vasa quoque spasmodice constringuntur, ita vt tenuissima tantum pars humorum transeat. Haud raro in iis, qui per vehementem morbum debilitati sunt, quando nocturno tempore in lecto iacent, insignis copia urinae profluit, qui fluxus interdiu, aut quando e lecto surgunt, cessat, et a Cl. Auctore urina haetica seu colliquatiua vocatur. 9) Atrophia nervosa. Ita vocat consumptio- p. 253.
 nem, in qua nulla excretio praeternaturaliter aucta est, et nulla febris adest. Ea saepe oritur, si nervi ventriculi et intestinorum morbose adfecti sunt, ob consensum, qui est inter ventriculum et reliquas partes omnes. Alius vt plurimum in hac atrophiae specie obstructa est, nonnunquam flatuum signa adfunt. Pulsus debilis est, vt plurimum tardus, raro celer. Si febris accedit et urina colliquatiua, aegri citius pereunt. In aliis obstructions tandem in pulmonibus formantur, et vera phthisis pulmonalis accedit. Alii subito sine vlla evidenti causa conualescunt, alii tardius. 10) Asthma nervosum siue p. 260.
 spasmodicum verum ea species asthmatis dici meretur, in qua nulla obstructio in vasis pulmonalibus adest, sed vbi morbosa contractione ramorum asperae arteriae aeris ingressus tantum impeditur. Cum casus eiusmodi aegrorum, qui hoc morbo ex sola nimia sensibilitate nervorum pulmonalium laborant, rariores sint, historiam puellae septem annorum Cl. WHYTTE subnectit, in qua periodici asthmatis insultus, subito accedentes subitoque iterum aegram relinquentes, ex hac sola causa deduci poterant.

11) Tuf-

11) Tussis neruosa ea est, quae ex sola sympathia asperae arteriae cum alia parte, cuius nerui morbo se affecti sunt, oritur. Atque eiusmodi tussi afficiebatur puella octo annorum, cuius morbi historia et experimentorum in hac aegra institutorum summa fusius hic enarratur. Cum vero ea nimis longa sit, frequentia tantum hic adnotasse sufficiat: 1) aegram hanc correptam fuisse illico tussi conuulsua, quoties ea in lecto ita erecta sedebat, ut pedes a lecto terram versus penderent, aut alio modo flexi essent. 2) Sub hoc situ celeritatem pulsus in ea valde fuisse auctam, aegramque simul dolorem supra cartilaginem xyphoideam sensisse. 3) Quando caput humilius reliquo corpore iaceret, tussim et dolorem vehementiores factos esse. 4) Aquam calidam admotam pedibus aut manibus aegrae tussim sustulisse, quicumque etiam corporis situs fuerit, uti contra frigida iisdem corporis partibus applicata, quocunque corporis situ, eam reuocaret. Ex his Cl. Auctor concludit, summam in hac aegra fuisse neruorum pulmonalium sensibilitatem, eosque arcta harmonia connexos fuisse cum ligamenti pedum, ita ut his ligamenti distentis, statim nerui per consensum vehementer irritarentur, tussimque producerent. Concludit porro, aquam calidam, si extremitatibus neruorum applicatur, communicare vniuerso systemati neruoso certum insensibilitatis gradum, quem excitare non potuerat calor siccus aut fomentationes, uti e contrario frigida producebat irritationem nulla arte compescendam. Multa et varia in hac aegra remedia adhibebantur, ex quibus tandem extractum cicutae plurimum usum praestitit. 12) Palpitatio cordis. 13) Insignis diuersitas pulsuum in eodem corpore, diuersis temporibus, ratione celeritatis, fortitudinis et plenitudinis. Praemittit Cl. WAXTER explicacionem caussarum, quae pulsuum fortem vel debilem, durum

durum vel mollem, celerem vel tardum reddere possunt, et per observationes probat, has pulsus qualitates in aegris hypochondriacis et hysteriis diuersis temporibus maxime quoque differre. Vna eademque causa in variis corporibus haud raro oppositos effectus producit. Sic v. c. dolor vehemens in vna aegra pulsus celerem reddidit, in altera eum retardauit. Vtraque tamen aegra per similia medicamenta in sanitatem restituebatur. 14) Cephalalgiae periodicae. 15) Vertigo. 16) Visus obscuratio, cuius nulla manifesta causa in oculis detegi potest. 17) Melancholia et mania. 18) Incurtus. Huius symptomatis originem fusius Cl. Auctor examinat, atque probat, oriri eum non a sanguinis in capite stagnatione, sed causam eius ex morbooso statu neruorum ventriculi proficisci, licet minime negandum sit, malum hoc per plethoram posse augeri. In fine tandem huius capitis declaratur, quomodo ex neruosis morbis, hypochondriaco et hysterico malo, phthisis tandem pulmonalis vel alia mala oriri possint.

In capite tandem septimo Cl. Auctor ad *curationem neruorum morborum* accedit. p. 329. In ea verum ad praedisponentes, tum ad occasionales causas respiciendum est. Praedisponentem debilitatem tollunt amara; ex quibus Noster potissimum centaury minore, radice gentianae et corticibus aurantiorum utitur; cortex Peruvianus, quem in morbis hypochondriacis non in puluere adhibet, sed tincturam eius, cui radicem gentianae et cort. aurantiorum addit, vehementer extollit, et pulueri corticis praefert; martialia porro; balnea ex aqua frigida et ex aqua marina; equitatio et nauigatio. Vini vsus saluberrimus est in eiusmodi morbis, ut infantibus corticis Peruviani loco pauxillum vini rubri porrigi possit. Infusum herbae theae nervis inimicum

inimicum est, atque abusus eius inter praecipuas causas nervosorum morborum, quorum numerus adeo nunc augetur, referri debet. Inter palliativa remedia opium primum locum obtinet, cui, si alium obstruam reddit, extractum hyoscyami Noster substituit. Camphorae princeps usus est in deliriis febrium acutarum. Castorei vires antispasmodicae longe minores sunt, quam vulgo putatur, cum in iis tantum symptomatibus nervosis utile sit, quae a flatibus oriuntur. Moschum Cl. Auctor frequenter adhibet, minus calidus est, quam castoreum, et opio substitui potest. Praecipue laudatur in subsultu tendinum, asthma spasmodico, tussi convulsiva aliisque eiusmodi affectibus spasmodicis. Assa foetida pariter multum extollitur. Usus eiusmodi palliativorum, per longum tempus continuatum, tandem radicalem curam efficere posse, variis exemplis declaratur.

- p. 379.** Ad arthriticam materiam subigendam, praeter dietam, tinctura corticis cum amaris supra descripta plurimum valet. Amara quoque in uniuersum, si podagrica materia ventriculum infestat, vtilissima sunt. In arthritide in uniuersum Cl. Auctor dietae lacteae parum tribuit. Aqua calcis radicalem curam quidem haud facit, interim tamen generationem materiae podagricae impedit, et insultus podagricos leniores reddit. Ei commode addi potest sapo. Quod si verus scorbutus cum malo hypochondriaco coniunctus est, curatio difficulter succedit, interim tamen in eiusmodi aegris amara remedia reliquis omnibus palmam praeripiunt. Si miliaris eruptio retro pulsa nervosa symptomata producit, praeter alia fermentationes quoque et pediluia optima sunt. Menstruorum fluxus suppressus in iis, quae languidum habent pulsum, electricitatis ope nonnunquam restituitur. In haemorrhagia vteri chronica cortex Peruvianus minus utilis est. Commendat vero Cl.

HYTT potissimum serum lactis aluminosum et de-
 octum corticum aurantiorum. Si in haemorrha-
 a post abortum spasma adsunt, sanguinis fluxus per
 piata tollitur. Aqua calcis viscidum primarum via- p. 407.
 im egregie resoluit, et in eiusmodi morbis vtilissi-
 mum est remedium. Ex anthelminticis laudatur
 otissimum Spigelia et sapo. Aqua calcis nullam
 anthelminticam vim habet. Dietam lacteam et ve- p. 413.
 stabilem atque abstinentiam ab omni potu fermento
 minime impedire ortum morborum neruoso-
 rum, demonstratur exemplo pauperum in Scotia,
 qui, licet a carnibus et fermentatis omnibus abstine-
 t, tamen hypochondriaco et hysterico malo val-
 subiecti sunt. Nam in vniuersum vegetabilis
 aeta, quamuis in eiusmodi morbis utilis sit, qui ex
 ctu lautiore et iurulento oriuntur, tamen magis
 tulentiis aliisque symptomatibus ansam praebet,
 am cibus ex vegetabili et animali victu compositus.
 tumoribus resoluendis subcutaneis frictionis et fo- p. 420.
 entationum vsus valde commendatur. Interne
 Auctor tartarum solubilem et sal polychrestum,
 e non pillulas mercuriales laxantes et mercurium
 olimatum corrosiuum exhibet. In glandulis colli
 nefactis cortex peruianus multum etiam tunc
 odest, quando febris simul adest, attamen purgan-
 m quoque vsus interponi debet. Si eiusmodi
 ndulae sub cute iacent, frictio cum vnguento mer-
 curiali, vel emplastri mercurialis adplicatio, saepe vti-
 imae sunt. Remediis vero, quae glandularum tu- p. 427.
 ores pertinaciores resoluunt, omnino etiam ad-
 merari debet sapo, cuius vnciam semis vel vnam
 Auctor cum egregio fructu aliquoties exhibuit,
 et confirmatos scirrhus resoluere haud possit. At-
 e in vniuersum sapo mercurialibus remediis prae-
 endus est, cum scirrhusos tumores non irritet,
 t humores nimium resoluat, vti mercurialia faci-
 unt,

unt, sed potius vi sua detergente vasa a viscido et obstruente liberet. Extractum cicutae Cl. WHYT aliquoties sine fructu adhibuit, scirrhum tamen mammae et glandulam colli induratum eo dissolvit.

- p. 439. Caput octauum de curatione nonnullorum symptomatum nervosorum agit. Primum de conuulsionibus et spasmis disputatur, in quorum cura opium multum praestat. Suspiciatur etiam Cl. Auctor, in hydrophobia opii usum, si illud in magna dosi atque in clysmate adhibeatur, summum fore, atque remedium Cl. NUGENT contra hydrophobiam, quod ex cinnabari, moscho et opio componitur, vim suam a solo opio habere. In febribus, ubi deliria et conuulsionibus aderant, fomenta ex herbis emollientibus decoctis, pedibus applicata, Cl. Auctori in sua praestant magnam opem tulerunt, maioremque adhuc utilitatem pediluvia, ita ut Cl. WHYT fateatur, se pediluuiorum ope plures aegros febribus acutis cum delirio laborantes, quam per ullum aliud remedium se curasse.
- p. 452. Egregius quoque eorum usus est in conuulsionibus, quae ante eruptionem variolarum, aut sub initium morbi, si variolae malignae sunt, accedunt. In doloribus rheumaticis scarificationes et cucurbitulas succas multum extollit. Motus conuulsiui saepe excitantur a vehementiore animi affectu consopiantur.
- p. 470. Lipothymiae hystericae cum conuulsionibus.
- p. 474. his quoque pediluuiorum usus summus est. 3) Dolores et spasmus in ventriculo. In his opiata non medicamentis per os sumtis admiscet, sed clysmatibus addit. Laudat quoque iulapium ex moscho.
- p. 477. 4) Digestio laesa, vomitus et dolores in ventriculo. Si hoc symptoma post pastum ob nimiam sensibilitatem nervorum ventriculi oritur, laudanum hora ante pastum sumtum omnem opem fert. 5) Colica hysterica aut flatulenta. Si vomitus simul adfuerit, mixtura RIVERII in ipso actu efferuescentiae ha-

sta, laudanum clysmati admistum etc. commendantur. Cum vero numerus reliquarum obseruationum nimis magnus sit, quam qui totus possit huc transferri, lectoresque possint satis ex iis, quae recitauimus, cognoscere, quae sit huius libri praestantia, reliqua symptomata nominasse tantum satis sit. Sunt vero ea. 6) Flatulentiae. 7) Asthma neruorum seu spasmodicum. 8) Palpitatio cordis. 9) Copiosa excretio urinae pallidae. 10) Cephalalgia periodica et tandem 11) Melancholia.

XIV.

Voyage a la Martinique contenant diverses Observations sur la Physique, l'Histoire naturelle, l'Agriculture, les Moeurs et les Usages de cette Isle, faites en 1751 et dans les années suivantes. Lû a l'Academie Royale des Sciences de Paris en 1761. a Paris 1763. chez I. B. Bauche. 4. 1 Alph. 17 pl. c. tab. geogr. 1.

i. e.

Descriptio itineris in insulam *Martinique*, quae continet varias obseruationes, pertinentes ad doctrinam physicam, historiam naturalem, agriculturam, mores et consuetudines incolarum huius insulae, factas a. 1751 et annis sequentibus. Praelecta in conuentu Acad. Reg. Scientiarum Parisinae a. 1761.

Continentur in hoc libro, vti ex dedicatione ei praefixa patet, obseruationes Cl. THIBAUT DE CHANVALON, qui licet in America natus esset, tamen varia in Galliam itinera suscepit, atque ab

Acad. Regia inter eos receptus est, quibuscum illud commercium litterarum habet. Collectae vero summae observationes intra quinque vel sex annos ab anno 1751, atque a Cl. DE CHANVALON nunc ex diario suo excerptae, in ordinem quendam systematicum hic dispositae inueniuntur. Quae si probatae ab eruditis fuerint, id excitationi sibi fore confirmat edendarum etiam aliarum de vegetabilibus et animalibus huius insulae observationum.

p. 1. Prima huius libri pars comprehendit generales quasdam observationes ex diario Cl. Auctoris collectas.

p. 12. Etas. Montes huius insulae non nimis alti sunt, atque vestigia reperiuntur, nonnullos ex iis quondam igniuomos fuisse. Terra enim circa hos montes pumicibus tegitur, quae tamen res non impedit, quominus aliquod frugalitatis genus retinuerit. In omnibus fere montibus petrefacta inueniuntur. Licet in vniuersum maxima varietas soli huius insulae sit, tamen fere vbique saccharum vel coffea colitur. Fodinae metallicae nullae in hac insula sunt, neque aliud metalli, quam ferri, quaedam minerae reperiuntur, ad quas quoque referenda est arena nigra, quae littora insulae tegit, quam magnes attrahit. Aqua ex fontibus haurienda ita rara est, ut incolis necessitas imposita sit sollicite colligendae atque asseruandae aquae pluuiialis.

p. 81. Postquam Cl. Auctor quaedam de vegetabilibus in vniuersum disputauit, ad regni animalis considerationem statim transit, primumque incolarum huius insulae, qui Europaei, Nigritae et Caraibae sunt, mores describit, atque deinde de morbis, quibus illi adfliguntur, differit. Quamquam inflammatoriae et biliosae febres vehementissimae sunt, maximamque stragem inter incolas saepe faciunt, tamen multo quoque morbi sunt, qui in Europa longe frequentius, quam in insulis hisce occurrunt, quorum inprimis

mis

mis podagra, calculus, apoplexia, pleuritis, asthma, morbi hypochondriaci et hysterici pertinent. Mulieres rarissime, si vnquam, inflammatorio morbo laborant, periodicus quoque sanguinis fluxus in iis parvus est; atque in foeminis, quae ex Europa in Americam transierunt, sensim sensimque imminuitur. Nigritae, inprimis ii, qui ex Guinea nuper allati fuerunt, laborant cachexiae quadam specie, quam *mal d'estomac* incolae vocare solent, atque eruptione cutanea praeterea affliguntur, quam *pianes* dicunt. Hanc eruptionem multi putant symptoma venerei morbi esse, quod tamen Noster negat. Omnes enim Nigritae semel in vita sua hoc morbo laborant, neque Europaei, licet cum foeminis nigritis coiuerint, eum experiuntur, multaeque foeminae infantes eruptione hac afflicti lacte suo nutriunt, et tamen ab ea liberae manent. Magna autem puerorum pars peritetano, inprimis illa specie, in qua maxilla spastica contrahitur.

Secundam huius libri partem constituunt obser- p. 135.
uationes meteorologicae, quae eo maiore attentione
dignae sunt, quo rariores illae in hac orbis terrarum
parte antea institutae fuerunt. Thermometra spi p. 335.
itu vini repleta in hac regione minorem vel plane (6)
nullum vsum habent, simul enim ac calor paullulum
intenditur, illa a regulari motu vehementer recedunt.
Liquor enim subito adscendit, fermentatio quasi in
motu constitutus: quod si vero calor iterum immi-
uitur, tunc non descendit, sed difficulter in spa-
cium, quod antea occupauerat, contrahitur. In Gal- p. 135.
ia maximus caloris gradus circa horam tertiam po- (7)
meridianam obseruari solet, in insula Martinique
vero circa horam vndecimam. In hac quoque re-
gione calor per noctem non minuitur, sed thermo-
metrum eundem caloris gradum, quem sub initium
noctis habuerat, etiam matutino tempore ostendit.

- Maximus caloris gradus, quem Cl. Auctor obseruauit, ad gradum $47\frac{1}{2}$ supra punctum congelationis adscendit, cui enormi calori Nigritae tamen per totum
- p. 135. diem expositi sunt. Notatu digna porro est obseruatio Cl. Auctoris, de motu periodico barometri in regionibus calidioribus, quem post Cl. G O U D I N obseruauit. In insula Martinique quotidie barometrum matutino tempore adscendit, et versus meridiem descendere iterum incipit, versus vesperam iterum adscendit, ita vt circa mediam noctem summum altitudinis gradum iterum habeat, a quo tempore rursus descendit, vsque ad illud tempus, vbi sol oritur. Simile fere phaenomenon Cl. A D A N S O N Senegali et Cl. B O U G U E R in America meridionali obseruarunt. Suspiciatur autem Noster, periodicum hunc et quotidianum barometri motum relationem quandam habere ad acus magneticae declinationem, quam Cl. C A N T O N obseruauit *), et forte etiam ad
- p. 135. maris fluxum et refluxum. Electricitatis vim sub (37) aequatore maxime debilem esse, Noster quoque suis obseruationibus confirmat.
- p. 136. In tertia libri huius parte diarium obseruationum meteorologicarum ab initio mensis iulii vsque ad finem anni 1751 continetur. Adnotauit vero Cl. Auctor quotidie aliquoties mutationes barometri, thermometri in vmbra et sole positi, quantitatem pluuiae, tempestatum ventorumque varietatem, et declinationem acus magneticae. Consignauit porro, quales singulis mensibus aues, pisces, insecta, plantaeque florentes sint et obuiae, ita vt diarium sic dispositum exempli et normae loco esse possit, ad quam alia diaria similia confici queant.

*) vid. Philos. Transact. 1759. p. 398.

XV.

Traité des maladies les plus fréquentes à Surinam et des remèdes les plus propres à les guerir. Suivi d'une Dissertation sur le fameux Crapaud de Surinam, nommé *Pipa*, et sur sa Génération en particulier, par PHILIPPE FERMIN Doct. en Med. à Maestricht, chez Jacques Lecquens, 1764. 8. pl. 11. tab. aen. 3.

i. e.


Tractatus de morbis maxime frequentibus in regione Surinamensi, remediisque ad eos faciendos aptis. Adnexa est dissertatio de bufone illo notissimo Surinamensi, *Pipa* dicto, eiusque generatione in specie. Auctore PHIL. FERMIN Doct. Med.

Cl. Auctor, qui per plures annos Surinami artem medicam exercuit, redux nunc in Europam, suas de morbis, in hac Belgarum colonia maxime obuiis, observationes publicare constituit. Quae quidem res eo magis necessaria ipsi visa est, quo remotiores sunt istius terrae medici ab accuratiore scientia et iusta his morbis medendi methodo. Insignis p. 1. calor et humiditas huius regionis et tempestatum varietates, nec non incolarum viuendi ratio, grauissimos ibidem morbos, inprimis eo tempore, quod siccum ab incolis dicitur, producere solent. Remedia pharmaceutica ex Europa allata ob calorem mox vires suas ex parte amittunt; ita vt semper maiori dosi opus sit, et medicus magnam curam impendere debeat, ne medicamentis corruptis in praxi sua utatur. Ephemera febris, in seruis nigris tantum p. 19.

- occurrit, atque, licet vehementissimis symptomati-
bus stipata sit, facile venaesectionis et euacuantis ope
p. 21. curatur. In synocho non putri Cl. Auctor vomito-
torio, venaesectione, clysmatibus et antiphlogistica
p. 26. methodo utitur. Peruerfa est modendi ratio, quam
medici Surinamenses in curatione febris ardentis,
quae causus quoque dicitur, adhibent, dum venae-
sectionem reformidant, et calefacientia remedia prae-
bent, cum tamen antiphlogistica potius methodo
p. 34. opus sit. Miramur tamen, Cl. Auctorem terrea et
bezoardica ut praeservatoria contra febrem mali-
gnam commendare, in quarum praeterea curatione
cortex Peruvianus egregios ei effectus praestitit.
p. 50. Vehementissimus est morbus, quem incolae *Beillae*
dicunt, qui ad colicas nervosas et conuulsivas refer-
ri meretur, magnamque cum colica pictonum ana-
logiam habet. In eo vomitus adsunt, febris, ven-
tris intumescencia doloresque enormes, qui vel in
conuulsiones funestas, vel in paralyfin transeunt. In-
ter causas istius morbi imprimis referenda sunt diae-
tae vitia, abusus spirituosorum, venus nimia et per-
spiratio suppressa. Curationem huius morbi medi-
ci Surinamenses euacuantibus vehementioribus ag-
grediuntur, quibus vel praecipitant aegros, vel para-
lysin excitant. Feliciori tamen cum successu Cl.
Auctor venaesectionem, clysmata, antispasmodica
p. 80. lenioraque purgantia adhibuit. Paralysis post co-
licam illam relicta, si medicus in initio accedit, ro-
p. 90. borantibus et neruinis curari potest. Tetanus, quem
Nigritae saepius post vehementiorem animi ex ira
commotionem experiuntur, ut plurimum lethalis
est. Vnicum tamen aegrum Noster clysmatum,
p. 98. vesicatoriorum et euacuantium, ope seruauit. Foe-
minae in his terris ut plurimum inordinato fluxu
menstruum laborant. Infantes pluribus et vehemen-
tioribus morbis obnoxii sunt, quorum tamen maxi-
ma

na pars ex vermibus oritur, qui in hac terra ob virtutem rationem aliasque causas frequentissimi sunt in infantibus. Herpetis species est, quam incolae p. 109. *Ring-worm* dicunt, quae se potissimum circa genitalia ostendit. Vbi illa reprimatur, alii vehementissimi morbi oriuntur. Quodsi vero ii, qui hoc morbo laborant, in Europam transierint, statim ab eo liberantur; si in Indiam iterum reuertuntur, idem malum semper solet redire. Ad eius sanationem Cl. FERMIN resoluentia decocta et mercurialia adhibet. Difficillime quoque sanatur alius morbus, quo serui p. 117. nigritae laborant, quem incolae *Xaws* dicunt. In eo maculae et ulcera cutanea oriuntur, neque raro, imprimis si morbus non perfecte curatus fuerit, ossa cariosa fiunt. Per longum tempus Cl. Auctor decocta dedit, et ita plurimos sanitati restituit. Ele- p. 126. phantiasis, quam incolae *Boisi* dicunt, etiam inter Nigritas communis est, neque vnquam curari potest.

Dissertatio de bufone *Pipa* a Cl. FERMIN ad p. 131. Academiam Berolinensem transmissa est. Difficillime sunt obseruationes cum hoc bufone instituendae, qui in syluis solum et paludibus habitat, tantumque in sicciore anni tempore aquae superficiem petit. Describit vero Cl. Auctor imprimis cellulas, quae in dorso matris sunt, in quibus oua continentur, ex quibus animalcula prodeunt. Harum cellularum Cl. Auctor ad 220 in vno animale numerauit. Partes genitales in mare adeo paruae sunt, vt difficulter conspici possint *).



*) Conferri potissimum de bufonis huius generatione meretur diff. Cel. CAMPER in Actis Harlemens. T. VI. P. I. p. 266. vid. Comment. hor. Vol. XII. p. 270 sq.

XVI.

LUDOVICI ROUPPE, Med. Doct. de morbis nauigantium liber vnus. Accedit obseruatio de effectu extracti cicutae Stoerkiano in cancro. Lugd. Bat. apud Theod. Haak 1764. 8. 1 Alph.

In satis exiguo scriptorum, qui de morbis nauigantium exposuerunt, numero, tamen, quod negari vix potest, plurimi deprehenduntur, qui, cum nunquam itinera in mari ipsi fecissent, talem proposuerunt medendi methodum, qualis, ob plura in nauibus haud vitanda incommoda, plane adhiberi nequit. Non inutilem itaque laborem suscepit praesentis operis Auctor, dum post experientiam multorum annorum, per quos medicinam inter milites nautasque fecit, suas hac in re factas obseruationes publicauit. Differit autem inprimis de iis morbis ipforumque causis, quibus nautae et milites in nauibus bellicis, Belgicis praecipue, subiecti sunt. Hinc in prolegomenis structuram harum nauium, praesidium, nautas, eorum vitae rationem, alimenta etc. describit; ipsam vero tractationem in quatuor partes diuidit, quarum prima de morbis agit, quibus nautae Belgici in patria, prius quam nauis ex portu egrediatur, subiecti sunt: secunda, de morbis, quibus nautae in mari affliguntur: tertia, de morbis, qui inter nautas in portibus peregrinis grassari solent: quarta tandem Cl. ROUPPE quaedam consilia de praeseruatione sanitatis nautarum in vniuersum proponit.

p. 29. Inter morbos, qui nautas in portu adhuc constitutos afficere solent, praecipuum locum tenet febris inflammatoria, aut inflammatorii alii morbi, qui in parte tantum aliqua consistunt. Ex his maxime, ob

ob viuendi rationem, quam nautae in portu tenent, occurrunt inflammatio pleurae et pulmonum. In omnibus cadaueribus eorum, qui ex inflammatione pulmonum perierant, Cl. ROUPPE pulmones gangraena correptos obseruauit, inprimis in eo latere, ubi pleura simul quoque affecta erat. Infelicissimum exitum praenuntiat, si aegri initio morbi leuiter delirant, ex lectis surgunt, et sedere cupiunt. In homine post breuissimum pectoris morbum mortuo, qui nunquam antea de ullo pectoris dolore conquestus erat, pulsum vero intermittentem habebat, Cl. Auctor pulmones integros, sed a multo pure, in quo pericardium natabat, quasi ad dorsum repressos inuenit. Ipsum vero pericardium interius magnam purulentae materiae copiam continebat, et in interna sua superficie, uti cor in externa, exesum erat, multisque pustulis obsessum. In corde praeterea ipso varia quoque concrementa ossea reperiiebantur. In peripneumonia notha Cl. Auctor, post vnam alteramue venae sectionem, statim aegro purgans exhibet, deinde vero attenuantibus utitur. Nonnunquam graues pectoris contusiones, quae frequenter in nautis accidunt, vera sequitur pectoris inflammatio, omnia peripneumoniae symptomata exhibens, quae similem quoque curationem requirit. Secundum caput de febribus catarrhalibus, et tumoribus glandularum circa collum, tertium vero de epilepsia tradit.

p. 40.

p. 47.

In altera parte, quae de morbis, qui in mari vel inter nauigandum obseruantur, inscribitur, primum Noster exponit de morbis, qui oriuntur, quando nautis ex frigidiorē in calidiorem regionem transit. Ut plurimum nautarum sanitas tunc optime se habet, ita ut ii, qui aegri exierant ex Hollandia in mare Hispanicum, superato freto Hispanico et calore sensim aucto, conualeant. Hoc Cl. Auctor per obseruationes

p. 57.

p. 67.

tiones

tiones cum thermometro institutas ita confirmat, vt doceat, fere semper numeri aegrotorum paucitatem relationem quandam ad caloris augmentum habere, cuius quidem rei ratio posita esse videtur in origine plurimorum, quibus nautae afficiuntur, morborum ex frigore et perspiratione suppressa. Confert quoque aliquid puritas navis et corporum nautarum, ad quam in regione calidiora melius, quam in frigidiora attendi potest. Praeterea nautae minus in mare libero, quam in portu quocunque aegrotant, vt, quo remotior navis a terra sit, eo melius nautae quoque valeant. Salubritas vero aeris, quo mare tegitur, pendet ex parte ab exhalatione superficiei maris, quae minor est terrae exhalatione. Insulae enim semper nubibus ob copiosos vapores, quos terra emittit, teguntur, ita vt nautae, qui eas adire cupiunt, ex aere illarum situm cognoscant. Licet autem in vniuersum numerus aegrotorum satis parvus in mari esse soleat, sunt tamen caussae plurimae, quae vel vniuersam classem morbis afficere possunt, vel praesidium vnius navis prae caeteris aggrediuntur. Eiusmodi vero morborum causa vel in structura navis, vel in alimentis, vel in contagio in navem introducto, sita est. A prioribus haecenus recensitis morbis

p. 86. diuersi sunt ii morbi, quibus nautae ex aere calido in frigidiora prouecti solent succumbere. Fre-

p. 212. quenter enim tunc occurrunt rheumatismi, scorbutus atque diarrhoeae et dysenteriae a refrigerio, in quarum curatione maxima caloris exterioris vis esse solet.

p. 90. Inter causas, quae ad scorbutum, de quo Cl. Auctor pluribus exponit, disponunt, inprimis attendenda est cacochymia atrabilaria. Plurimum deinde conferunt alimenta farinacea, quae sanguinem viscosum reddunt et incrassant. Pisces siccati non multum ad scorbuti genesin faciunt. In

vniuer-

uniuersum autem nautae Belgici, non aequè vehementer ac Angli, scorbuto subiecti sunt, cum a falsis carnibus abstineant, et copiosius hordeo et pane vescantur. Nocent quoque pingua, inprimis si rancida fuerint. Pendet tamen scorbutus non a solo nauigantium victu, sed etiam a defectu exercitationis corporis, perspiratione suppressa, aere frigido, atque animi adfectionibus ingratis, inprimis metu, tristitia et terrore. Nautae, qui stragula sua et vestimenta seruant et non vendunt, atque praeterea corpus exercent, melius valent, quam ii, qui fere nudi obambulant, atque si labor deest, tempus dormiendo consumunt. Hinc remiges et pueri, qui corpus mouent, a scorbuto fere semper liberi manent; milites contra in nauibus, plus, quam nautae, hoc morbo laborant. Deinde quoque illa omnia scorbuto generando occasionem praebere possunt, quae digestionem impediunt. Nocet hinc abusus herbae nicotianae, cuius stimulus fauces irritando salivae fluxum allicit, atque potus spirituosus, licet varii uectores spirituosae ob antisepticam, quam habent, vim contra scorbutum commendent. Ex omnibus vero causis defectus tandem vegetabilium recentium maxima esse videtur, cum eorum usu iterum concessoreui post aegroti conualeant. Primum scorbutip. 129.ignum est lassitudo insolita corporis, accedit porro letus, luridus faciei color, abdominis intumescencia. Facies turgida fit, artusque dolent, qui dolores paullo post in articulis, inprimis circa genua fiunt, quae exinde intumescunt et rigida fiunt. Pulsus fere semper tardus est et languet, post motum vero corporis inaequalis fit. Appetitus ad finem usque vitae bonus esse solet. Si febris in initio accedit, morbum soluit, in progressu nunquam obseruatur, aut si in scorbuto iam confirmato pulsus febrilis fit, mors ex instanti sequitur. Cutis in ini-

tio morbi tuberculis paruis obfessa est, quae in apice punctum flauum habent. Deinde sensim subsident et in maculas rubras mutantur, quae fuscum tandem colorem adquirunt. Occurrunt tales maculae imprimis circa genua. Cuticula saepe desquamatur in iis locis, maculaeque euanescent, sed paullo post, noua cuticula generata, nouae quoque maculae in ea apparent. In morbo confirmato maculae plane disparent, cutisque, si hydrops tandem accedit, perfecte glabra fit. Gingivae in scorbuticis intumescunt, facileque sanguinem stillant, cuius grumi putredine in ore deliquescentes foetidissimum odorem spargunt. Praeterea dentes excidunt, et vlcera in gingiuis oriuntur, atque in phlegmaticis, maxime in iis, qui herba nicotiana vtuntur, saliuam maxima in copia effluit. Accedunt tandem ossium vehementes dolores, sique cuticula scalpendo abraditur, satis magna oriuntur vlcera, quae nullam curationem, nisi morbo ipso prius curato, admittunt. Vulnere et vlcera iam sanata recrudescunt, et callus, quo ossium fracturae conglutinatae erant, iterum soluitur. Haud raro tandem homines ex improviso moriuntur.

P. 144. Scorbuticorum sanguis e vena emissus in vniuersum crassus et spissus est, tandemque nigerrimus atramento similis fit, atque in vase collectus in superficie viridescentem ostendit pelliculam. In cadaueribus scorbuticorum, a Cl. ROUPPE dissectis, pulmones vt plurimum indurati erant, vasa sanguifera nigerrimo sanguine turgescabant, dexterque cordis ventriculus sanguine coagulato distendebatur. In iis, qui hydropici tandem obierant, pleraque viscera abdominalia corrupta, et glandulae mesenterii obstructae erant. In articulo genu Cl. Auctor saepe aquam collectam, ipsumque os carie affectum inuenit. Quod tandem ad causam scorbuti proximam attinet, notandum est, Cl. ROUPPE putare, illum non oriri ex sanguine

sanguine putredine resoluto, sed ex cruore crasso, spisso et glutinoso, qui tamen ultimo in liquamen putridum abit, quod morbi effectus est. Scorbutici nunquam, nisi in tertio stadio, ubi humores iam resoluti sunt, sudant. Maculae, in cute observandae, non, uti petechiae, a resolutione humorum, sed a stagnatione sanguinis in vasis minoribus oriuntur. Salivae affluxus in os pendet ex stimulo herbae nicotianae, et ex obstructione glandularum aliarum in abdomine, quae alias quoque salivalem humorem secernunt. Plenaria scorbuti curatio vix p. 182. nunquam in naui obtinetur. Si fieri potest, aegri victus ex carnibus, oleribus et aliis vegetabilibus, constet. Porro cura habenda est, ne aegris vestimenta et stragula necessaria deficient, cum dimidia aegrotorum pars in nauibz ob hunc defectum aegrotet. Tandem moderata exercitatio maxime necessaria est. De reliquo symptomatibus occurrendum, quae in re, imprimis in vulneribus et ulceribus sanandis, vires corticis Peruviani egregiae sunt, licet contra ipsum morbum parum valeat.

Pars tertia de morbis in portibus exponit, in qua p. 220. Cl. Auctor de febribus intermittentibus, synocho non putri, et febre critica siue synocho putri disputat, cuius ultimi morbi vehementem epidemiam in portu Neapolitano Cl. R O U P P E in naui Belgica *Delfft* expertus est, quae tamen non maligna erat, p. 243. cum ex 400 aegris vix 15 perirent. Agit por- p. 282. ro de morbis, qui in portibus regionum calidarum aestate vel autumno observantur, v. c. de vena medinensi, quae contagiosa est, de febre aestiva biliosa, tandemque de febribus putridis colliquatiuis exanthematicis, cholera et dysenteria, quas Noster a. 1760. in portu *Curacao* grassantes observavit.

In parte tandem quarta, quae brevissima est, re- p. 314. gulas quasdam de modo conservandae sanitatis nau-
tarum

tarum tradit, quae ad viuendi rationem eorum in
 p. 327. nauibus spectant. Adnexa est obseruatio de effectu
 extracti *cicutae* in cancro. Vocatus enim est Cl.
 Auctor ad aegrum nobilem in insula Melitenſi, qui
 ſcirrho glandulae maxillaris laborans, poſt ſaliuatio-
 nem intempeſtiue adhibitam cancro affectus eſt. Ad-
 hibuit Cl. Auctor extractum *cicutae*, ſecundum
 STOERCKII methodum paratum, felici cum ſucceſ-
 ſu, cum vero herba poſt aliquot meſes deficeret,
 morbo iterum recrudeſcente aeger tandem obiit.

XVII.

Noui Commentarii Academiae Scientiarum Im-
 perialis Petropolitanae. Tom. IX. pro annis
 1762 et 1763. Petropoli typis Academiae
 ſcientiarum, 1764. 4. 3 Alph. 2 pl. tab.
 aen. XI.

Pauciores articuli ex hoc volumine ad nos propius
 pertinent. Continentur vero in phyſico-mathe-
 matica ſeſtione ſequentes diſſertationes.

p. 215. 1. L. EULER *de motu vibratorio fili flexilis, cor-
 pusculis quocunque onuſti.* Problema hoc Cel. Au-
 ctor ita exponit, vt id accommodet ſolutioni genera-
 li problematis de chordis vibrantibus.

p. 246. 2. Eiuſd. *de motu chordarum inaequaliter craſſa-
 rum.* Exponit inprimis de diuerſis ſonis, qui ab eiuſ-
 modi chordis producuntur.

p. 305. 3. I. E. ZEIHNER *thermometri metallici deſcriptio.*
 Praemiſſa eſt deſcriptio thermometri metallici, quod
 Ill. Comes DE LOESER, Saxoniae Mareſchallus hae-
 reditarius, in ſuo theſauro machinarum phyſicarum
 ſeruauit. Huic addit noſter thermometri alius me-
 tallici deſcriptionem, quod ipſe in eum potiffimum
 finem excogitauit, vt partim puncta duo conſtantia
 in

in eodem determinare, partim caloris gradus mercurii ebullientis gradum longe superantes. nec non frigus, quo mercurius coit, metiri queamus. LOESE-
r thermometer constat e quatuor prismatibus ex stanno conflatis, quod metallum ad observationes meteorologicas aptissimum est, cum prae reliquis omnibus maximam mutationem patiatur. Eius vero in locum, cum facile liquecat, Cl. ZEIHNER ad unum thermometer argentum elegit, quod ratione mutationis, quam a calore et frigore patitur, proxime ad stannum accedit. Ipsa quoque structura Zeihneriani thermometri longe alia est, quam Loeseriani.

4. Eiusd. *Emendatio thermometrorum punctis constantibus gaudentium.* Notum est, tubulo vitreo thermometri diffracto, scalae dimensionem, quae in metallica tabula delineata est, inutilem fieri, cum graduum in scala exsculptorum magnitudo pendeat a ratione, quam tubi amplitudo habet ad bulbi capacitatem. Excogitavit itaque Cl. Auctor contra hoc incommodum aliquod remedium, et tubo thermometri vitreo, loco bulbi vitrei, adaptavit capsulam ferream, cuius cauum cochleae ope pro lubitu augeri vel coarctari potest.

5. *Emendatio microscopii solaris*, Auctore F. V. p. 316.
F. AEPINO. EULERUM et LIEBERKÜHNIIUM secutus ita solare microscopium emendare tentavit, ut eius ope etiam opaca corpora repraesentari possint.

6. Eiusd. *Diff. de experimento quodam magnetico, cum additamentis.* Experimentum Cl. DU FAY, p. 326.
quo filum ferreum magnetica virtute impraegnatur, dum quodam intervallo remotum super ambos polos traducitur, Cl. Auctor cum illa theoria consentire ostendit, quam de vi magnetica et electrica alibi proposuit.

p. 352. 7. L. EULER *cogitationes de aggeribus construen-*
dis.

In sectione physica continentur:

p. 381. I. *Ad observationes et experimenta de mercurio,*
ex manuscriptis HERMANNI BOERHAAVE *Sup-*
plementum I. recensente CAROLO FRID. KRUSE.
Notum est, magnum BOERHAAVIUM egregia sua cir-
ca mercurium experimenta societati Londinensi et
Parisiensi exhibuisse, quae potissimum declararunt, hy-
drargyri naturam prorsus immutabilem esse. CL.
KRUSE ex manuscriptis Boerhaavianis, quae a socero
suo HERMANNO KAAU BOERHAAVE accepit,
quaedam supplementa ad priora experimenta hic
communicat. Recenset primo breuiter summam
dissertationum a BOERHAAVIO Academiis dictis tra-
ditarum, et deinde experimenta verbis ipsius au-
toris enarrat. Spectant ad destillationem mercurii.
Vncias 32 destillauit 511 vicibus, et licet sollicite ca-
ueretur, tamen in singula destillatione perierunt 58
grana, ita vt in 511 destillationibus perierint mer-
curii vnc. Vß. In fundo retortae vero erant geni-
tae vnc. ißß praecipitati rubri scintillantis. Hoc
praecipitatum, addito paucio mercurio 511 vicibus
destillato, iterum summo igne e retorta luto obdu-
cta destillauit, et exierunt vnciae duae mercurii re-
uificati, in fundo vero retortae remanserunt gr. 18
pulueris rubri, vt drachmae tres ac grana 42 perie-
rint. Has vncias duas mercurii ex praecipitato re-
uificati miscuit mercurii 511 vicibus destillati vnciis
32 et $\frac{1}{2}$, totamque massam 448 destillationibus sub-
iecit. Tunc habuit mercurii 1009 per se destillati
vnc. 17 et praecipitati vnc. 1 et dr. $1\frac{1}{2}$. Vnciam
vnam huius praecipitati ex retorta loricata igne
aperto iterum destillauit, obtinuit mercurii puri dr.
7. gr. 8. in fundo supererant pulueris rubri gr. 15.
perie-

erierunt ergo gr. 38. Tandem mercurium 1009
per se destillatum ponderavit ope bilancis, et reperit
pondus eius ad aquam, vt $13\frac{59}{100}$ ad 1. Mercurius re-
generatus ex praecipitato mercurii 1009 per se de-
stillati erat ad aquam, vt $13\frac{65}{100}$ ad 1.

2. *Observationes meteorologicae, potissimum baro-* p. 392.
metricae et thermometricae a. 1757, cum consèctariis inde
eductis. Auctore I. A. BRAUN.

3. *Observationum meteorologicarum a. 1758 Pe-* p. 400.
roburgi factarum potiora momenta, cum animaduer-
sonibus et consèctariis. Auct. eod.

4. *Continuatio descriptionis piscium rariorum e* p. 420.
musæo Petropolitano exceptorum. Auctore I. T. KOEL-

REUTER. De instituto Cl. Auctoris iam eo tem-
pore exposuimus, quo de initio huius descriptionis,
uae in Vol. VIII. Nov. Comm. exstat, ad Lectores
etulimus *). Ex piscibus vero in hac descriptione
elineatis primus est: *Cyprinus pinna caudae hori-*
ontali subtrifida: dorsuali fastigata paruula. Conue-
nit plurimum cum *Cyprino Chinenfium aurato*, ar-
genteum tamen colorem obtinet. Adduntur quo-
ue a Cl. KOELREUTERO aliqua ad descriptionem
Cyprini aurati ab Ill. LINNAEO traditam. 2) *Gob-*
io pinna ventrali subrotunda, acetabuliformi, e duobus
pedunculis octoque radiis valde ramosis composita.
Ostendit vero Noster, speciem hanc differre a *Gobio*
e nigro, quem Angli *Sea Gudgeon* dicunt, quem
RONDELETIUS et WILLOUGHBEIUS descripse-
unt. 3) *Gobio pinna dorsali unica, longa; pecto-*
ralibus latissimis, acetabulum planiusculum includentibus.
Est *Piscis Smyrnensis ad mustelas accedens*, Catal. Mus.
Petrop. n. 90. Accedit quidem similitudine pinna-
um pectoralium et acetabuli forma ac situ ad *Cy-*
lopteron, *Lump* Anglis dictum, sed differt tamen ab
eo corporis forma, cutis laeuitate et dorsuali anique

I 2

pinna,

*) vid. Comment. hor. Vol. XI. p. 590.

pinna, quare Cl. KOELREUTER maluit eum ad Gobi-
 onis genus referre. 4) *Sparus* duabus utrinque
 maculis notatus; primo pinnarum ventralium radio lon-
 gissimo astaci antennam referente. 5) *Labrus* valde
 oblongus, taeniis tribus candidis diuersae longitudinis
 insignitus; cauda integra. 6) *Scomber* dorsi anique
 pinna continua, aculeis ad utriusque initium accessoriis.
 An *Gasterosteus ductor* LINNAEI?

XVIII.

Locupletissimi rerum naturalium thesauri accu-
 rata descriptio, et iconibus artificiosissimis ex-
 pressio, per vniuersam physices historiam.
 Opus, cui in hoc rerum genere nullum par
 exstitit. Ex toto terrarum orbe collegit, di-
 gessit, descripsit, et depingendum curauit
 ALBERTUS SEBA, Etzela Oostfrisius, Acad.
 Caes. Leopold. Carol. Nat. Curios. Coll. Xe-
 nocrates dictus; Societ. Reg. Angl. et Instit.
 Bonon. Sodal. Tomus IV. Amstelaedami
 apud Arksteum et Mercurum et P. Schouter.
 1765. in folio, 2 Alph. 2 1½ pl. tab. aen. 108.

Satisfactum igitur est expectationi eruditorum
 praestantissimo hoc opere ad finem feliciter per-
 ducto. Cuius quidem operis historiam tradidimus
 eo loco, vbi de prioribus voluminibus differuimus *)
 Editorem huius tomi ferunt esse Cl. VOSMANN
 Inspectorem thesauri splendidissimi historiae natura-
 lis, a Serenissimo Principe Arausionensi collecti et
 Hagae Comitum asseruati. Continet is *ex ossia ani-*
malia et *mineralia*. Dolendum est, locupletissimum
 hunc insectorum apparatus, a Cl. SEBA, ex omni
 bu

*) vid. Comment. hor. Vol. X. P. I. p. 48 seq.

bus orbis terrarum locis, summo studio quondam
petitum collectumque, post fata eius, incuria suorum
periisse, neque cum reliqua collectione rerum natu-
ralium publica venditione esse distractum. Vnde
factum est, vt descriptiones tabulis aeneis adiectae
non ad viuum, sed ad figuras tantum aeri incisas
confici potuerint, in quibus tamen figuris negari
non potest, quin aliquibus saltem in locis peccatum
sit, maxime in nonnullorum insectorum pedibus. Ha-
bet tamen haec operis pars id maxime praecipui, in
quo Cl. Editor laudem editorum superiorum supe-
rauit, vt primo insectorum descriptioni Linnaeana
nomina, cuius fere historiae naturalis cultori co-
gnita, addiderit, speciesque numerosissimas, non-
dum antehac cognitae, quae in hoc opere occurrunt,
quibusque LINNAEI systema caret, asterisco appo-
sito distinxerit; deinde vt hunc tomum ornauerit
indice generali in vniuersum opus, qui non nuda no-
mina refert, sed in quo passim rerum descriptiones
in compendium redactae nominibus adiunctae sunt.

In tabula autem voluminis huius prima, et in se-
quentibus vsque ad tabulam sexagesimam quartam,
exhibentur *papilioes* numerosissimi et speciosissimi,
ex Europae regionibus non modo, sed etiam ex vtra-
que India, potissimum ex occidentali, collecti. Eo-
rum multis adiectae sunt erucae et chrysalides suae.
Atque cum plurimae ex istis speciebus ignotae antea
fuerint, non dubitamus profecto, quin descriptiones
istae illis potissimum, qui huius partis historiae na-
turalis curiosi sunt, gratissimae et iucundissimae sint
futurae.

Sequuntur libellularum, gryllorum cicadarum-
que species numerosissimae, inter quas plurimae sunt
rarissimae ex Lanternariis aliisque exoticis speciebus.
Occupant autem tabulam LXV ad tabulam LXXXVI.
Tunc coleoptera, tandemque cimices, araneae, alia-

que omiffa agmen claudunt. Tabula XCVIII. Vespertum a vespis Surinamensibus *Marribous* ab incolis dictis exstructum, ramuloque arbusculae cuiusdam, quae dioscoreae species aut menispermi esse videtur, affixum delineatur.

A tabula centesima ad finem vsque mineralia delineantur. Fatendum tamen est, praeter speciosissima auri argentique natiui fragmenta, pauca occurrere, quae huius partis historiae naturalis cultoribus utilia esse possint. Tabula centesima no. 13 delineatur gleba aurichalci natiui, e matrice sua ramuliforme progerminans, ex noua Granada delata, de qua tamen monendum est, genuinam eam non esse, sed factitiam, quod eo confidentius affirmamus, cum nobis contigerit hanc ipsam glebam propius inspicere et examinare. No. 22 eiusdem tabulae est gleba argentifera foliacea Africana, quae ex bracteis constat quarzo inclusis, cui semper ectypa bracteolae imago impressa est. Tabula CI. no. 9 aes natium Siamenfe exhibetur, ab incolis *Gans* dictum, ex quo patet, metallum *gans* dictum non esse compositum quoddam, vti RUMPHIUS credidit, sed cuprum ita dici. Tabula CIV. n. C. Aetites delineatur, cui cornu Ammonis accreuit. Tab. CVII. n. 31. Cornu ceruini petrificati frustulum in Germania effossum pingitur.



XIX.

HENRICI IOHANNIS NEPOMUCENI
CRANTZ, S. C. A. Maieſtat. Conſilarii,
Inſtituti Medici et Mater. medicae Vindob.
Profeſſ. Publ. Ord. Acad. Imp. Nat. Curioſ.
et Societ. Bot. Florent. Sodal. Materiae me-
dicae et chirurgicae, iuxta ſyſtema naturae
diſteſtae, editio ſecunda, correcta et aucta.
Impenſis Ioan. Paul. Kraus, Bibliopolae Vien-
nenſis, 1765. 8. Tom. I. pl. 14. Tom. II. pl.
15. Tom. III. pl. 14½.

Cum ſciremus, nouam Cl. CRANTZIIUM parare
editionem, quo tempore prima primum in ma-
nus noſtras veniſſet, eo lubentius relatio a nobis di-
lata eſt. Neque id malo conſilio. Repentina enim
primae editionis huius libri diſtractio effecit, vt no-
ua mox eaque auctior atque correctior prodiret, quae
ita ſine dubio probabitur eruditis, vt iudicium de eo
reſpondeat labori, quem in colligendis tum aliorum
tum etiam propriis obſervationibus Cl. Auctor ad-
hibuit.

Tomus primus *cardiaca* continet, quae in *nutri-
entia*, *neruea* et *ſtimulantia* diuiduntur. Agit itaque
primo de *cerealibus*, *leguminibus*, *oleribus*, *radicibus*,
fructibus, et *animalibus eorumque productis*, *lacte ſci-
licet* et *butyro*, tandemque de *potu eiusque variis ge-
neribus*. Ex auibus et piſcibus in Austria maxime
vulgares deſcribuntur. Ad *cardiaca* vero *neruea*, *vis
electrica*, *animalium terraeque exhalationes vegetabili-
umque grati vapores* referuntur. *Cardiaca ſtimulan-
tia* in *ſtimulantia* ſimul *nutrientia*, in *ſtimulantia exci-
tantia ſubtilia*, *excitantia fixiora acria*, *gummi-refinas*,
refinas et *bitumina*, *odores nonnullarum ſubſtantia-*

rum v. c. camphorae et moschi *singulares*, balsamaque *liquida et artificialia* distribuuntur.

Secundus tomus comprehendit *emollientia, adstringentia, attenuantia*, scilicet *abstersiva, alcalescentia antiscorbutica, incidentia salina et attenuantia ex animalibus*, porro *inspissantia, plastica nimirum, coagulantia, antacida et absorbentia, acrimoniae alcalinae, muriaticae et oleosae biliosae putridae contraria*, tandemque *euacuantium* omnia genera et *anodyna*.

In tertio tomo de *antidotis et venenis* disputatur. Agit itaque primo de antidotis generalioribus, vt aceto, aqua, melle, oleo, opio et sapone. Ad venena deinde progreditur, acriora stupefacientia, fossilia acida, alcalina drastica, mechanica, exsiccantia, heteroclita venena animalium et venena specie halitus perimentia singulari studio proponit, et in singulis quoque, quantum fieri potuit, antidota addidit.

Remedia tandem, quae in materia medica chirurgica occurrunt, cum omnia fere iam in prioribus explicata sint, breuiter tantum indicantur, et diuisa sunt in repercutientia, relaxantia, resoluentia, caustica et deplentia chirurgica, venaesectione scilicet, fonticulis, etc.

Ita vero Cl. CRANTZIUS vbique in ipsa tractatione singulorum remediorum versatur, vt praemissis, quae de singula classe in vniuersum notanda sunt, nomen cuiuslibet simplicis officinale et systematicum adducat, germanicumque, gallicum, anglicum et italicum addat. Inde remedium describit, proprietates vsumque medicum, et tandem praeparata ex eo et dosin exponit. Cognoscent vero Lectores in ipsius libri lectione, a Cl. Auctore non modo optimas obseruationes ex omnium populorum scriptis summa cura collectas esse, sed non deesse quoque ad commendationem eiusdem maiorem nouas egregiasque obseruationes, quae artis peritis Cl. CRANTZII

z. II studium iucundissimum et acceptissimum effi-
ere possint. Liceat nobis nunc speciminis loco
quasdam observationes adducere. *Chaerophyllum* in T. I.
ancrosis tentare suadet, cum nullum in experi- p. 22.
mento periculum sit, affirmatque, puerperas, iuscu-
s ex solo chaerophyllo nutritas, nullo alio medica-
mento indigere. De *cicutaria Pannonica* CLUSII p. 34.
Noster monet, extractum eius pro cicutae extracto
sepius Viennae datum fuisse, atque conqueritur, sic
sepe medicamenti cuiusdam laudes pharmacopoeo-
rum ignorantia atque negligentia imminui. Folia p. 46.
Uglandis, si tumoribus oedematosi applicantur, eos
discutiunt, uti saepius Cl. Auctor vidit. *Lac* supra p. 95.
ulicis fungum emulgere, calensque bibere phthificis
suadet. Historiam *vis electricae*, quatenus ea in di- p. 111.
versis morbis ut remedium adhibita fuit, eleganter
hic exponit, eiusque usum plane rejicit, docetque,
aegrum per eam Viennae occisum fuisse. *Betonicae* p. 123.
ires adeo a veteribus laudatae debiles tamen sunt.
Ambram in tetano commendat. *Camphora* exanthe-
mata Viennae produxit, eademque gummi tragacant-
ha subacta in nosocomio nationis hispanicae Vien-
nensi maniacis, non aequali tamen in omnibus cum
successu datur. Aqua *resinae abietinae*, methodo a
Cl. LANGHANS praescripta, parata, si in phthisi-
is adhibetur, nimium exsiccat, et sputa supprimit,
minori licet dosi data.

Experimenta cum *vua urfi*, in nosocomio practi- T. II.
co Viennensi instituta, nunc non amplius spei, quam p. 31.
i, qui in eo nosocomio aegrorum curam habent,
per priora experimenta de huius plantae virtute in
calculosis conceperant, respondet. Cataplasma ex p. 73.
buli foliis pleuritico lateri vesicatorii loco impone-
re, Noster suadet. *Polygala vulgaris* in infuso et p. 180.
decocto non sine successu in nosocomiis Viennensi-
bus in phthisi data fuit. De virtutibus *aethiopi mi-* p. 203.

- nerali* adscriptis dubitat, eundemque, cum in aqua no-
- P. 210. solubilis sit, cinnabari inertiores esse putat. Pulverem seminum genistae, drachmae semis dosi, ad calcem valere observavit, bis terve de die cum leni plantae decocto datum.
- T. III. In omni casu haemorrhagiarum uteri gravidarum
- P. 18. opium Cl. CRANTZ in initio statim dare suadet, donec nec haemorrhagiae causa, saepe medico non cognita, pateat, sique illud fieri nequeat, medicamentum tamen, opii vi perspecta, insistendum est. Non tamen opio nimium fidendum est, si haemorrhagia uteri ante partum accedit, neque tunc chirurgica
- P. 32. aliaque auxilia negligenda sunt. Foemina paucis granis *auripigmenti* ad debellandam febrim assumens convulsionibus per triginta annos tentata fuit. *Ar-*
- P. 39. *nicae* in paralyti virtutem multis experimentis Cl. COLLIN in aegrotis nosocomii Pazmanniani, cuius
- P. 58. curam ille habet, institutis probavit. Cl. VOGEL qui in materia medica *cicutam aquaticam* GESNERI pro officinali specie adsumsit, Cel. CRANTZ reprehendit. Viennenses pharmacopoei *tincturam antimonii* HUXHAMI cum vino Toccaviensi parare solent. Huius vero tincturae ita praeparatae guttae sex, scopo alterante datae, satis efficaces iam effectus edunt. In vinis itaque differentiae causa esse
- P. III. videtur. *Cereolos* Cl. GOULARD reliquis praeparationibus Noster praefert.

Tacemus multas alias observationes, in quibus omnibus colligendis singulare profecto studium Noster adhibuit. Attamen si libere licuerit dicere, quid diligentius a Cl. CRANTZ curatum optemus, esset hoc, ut in commemorandis auctoribus non sola nomina, sed ipsa quoque scripta locaque addidisset, in quo non tironum modo in cognoscendis, sed et peritiorum in evolvendis iisdem studio, melius profecto consulisset.

XX.

Museum S. R. M. LUDOVICAE VLRICAE Re-
gin. Goth. Suec. Vandal. etc. in quo anima-
lia rariora, exotica, inprimis insecta et con-
chylia describuntur et determinantur, pro-
dromi instar editum a CAROLO V. LINNE'
Equit. aur.

et

Museum S. R. M. ADOLPHI FRIDERICI Re-
gis Suec. Goth. Vandal. etc. in quo anima-
lia rariora inprimis et exotica: aues, amphi-
bia, pisces describuntur. Tomi secundi pro-
dromus. Holmiae impensis Laur. Salvii,
1764. 8. 2 Alph. 6 pl.

Suecia, praeter splendidissimum Regium, etiam alio
Serenissimae Principis Reginae museo rerum na-
turalium superbit, quod *Drottingholm* in palatio re-
gio servatur. Continet illud animalia, quae sicca
servari possunt, inprimis insecta et conchylia, litho-
phyta, mineralia et nonnullas plantas. Huius mu-
sei in iustum ordinem digerendi cura ante plures an-
nos Ill. LINNAEO mandabatur, qui, cum ad finem
perduxisset opus, accuratamque illius regiae colle-
ctionis descriptionem elaborasset, videretque spem,
quam fecerat Serenissima Princeps, publicandae
atque in lucem emittendae illius descriptionis,
ob plura impedimenta protrahi; petiit ab Ea-
dem, ut ipsi liceret quendam quasi istius maioris ope-
ris prodromum edere. Annuit Regina precibus,
ipsa in hoc auctrix muneris gratissimi, quod hic pro-
ponimus Lectoribus conspiciendum *).

Selegit

*) Ex lepidopteris praecipue musei huius Cl. CARO-
LUS CLERCK 122 species insigni arte pictas edi-
dit,

Selegit autem Ill. LINNAEUS insecta, inprimis exotica et rariora, quorum 4-500 species hic earatione describit, qua in aliis similibus operibus iam usus est. Inter illa plurima noua sunt, quorum tamen catalogum hic dare superfluum foret, cum illa sine dubio in noua systematis naturae editione, quae iam publicatur, inueniantur. Testaceorum collectio eximia est, pauca tamen noua inter illa occurrunt, licet 434 species hic enarrentur. Molluscorum ordinem genus echini et asteriae tantum constituent.

Prodromo musei Reginae LUDOVICAE VLRI-CAE Cl. Editor prodromum secundi tomi musei Regis ADOLPHI FRIDERICI subiunxit, de cuius musei primo volumine, quod a. 1754 in folio prodiit, iam alio tempore ad lectores nostros retulimus *). Cum vero ex eo tempore museum hoc pluribus animalibus auctum fuerit, aliquorum ex iis catalogum Ill. LINNAEUS hic publicauit. Operis vero maioris continuationem multis figuris aeneis ornatam, et vberioribus descriptionibus instructam nos aliquando sperare iubet. Describuntur vero 8 quadrupeda, 34 aues, 34. amphibia et 80 pisces, ex quibus animalibus varia quoque antea incognita fuerunt.



dit, in *iconibus rariorum insectorum*, quod opus Holmiae 1764 prodiit.

*) vid. Comment. nostr. Vol. VI. pag. 144.

XXI.

De catarrho, et de dysenteria Londinensi epidem-
icis vtrisque a. 1762 libellus, auctore GE-
ORGIO BAKER Colleg. Reg. Med. Lond. et
Coll. Reg. Cantabr. Socio, et Reg. Societ.
Sodali. Londini apud I. Whiston et B.
White, 1764. 4. pl. 7. tab. aen. 2.

Primam egregiae huius dissertationis partem con- p. 1.
stituit tractatio de *catarrho* illo epidemico, qui
1762 primum Londini, deinde in tota Anglia ob-
seruatus est, et eodem fere tempore maximam Eu-
ropae partem infestauit. Iter tamen et cursus hu-
ius morbi incertus fuit, licet certum sit, eum in Bri-
tannia plane incognitum fuisse, prius quam Londini
innotesceret. Post aestatem a. 1761 siccam et cali-
dam, autumnum hiememque pluuiosum geluque
moderatum, vernali tempore successit tempestas val-
de procellosa, quam subito iterum excepit calor sa-
lis vehemens. Non omnino tamen CL. BAKER con-
cedere vult, illum morbum a tempestate originem
duxisse, atque plura de aeris constitutione proferre
superfluum esse putat, cum in vniuersum morborum
epidemicorum origines ad ventos mutabiles referre,
ut naturam eorum ad barometrum exigere impossi-
bile sit, historiaque propagationis huius epidemiae
ostendat, non solam aeris temperiem causam eius
constituisse. Prima vero huius morbi initia se sub ini-
tium mensis Aprilis a. 1762. ostenderunt, ex quo tem-
pore ille Londini tam celeriter increuit, vt dua-
rum hebdomadarum spatio pauci reperirentur, quos
de nulla ex parte affecisset. Licet autem omnes
homines, cuiuscunque aetatis, temperamenti aut or-
dinis ii essent, inuaderet, tamen in primis eos male
afficiebat, qui aetate erant profectiores, obesos por-
ro,

ro, mulieres, quibus catamenia haud profluebant, et tandem feruos.

In vniuersum in hoc morbo horror et calor se inuicem excipiebant, aderat languor et anxietas, dolor circa frontem et tempora, tussicula continua, et sternutatio frequens. Oculi inflammati erant et madentes, atque ardoris sensatio per vniuersum asperae arteriae et nonnunquam per oesophagi quoque iter percipiebatur. In nonnullis angina quoque accedebat, difficultas spirandi et dolores rheumatici vagi. Febris in aliis valida, in aliis contra mitissima erat. Lingua vt plurimum albissimo obducebatur muco. Saepissime sudores copiosi morbum soluebant, atque vrina, quae in initio biliosa erat, sub finem lateritium ostendebat sedimentum. Nonnunquam natura vomitus biliosi ope, aut deiectionibus biliosis, aegros liberabat. Londini funerum solitus numerus hac epidemia non multum auctus fuit. Noruici tamen plures ex ea obierunt. Vt plurimum hic morbus intra quartum diem medelae cessit, multa pituita per os reiecta. Alii tarde admodum in sanitatem restituti sunt, tussi et febre remanente, atque nonnullos phthisis pulmonalis tandem absumpsit. In nonnullis aegris, qui vehementiore agitabantur febre, miliaria se ostenderunt. Magis periclitabantur ii, in quibus peripneumonia aut angina accedebat, atque inprimis ex iis, quibus quotidiani labores sub dio erant peragendi, multi mortui sunt. In multis solo regimine et perspirationis lenioris sustentatione opus erat. Nonnunquam morbus hic venaesectionem requirebat, atque in vniuersum detracto sanguine clysmatum maximus vsus fuit, et leuiorum laxantium, quae in illo morbo plus, quam alia quaecunque auxilia, profuerunt. Diaphoretica contra validiora nocuerunt. Non alienum erat, tussim variis remediis lenientibus, et ipsis anodynis nonnunquam sedare,

are, quodsi vero dolores pectoris aut capitis vel
 elpirandi difficultas aderant, tunc vesicatoria egre-
 ios effectus praestabant. Illa inprimis post cucur-
 tularum applicationem lateri dolenti imposita, hunc
 colorem et tussim mirum in modum leuarunt. In
 febre lenta subsequente cortex Peruuianus egregium
 omnino usum praestabat.

Hanc tractationem excipit dissertatio de *dysen-* p. 18.
teria, qui morbus Londinenses sub exitu mensis Iulii
 1762 inuasit, cum in hac vrbe nouus fere aut sal-
 tem nuperis annis inauditus esset. Ille vero toto
 re autumnii tempore grassabatur, atque magnam
 primis inter pauperiores, pueros, et quibus infir-
 mior valetudo erat, stragem edebat. Communia
 huic morbo symptomata Cl. Auctor primum descri-
 bit. Primis diebus huic morbo occurrendum erat,
 cum neglectus longe difficilior curari poterat. Pe-
 culum imminebat illis, quorum extremitates, post
 magnam sanguinis sinceri iacturam, frigescebant, et
 quibus abdomen tumidum tensumque erat. Qui-
 anque fructus aestiuos vel autumnales maiore co-
 pia sumserant, ii vel a dysenteria plane liberi erant,
 vel leuiter tantum aegrotabant. Venaesectio omni-
 o in initio, maxime si aliqua inflammationis signa
 haberant, vtilissima erat, neque ea omni morbi tempo-
 re, si vires adhuc validae erant, in dolore vehemen-
 tiore aut febre nimis aucta negligenda erat. Vomi-
 toria fere semper cum felici successu adhibebantur.
 Ex emeticorum autem numero maxime commen-
 datus est tartarus emeticus, magna aquae copia di-
 lutus. Vomitus ab eo excitatus vt plurimum in-
 quitur sudor copiosus maxime proficiuus. Ipeca-
 hanham minus Cl. BAKER laudat, cum tartarus
 emeticus plus praestet, diaphoresin quoque faciat et
 vomitum soluat. Post vomitorium purgans potio ex
 manna, manna, tamarindis propinanda est, etc. ex
 cuius

p. 28.

cuius usu, si morbus non leuatur, et deiectiones naturales fiunt, statim ad salis amari cathartici usum transeundum est. Rhabarbari usum sub initio morbi Noster plane reiicit, cum saepe vel leuissimum tantum vel nullum plane effectum habeat, haud raro tardius et cum augmento torminum operetur, atque tandem adstringendi virtute, qua pollet, noceat. Clysmata in multis profuerunt, in aliis, ob irritationem inde ortam, morbum exacerbarunt. Inter remedia, quae muci naturalis vice fungi possunt, eorum ut plurimum morbo declinante dari solent, Cl. BARKER imprimis laudat lac bubulum, cum recenti adipe coctum, cui amyli portio addi potest. Hoc enim medicamentum, coquinaria arte paratum, gustui non insuaue est, neque ventriculo, licet copiose ingeratur, nocet. Opium in initio sollicite vitandum est. Dysenteria enim opio tractata haud raro in epilepsiam, rheumatismum et pleuritidem transit, semperque per eius usum morbus protrahitur. Hinc opiata tantum concedenda sunt in eo casu, ubi periculum adest, ne aeger vigiliis enectus, ex defectu virium pereat. Superata vero vi morbi, et alui excretionibus naturaliter iterum succedentibus, laudanum SYDENHAMI usus plenariam curationem absolvit. Cataplasmata emollientia et fomenta Noster cum fructu aegrotorum abdomini adplicauit, immo aegrum per septem dies iam dysenteria laborantem in balneum immisit, eo cum successu, ut dolor omnis conquiesceret, aluius naturali modo solueretur, et aeger in sanitatem restitueretur. Victu aeger utatur tenui, leuissimo, emolliente. Carnium usus nocet, neque primis diebus iuscula concedenda sunt. Plurimum vero praestat feri lactis usus et omnium ciborum, qui ex lacte parari solent. Aeris puritatis ratio maxime habenda est. Cum conualescentes ob debilitatem intestinorum ex leuissimo diaetae vitiis facili

facile in hunc morbum recidere soleant, diaeta paulo curatius ordinanda est. Proficit quoque iis multum vsus decocti ligni Campechensis. Cortex Peruvianus contra, si intestina nondum confirmata sunt, nihil iuuat, sed opportune datus, restorationem egregie adiuvat. Addit Cl. BAKER historiam sectionis dysenterici a Cl. GUIL. HEWSON factae. In hoc cadauere rectum, colon, coecum et intestini ei pars, nigrum habebant colorem, qui vero non ex sphacelo oriebatur, sed ex muco aterrimo, sanguini coagulato et putrescenti simili, quo interna superficies obducta erat. Obsessa vero ea erat sub mucositate pustulis, variolis maxime similibus, hinc inde non aequali ratione dispersis. Ex his digito pressis nullulum cruenti cuiusdam liquoris exsudabat. Interius vero ea tubercula solida erant, tunicis cellulosa et villosa adeo inter se confusis et per inflammationem condensatis, ut Cl. HEWSON definire non videret, vtrum ea tubercula orta essent a tela cellulosa, an ex tunica villosa hoc modo concreta?

Adiectae sunt praeterea Cl. CHARLTON WOLLASTON ad Cl. BAKER litterae, in quibus ea describuntur, quae Cl. WOLLASTON in duobus dysentericis dissectis obseruauit. In primo cadauere tertiana parum affecta erant, coecum aere distentum, colon vero contractum, atque eodem modo, uti rectum, muco sanguineo interius obducebatur, sub mucositate similia tubercula aderant. Visa vero illa sunt a WOLLASTON, constare ex tuberculis plurimis minutis, in eminentiam vnam fungosam coeuntibus. Inter illa tubercula villosa sana supererat. In colore praeter illa tubercula quoque maculae paruae hinc inde inter tubercula erant, rotundae et nigrae, pediculis, quae nonnunquam inter pustulas variolosas seruantur, simillimae. Bilis vesicula in hoc aegro rigida erat, bile flauescente dulci repleta. In altero

ro aegro, cuius cadauer Cl. Auctor examinavit, intestina crassa sphacelo maxime corrupta et perforata erant, attamen in hoc quoque tubercula aderant descripta, maculae vero deficiebant. Bilis naturalis erat. In tabula aenea prima Cl. WOLLASTON portationem intestini recti cum tuberculis, quae observavit, in posteriore vero particulam coli cum maculis nigris inter tubercula delineari curavit.

XXII.

Acidularum Sulzbacensium historia et analysis

Disput. med. Praeside CHRISTIANO HAUSMANN, Colmariensi. d. 24 Mart. 1764. Argentorati, typis Joh. Henr. Heitzii, 4. pl. 4½.

p. 2. **A**cidularum Sulzbacensium examen Cl. HAUSMANN in se suscipit. Itaque fontis historiam, patriam et situm, naturam atque indolem partium, hunc laticem constituentium, et fontis vires atque usum considerat. Scatent hae acidulae in valle quadam in *Alsatia* superiore prope oppidulum, cui nomen *Sulzbach*, quod tribus leucis a *Colmaria* distat. Propria pericula Cl. Auctorem persuaferunt, tribus distinctis scaturiginibus laticem hunc e terra profili. Quum nullae in illa regione sint fodinae, nulliusque generis fossae: nihil de montium adiacentium eorumque viscerum interiorum contentis minerabus determinare Cl. Auctor audet. De hoc tamen certus est, in distantia aliquot centum passuum scaturigine stratum reperiri lithanthracum.

p. 9. Procedit post historicam disquisitionem Cl. Auctor ad laticis chemicam indolem. Aquarum mineralium compositionem omnino pro temporis, quo examinantur, ratione differre, recte monet Cl. Auctor. Aliam enim habent eiusmodi aquae, dum sub ter

pr

procurrunt et profiliunt: aliam si aeri et calori per
tempus exponuntur. Sub vtraque igitur conditio-
ne aquas examinavit. Primaria, ad quae aquarum
mineralium scrutatores attendere solent, sunt earum
odor, sapor, gradus caloris vel frigoris, pondus,
quod ad aquam habent destillatam, mutatio, quam
admissione aliorum corporum, praesertim liquorum,
qui reagentia chemicis audiunt, subeunt. Haec
omnia rite ac ordine determinat, et acidulis aquas
Sulzbacenses esse adscribendas denique concludit Cl.
Auctor. Transit ad producta, quae euaporatio et p. 14.
destillatio harum aquarum exhibuere. Ex vtraque
plane simillimam accepit, et quidem ex 7 libris mas-
sam 64 granorum, albam foliaceam, euidenter sa-
linam. Recensitis periculis, quae cum ipsis acidulis p. 16.
fecit, corollaria, quae exinde deduci possunt, ad-
nectit. Ex quibus patet, aquam fontis *Sulzbacensis*,
nulla mutatione mutatam, constare: 1) e copioso
elemento aqueo: 2) multo aere: 3) vero, quamvis
parco, vitriolo: 4) alcali minerali: 5) terra seleni-
tica: 6) terra calcarea: 7) terra vitrescente: 8) an
et bituminosa substantia? Aqueum elementum per
se patet, copiosum autem aerem Cl. Auctor ex dis-
plosionis vasis demonstrat, si nimis cito claudantur. Vo-
cabulum spiritus aetherei non admittit, quem eo,
quo vulgo sumitur sensu, ad non entia pertinere
recte contendit. Subtile tamen acidum vitriolicum
vna cum aere egrediente abripi non negat, unde
etiam saporem vinosum acidularum explicandum esse
censet. Vitriolum autem neminem sub sua forma
adhuc exhibuisse perhibet. Contra modum enim,
quem Cl. SPRINGSFIELD *) proposuisset, vitrio-
lum ex aquis mineralibus producendi, nonnulla non

K 2 sine

*) In itinere medico ad thermas Aquis granenses et fon-
tes Spadanos, p. 71.

sine ratione monuisset Cl. SEIPIUS *). Et quamvis ipse credat Cl. Auctor, vitriolum sensibus exhiberi non posse, quia pars alcalina admixta solutionem metalli in acidis impediret: inesse tamen acidulis, licet parua quantitate, ideo affirmat, quod ipsae duae, quae vitriolum constituent, substantiae, ferrum nempe et acidum vitrioli, euidenter in latice adsint. Ferrum enim ex intensiore colore probat, quem infusum gallarum admixtione laticis acquirit; acidi vitriolici autem praesentiam supra iam demonstrauit; quare de vitriolo vero non dubitandum esse asserit. At Cl. Auctor oblitus est, Cel. quondam SEIPIUM eodem, quem ipse excitat, loco simul monuisse: non concludendum esse a partibus constitutiuus vitrioli in acidulis ad praesentiam vitrioli: a posse enim ad esse, vti logici dicunt, non valere consequentiam. Nam multa adesse in aquis mineralibus impedimenta, quae obstarent, quo minus existeret vitriolum. *Verum* igitur vitriolum dici nunquam potest, quod ne immaturum quidem aut imperfectum nominari meretur. Praeter ea inest quoque latici alcali minerale. Hoc manifestant reagentia, et massa post euaporationem residua. Materia vero, quae post elixuationem salis remanet, ad terras pertinet. Rigoroso autem examine chemico detexit Cl. Auctor, duplicis terram esse speciei, *calcareae* et *vitrescentis*: calcaream vero rursus diuidi in *calcaream stricte sic dictam*, seu *absorbentem*, et in *seleniticam*, cui acidi vitriolici portio intime iungitur. Omnes has species experientiis, ex chemia sumtis, probat. Aliquid bituminosi denique latici inhaerere, certo quidem non asserit, suspicatur tamen ex experimento, quo argentum, ex sua cum acido nitri facta solutione, affuso latice, deiectum, *praecipitatum* dicerent chemici, sine addito inflammabili iterum redu-

citur,

*) Beschreibung der Pyrmonter Wasser. p. 236.

tur. Nunc rationem reddere studet, cur alcali p. 22.
minérale et acidum vitriolicum sine mutua actione
in latice separata maneant, quod partim copioso aeri,
qui nullus sub terra exitus patet, partim pinguiori
acidi vitriolici indoli, ad mentem Cel. SEIPII ad-
tribuit. Aliter res euenit, quando aeri externo et
calori liber accessus permittitur, tunc prior compo-
sio laticis destruitur; aer inclusus libere exit; al-
kali et acidum in se mutuo agunt; sal neuter, sali
fixabili GLAUBERI similis, inde generatur; terra
artialis deiicitur; et q. s. r. His praemissis accura-
tus definit rationem, sub qua memoratae partes
componentes latici insunt: ex his apparet, sale mal-
linum et terram calcaream ceteris praeualere.

Pergit ad fontis vires et vsus. Quum hic fons p. 27.
salem, qui per Cl. Auctoris experientias fere to-
tus alcalinus est, a plurimis haecenus notis acidulis
distinguat: etiam a sale lixiuioso praecipuae vires
spectandae sunt. Nunc morbos recenset, qui hisce
acidulis sanandi veniunt, quos inter primarii sunt,
qui a saburra acida, in primis viis nidulante, ortum
trahunt. In genere autem recte monet, rarissimos
esse casus, in quibus, prouti ab omnium acidularum,
quoque ab harum vsu plane esset desistendum:
necquid etiam alii auctores in contrarium profe-
rent. Minime enim se rationem comprehendere
posse ait, quomodo remedium, quod lento passu,
cum successu temporis humoris acrimoniam cor-
ripit, vasorum tonum restituit, mucum incidit, et
obstructiones referit, nocere possit. Omnia tantum
redire existimat, vt cura cum acidulis instituenda
recte dirigatur. In quo illi plane assentimur. Re-
cte etiam taxat illos, qui, dum cum spiritu aethereo
medicare sibi placent, ab incluso et copioso aere sibi
multum vtilitatis promittunt: quum debilibus ma-
ius noxius esse queat.

p. 32.

Breuitè tandem modum praeſcribit acidulis ri-
te, tam interne, quam externe, vtendi. Genera-
lora quidem tantummodo exhibet praecepta, ratio-
ni autem et experientiae conſentanea. Inter alia
miratur dari medicos, qui fructus horaeos, tanquam
ſumme noxios, omnibus, qui aquis mineralibus vtun-
tur, ſine omni prohibent diſcrimine, quum vſum
acidularum ſub certis conditionibus magis promoue-
ant. Idem iudicat de potu Caffè, quem nonnulli
medici, quum eo nihil pernicioſius fingant, omni-
bus aquarum mineralium potatoribus ſine exceptio-
ne vlla interdiciunt. Paucis etiam externum harum
aquarum vſum attingit.

XXIII.

Diſſ. inaug. Cystotomia lateralis moreauiana
noua eademque receptis longe praeſtan-
tior, quia omnino tutior. Praef. GEO. FRID.
SIGWART Chirurg. et Anat. P. P. O. Au-
ctore et Reſpondente CAROLO LUDOV.
FRID. BREYER Med. Aul. Wirtemberg. Tu-
bingae, 1764. 4. 4. pl. tab. aen. I

p. 21.

Cl. Auctor hac diſſertatione methodum, qua Cl.
MOREAU Noſocomii publici, quod *l'Hotel de
Dieu* dicunt, Chirurgus primarius, Pariſiſ feliciſſi-
mo cum ſucceſſu ſectiõnem lateralem inſtituere ſo-
let, a Cl. Inuentore communicatam Cl. BREYER
hic deſcribit. Praemittit breuem methodorum
thotomiae hiftoriam et diiudicationem. Cl. m
REAU ſcalpello vtitur ancipiti, cuius acies tres po-
lices longa eſt, latitudo in parte a cuspide remotior
vix ſex linearum; cuiusque maxima craſſities in me-
dio eſt. Ipſe catheterem ſiniſtra manu continet, m-
niſter, a dextra aegri parte poſitus, ſcrotum eleuat
Cathe

Catheteris fulco explorato, Chirurgus scalpellum, fasciola vsque ad partem cuspidi proximam obuolutum, in modum calami scriptorii dextra apprehendit, et obliquam sectionem, duos pollices cum semisse vt plurimum longam, a media perinaei parte ad ischii sinistram protuberantiam descendentem facit, qua cutem, nec non exteriorem telae cellulosae partem diuidit. Tunc catheteris fulcum rursus explorat, vt scalpellum in membranofam partem vltra bulbum infingat. Manu sinistra motum ita dirigit, vt catheteris manubrium antrorsum vergat, dum dextra scalpello armata fulcatam catheteris partem percurrit, donec vesicae collum attigisse videtur. His peractis eleuat parumper manubrium scalpelli, atque eius cuspidem e catheteris extremo dimouet, et lithotomum paulatim retrahendo lateralem et sinistram fecat prostaticae partem. Tunc dextra scalpelli cuspidem in catheteris fulcum reponit, manumque deprimendo exteriorem textus cellulosi sectionem vti in vulgari methodo laterali perficit. Maximam huic methodo praerogatiuam tribuendam esse, patet ex successu operationum Cl. MOREAU et eorum, qui sectionem calculi secundum methodum eius institunt. Nunquam enim vel fere nunquam haemorrhagia, adeo saepe alias funesta, operationem sequitur. Dum enim Chirurgus peracta colli vesicae sectione cuspidem in catheteris fulcum reducit, vasa arteriosa ex pudenda media prouenientia, quae angulum musculorum erectorum et acceleratorum traiciunt et ad vrethrae bulbum producuntur, non laedit. Id quod Cl. MOREAU sectionibus cadauerum, in quibus vasa materia ceracea antea impleuit, auditoribus probare solet. Accedit alterum commodum, quod scilicet in hac methodo operator ipse, non minister, catheterem dirigat. Differt haec operatio a Cheseldeniana in eo, quod in CHESLENDENII

methodo sectio vnam modo pyramidem, in nostra vero duas quasi formet, quarum apices concurrunt, quod per figuram a Cl. BREYERO libello suo adiectam magis adhuc illustratur.

XXIV.

Opuscula Physiologico - Pathologica, dissertationes tres exhibentia. 1) De affectionibus infantiae ac pueritiae. 2) De affectionibus senectutis. 3) De visionis sensorio. Auctore ANTONIO FRACASSINI Medico Veronensi, Academiae Bononiensis atque Coniecturantium Mutinensis Socio. Veronae, ex typographia Marci Moroni, 1763. 4. Alph. I. pl. 1 $\frac{1}{2}$.

Quo aliquam huius tractatus ideam lectores nostri habeant, paucis summam trium dissertationum in eodem contentarum indicabimus. Morbos infantiae ac pueritiae diuidit Cl. Auctor in naturales, et ob habitum corporis necessario euenientes, et praeternaturales, prioresque denuo considerat, quatenus vel in corpore, vel in animo sese manifestant. Vniuersi infantilis corporis laxiorem habitum, fibrarumque maiorem flexibilitatem, facilioremque mobilitatem, nec non humorum tenuitatem, affectionibus quibusdam huic aetati propriis oriundis opportunitatem suppeditare, pluribus exemplis comprobatur, sicuti etiam ab eadem naturali corporis constitutione varios animi affectus produci, hilaritatis, delectationis in rebus inanibus, cursus, saltus, frequentioris risus et fletus exemplo demonstrat. In recensendis vero, et ulterius explicandis morbis, qui ab eiusmodi peculiari infantum habitu oriuntur, ordinem sequitur, ex ipso situ partium corporis desumptum,

m, ita, vt a capitis affectibus incipiens, ad pectus et abdominis morbos progrediatur, et vltimo variolas, huic praecipue aetati proprias, adiiciat. In singulis aetiologiam, quatenus ex naturali infantilis corporis constitutione explicari potest, curiosius disquirat, et in quolibet medendi methodum indicat. De v. c. aphtharum causas perscrutans, eas tum in maiori solidorum fabrica, heterogeneas in sanguine articulas producente, tum in lacte materno, saepe vitiatum, quaerit, et inde infantes ab iis facile corpori posse contendit, curationem partim per vniuersalia remedia, viscidum resoluentia et euacuantia, partim per specialiora, loco affecto applicanda, temperantia, mundificantia, et roborantia, absolui potest adfirmat.

Senes sua peculiaria habere incommoda, ipsamque senectutem, licet quoque optima videatur, semper tamen morbum esse, et ab ineuitabili mortis accessu tandem excipi, simili ratione ex habitu corporis, quatenus siccus est, et in omnibus partibus maior durities et nimis compacta natura inuenitur, comprobare Noster annititur. Inde actiones naturales aequae ac animales suum vigorem magis amittere, et corpus ad eas subeundas impar fieri, exemplo hebetudinis sensuum, et morborum muscularis minori agilitate, aliisque functionibus laesis declarat. Morbos huic aetati solennes, a naturali constitutione oriundos, iterum proponit secundum ordinem situmque partium, quatenus vel in capite, vel thorace, vel infimo ventre haerent, quibus vltimo loco rheumaticos dolores atque orbutum adiicit. Praecipui dicto ordine enumerati affectus sunt vertigo, apoplexia, vigiliae, catarracta, tussis, asthma, colica, stranguria etc. quoniam senes propterea eo facilius inuadunt, quia corpora eorum prae reliquis sicca sunt, vel et solida nimis

rigida, minus conuenientem humorum elaborationem efficiunt, vnde lentor humorum, variaeque obstructions producuntur.

In tertia differtatione, de visionis sensorio expone[n]te, varias auctorum sententias circa partem oculi, in qua praecipue visus exercetur, disquiri[t], modumque huius sensationis secundum diuersorum opiniones illustrat, et radios lucis in choroidea et retina oscillatorium quendam motum producere qui pro diuersi obiectorum magnitudine, figura, et colore, variat, et inde vario modo ad sensorium commune deferri, vbi animum obiecta percipere, et se inuicem distinguere, demonstrat.

XXV.

Tractatus de scorbuto IOANNIS A' BONA Veronensis. Veronae, apud Petrum Antonium Berno, 1761. 4. Alph. 1. pl. 8.

Scorbuti quidem naturam, eius causas atque curationes maximopere iam descripsit ac illustrauit Cl. LIND *), vt nemo accuratius et studiosius haec de re agere potuisset; cum vero multa in hoc tractatu contineantur, quae indicari merentur: minime huius recensio[n]em esse praetermittendam putauimus. Diuiditur autem in tres libros, quorum Imus, decem complectens capita, explicat scorbuti symptomata, diagnosin, differentias, prognosin et causas, ab aere, cibo, potu, quiete et otio, ac animi pathematibus pendentes; Idus, in duodecim capita distributus, considerat eius essentiam, naturam acrimoniarum variarum, quibus excitatur, eius symptomata, sedem, originem, morbos praedisponentes.

*) Cuius mentionem fecimus in Commentar. hor. Vol. IV. p. 238 sqq.

entes eiusque contagium; Illius, ex octo capitibus constans, therapiam scorbuti docet, cautelas practicas indicat, et modum, quo variae acrimoniae urentur, demonstrat. Nos tantum hinc illinc nonnulla excerpemus.

Lib. I. Symptomata scorbuti sunt maculae cutis, quae in vlcuscula mutantur, accedit interdum sterus niger, hydrops, scabies, elephantiasis, tumores varii, inter quos Cl. Auctor peculiarem vidit tumorem, oui gallinacei magnitudine, e cute cum spiritu et sibilo subito exeuntem, abscessus, gangraena, fudor foetidus, ossium fragilitas. In scorbuto pestilentiali gignitur caries, dolores osteocopi, anasarca. Morbi, qui singulas partes afficiunt, sunt dolor capitis, somnus continuus, aut vigilia pertinax, delirium, vertigo, lippitudo, tinnitus aurium, gingivarum dolor, contractio maxillarum, aphthae oris, parulis et epulis, cancer labiorum, tumor linguae *παρεγχών* dictus, paralysis brachiorum, difficultas respirandi, saepe lethalis, hydrops pectoris, vomitus convulsivus, dysuria, ascitis, vlcera glandis vel vaginae, cet. Gingivarum vitium, oris foetor, maculae cutis, dolor extremitatum et vacillatio crurum, cet. scorbuti suspicionem excitant, quam causae, pulsus, vrina et symptomata confirmant. Pulsus est parvus, debilis, inaequalis; vrina varia, crassa, innatante pituita vel pellicula; dolores sunt vagi, noctu grauiore, cum leui paralyfi coniuncti; hydrops plerumque difficultatem spirandi sequitur. Secundum BOERHAAVIUM Cl. Auctor quatuor scorbuti species statuit, falso-muriaticam, acido-austera, rancido-oleosam, alcalino-foetentem. Ad causas scorbuti aer humidus, calidus referendus est, quippe qui perspirationem impedit, et solida relaxat. Aer humidus maritimus idem praestat, cum in mare e plantis, piscibus, aliisue anima-

animalibus putrescentibus putridae exhalationes gignantur; in locis palustribus, carceribus et nosocomiis ex eadem causa scorbutus producitur. Frigus, cum cogat humores et perspirationem immi-

- P. 57. nuat, multum ad scorbutum confert. Nimius usus carniū pisciumque fumo exsiccatorum et sale conditorum, oleum oliuarum, butyrum frixum, caseus, scorbutum gignunt. Abstinētiā a vegetabilibus recentibus et merum usum carniū esse scorbuti causā, vti alii statuunt, negat Cl. Auctor, ac potius leguminibus, seminibus farinosis siccis, pul-
 P. 69. tibus et placentis hanc tribuit. Etenim nautae, qui carnibus salitis, caseo, leguminibusque nutriuntur, scorbuto laborant, minime vero ii, qui carnes recentes, v. c. fues, oves, gallinas, secum ducunt. Eadem ex causa scorbutus in vrbibus obsessis grassari solet. Usus aquae, in nauigatione sub coelo calidiore corruptae, nautas in scorbutum iniicit; idem praestat aqua maritima vel palustris, vinum non satis fermentatum, acidum, cereuisiae crassae, cet.

- P. 79. *Liber II Indus.* Scorbutum cum BOERHAAVIO appellat cachexiam, vbi sanguis ex crassitie vnius partis, et alterius acri tenuitate laedit, cum solidarum partium debilitate; vis enim omnium causarum in eo redit, vt sanguini crassitiem et acritatem inferat. Crassities posita est in sanguinis parte fibrosa, siue ex tenuissimis sanguinis filamentis concre-
 P. 80. scit, vel ex ipsius globulis arcte coniunctis, et oritur, si chylus iusto crassior in languidis vasis non satis elaboratur. Sed distinguenda est haec crassities a crassitie phlogistica, quae pendet a validis corporis viribus et expedito humorum motu, quo alimenta celeriter in corporis naturam mutantur. Bonus enim sanguis e rotundis, leuibus, densis constat particulis, quibus inest nifus cohaesionis, qui modum excedens phlogisticam crassitiem profert; e
 con-

contrario crassities in scorbuto obuia fit e particulis
 speris et angulosis, quae pluribus contactibus ad-
 haerentes, sensimque copiose in sanguine collectae,
 tum crassum reddunt. Sanguinis autem pars te-
 nuis, aquosa et glutinosis particulis mixta, abundat
 acrimonia, qua sensim tenuior fit, ac lymphæ tenuis-
 sima resolvitur. Differt vero crassities in variis
 scorbuti speciebus, et maior est in rancido et acido,
 quam in muriatico et alcalino, atque quo magis in-
 crescit acrimonia, eo magis imminuitur crassities.
 Debilitatem solidorum deducit Cl. Auctor ex laesa
 nutritione, siue ex deficiente tenacitate humoris,
 quo fibrillae tenuissimae inter se glutinantur. Acri-
 monia scorbutica salina muriatica oritur ex abusu sa-
 lis communis; attamen sal e combustis vegetabili-
 bus paratum et immodice sumtum minime produ-
 ceret scorbutum muriaticum, cum maxime differat
 a sale marino, particulis cubicis composito, quae
 non mutatae in ipso sanguine, ac imprimis in urina
 utrescunt, conspiciuntur. Ex crassitie humorum, p. 127.
 et solidorum acrimonia, et solidorum debilitate omnia
 scorbuti symptomata oriuntur. Crassities enim
 humoris et feri obstructions vasorum producit, quae
 in visceribus factae morbum regium, hydropem,
 febrem, in minimis vasis haerentes atrophiam, in-
 cunctus apoplecticos, anxietates, cet. excitant, sed
 a morbi progressu solvuntur humores et acerrimi
 fiunt. Ex acrimonia augetur irritabilitas vasorum,
 et obstructio, unde dolor, torpor, neruo-
 rum resolutio proficiscitur; hoc autem irritamen-
 tum vel in vasculis omnem humorum progressum
 impedit, vel hos impellit, ut maiori cum vi haec
 transeant, tandemque vasa ipsa dissolvit. Haec ve-
 ro acrimonia vel nunquam, vel rarissime, agit in
 communem nervorum originem, sed plerumque in
 singulos nervos, saepissime in ganglia nervorum.
 Solide-

Solidorum debilitas humores crudos reddit, et ad
crassitiem procliues, hinc ab aucto humorum pro
gressu facile soluuntur vasa, et effusiones fiunt, vt
sugillationes et gingiuarum laesiones demonstrant

p. 137. Scorbutus in omnibus solidis ac fluidis partibus cor
poris humani haeret, non in singulari aliqua parte
v. c. liene, hepate, pancreate, vti plurimi putarunt
qui viscera cadauerum scorbuticorum corrupta pro
eius sede habuerunt.

p. 187. *Liber IIIIus.* Therapia generalis scorbuti eius
caussis inprimis opponatur. Aer sit purus, seruetur
mundities, fugiantur loca paludosa; loca minus sa
lubria emendentur combustione iuniperi, succini, [su
fimigiis aceti; motus muscularis exerceaturambu
latione; debilioribus conuenit frictio; victus sit te
nuis, levis, modicus; potus optimus est aqua pura
interdum vinum austerum, tenue, dilutum; animus
sit tranquillus, hilaris; vitetur aer nocturnus et hu

p. 193. miditas pedum. Si morbus hic magis inueteratu
est, ad tria respiciat medicus, vt crassitiem humorum
attenuet, eorum acrimoniam leniat, et solida robore
quae tamen remedia ad diuersas scorbuti species dir
gantur, quorum explicationem Cl. Auctor vna cum
cautelis practicis necessariis hic satis ample exposuit



XXVI.

VALTH. VAN DOEVEREN Specimen ob-
 servationum academicarum, ad monstrorum
 historiam, anatomen, pathologiam, et ar-
 tem obstetriciam praecipue spectantium.
 Groningae et Lugduni Batavorum apud I.
 Bolt et S. et I. Luchtmans, 1765. in 4.
 I. Alph. 16. pl. tab. aen. 7.

In primo harum observationum capite traditur ana- p. 1.
 tome agni bicipitis monstrofi recens nati, quam
 Cl. DOEVEREN summa cum cura instituit et de-
 scripsit. Ostendit autem, monstrum hoc ad eam
 monstrorum classem pertinere, quae ob fabricam, ab
 ordine naturae alienam, iam in prima partium deli-
 neatione existentem, *primigenia* vocari solent. Ca- p. 49.
 pite secundo tres partus humani monstrofi descri-
 untur. Primus est foetus acephalos, in quo cra-
 nii galea a superciliis fere vsque ad imam ossis occi-
 pitis partem deerat, atque ossium defectum im-
 plebat fungosa aliqua et rubella massa, tenui tantum
 membrana obducta. Licet vero mater foetus hu-
 manus sic deformati negaret, sibi aliquid constare de
 vi aliqua, sibi grauiditatis tempore illata, aut alia causa,
 quae foetum, utero adhuc inclusum, ita laedere po-
 tuisset, tamen foetus hic omnino ad monstra *acciden-*
talia pertinere videtur, quorum origo accidentali
 alicui causae adscribenda est. Sequitur descriptio
 foetus, in quo aderat labium leporinum duplex, pa-
 latum fissum nasusque duplex, et tertii cuiusdam
 monstri, in quo utrumque vitium, quo primus et se-
 cundus foetus laborabant, coniunctum erat. Addit
 hac occasione Cl. DOEVEREN varias ex diuersis
 scriptoribus collectas observationes, de insigni illa
 simili-

- similitudine, quae saepe inter varia monstra intercedit, et ostendit, naturae in eiusmodi lusibus constantiam summam esse. Tertio capite describitur e tribus cadaueribus intestinorum crassorum situs, naturali maxime recedens, atque demonstratur, praeternaturales eiusmodi situs plurimos morbos et gravissima symptomata producere posse. Quartum caput continet historiam singularis cuiusdam morbi quo cor hominis 38 circiter annorum afficiebatur. Ille enim in inflammatorium morbum incidebat, cuius sedes in pectore erat. Aderat simul summa cordis palpitatio, atque omnibus artis auxiliis frustra adhibitis aeger tandem decimo octavo morbi die vitam cum morte commutabat. Ostendebat verosectio cadaueris, a Cl. Auctore instituta, veram in hoc aegro inflammationem cordis adfuisse, quae non modo in suppurationem abierat, sed et pericardii cameram purulenta repleuerat aqua. In variis aliis cadaueribus simili crusta purulenta cordis superficiem obductam conspexit, sine vlla huius partis inflammatione aut suppuratione praegressa, vnde recte concludit, morbum hunc ad exhalationem purulentam, quae vti in variis corporis locis, ita praecipue in thoracis visceribus apparet, omnino referendum esse.
- p. 76. Quinto capite, quae in cadauere foeminae passionem iliaca subito extinctae Cl. DOEVEREN observauit, ab eo describuntur. Aderat enim in ea mirabilis aliqua incarceration interna intestini ilei, atque haud procul a coeco intestino ex intestino ileo enata erat sacciformis quaedam appendix, quae in initio suo angusta erat, mox vero in ampliorem distendebatur saccum, atque sine dubio ad diuerticula intestinorum, a RVYSCHIO aliisque descripta, referenda est. Adscendebat autem a fine coeco huius appendicis chorda aliqua, ad coecum vsque producta, qua appendix illa et reliqua intestini pars ita tendebatur, et
 fursum

ursum trahebatur, vt incarceration interna modo descripta inde oriretur, quae in gangraenam tendens egrae subito lethalis fuit. De origine vero diuerculi huius Cl. Autor ita sentit, vt concludat, illud a natiuitate adfuisse, et cum aliquo processuum diposorum ex coeco prodeuntium concreuisse, qui tandem ob continuam tensionem in ligamenti speciem mutatus sit. Capite sexto vesicae vrinariae p. 83. ruptura lethalis in grauida describitur. Sine plena vrinae suppressione vesica immaniter distentat, vtero vesicae collum comprimente. Tumorem vero illum Cl. Autor, vti candide ipse fatetur, vtero ipso vtero habuit, aegramque subito extinctam ex vteri ruptura interiisse suspicatus est, veram mortis causam per sectionem cadaueris detecta. Hinc monet, in similibus morbis medicum edulo respicere debere ad vrinae accumulationem, neque catheteris auxilium negligendum esse, quamvis etiam aliqua vrinae euacuatio magnam huius mali suspicionem haud moueat. Sequens caput p. 94. similem fere historiam continet. Orta vero erat vesicae distentio lotique suppressio a renis dextri consumptione et hydrope. Addit huic historiae Cl. Autor nonnullas animaduersiones de naturali situ foetus humani in vtero et circumuolutione eius, quam multi versus finem grauiditatis fieri putant. Statuit autem naturalem foetus in vtero situm talem esse, vt si vterus recte positus sit, a primis iam grauiditatis mensibus, capite suo orificio vel saltem segmento vteri inferiori innitatur, atque ideo vana sint, quae de eius circumuolutione ab auctoribus profertur. Saepissime vero hic situs durante grauiditate ita mutatur, vt modo transuersus sit foetus, modo hanc, modo oppositam corporis partem ad orificium positam habeat, saepius quoque pedes aliaeque partes praecedant. Foetum autem

per totum gestationis tempus capite suo deorsum pendere, suadet capitis magnitudo et ratio ad reliquum corpus, observationes, quæ docent iam post 5. vel 6. mensem caput foetus exploranti digito occurrere, aliaeque observationes variorum auctorum in cadaueribus grauidarum institutæ, tandemque abortus capite praeuio saepe ante septimum mensem, iam facti saepissime vero foetum ab hac positione, quamdiu viuus et agilis est, deflectere, non leuia iterum dictitant argumenta. Nam primo in aqua amnios natat, et membra libere mouere foetus potest; deinde exploratio diuerso tempore in eadem grauida instituta diuersas quoque detegit foetus partes, vteri orificio adplicatas, cum situs capitis foetus nequaquam adeo fixus sit, quin mutationi maxime obnoxius: porro abortus adeo diuerso foetus situ solent fieri, vt omnino determinatu difficillimum sit, quænam in abortibus pars saepius praeuia occurrat. Neque in grauidis dissectis semper foetus situm supra indicatum obtinuit, vt circumuolutiones funis vmbilicalis et nodos inde ortos taceamus, qui ex circumuolutione foetus sola origi-

p. 128. nem ducunt. Caput octauum observationem vteri in partu rupti, foetusque in abdomen prolapsi continet;

p. 139. nonum historiam partus naturalis a magno vaginæ sarcomate retardati, quod feliciter sectione

p. 150. Cl. Auctor remouit. Decimum caput describit extractionem foetus ex matre, periculosissima haemorrhagia ob placentam praeuiam affecta; vndecimum

p. 163. partum difficilem ex situ vteri obliquo. Placenta in hac foemina in saccum peculiarem vteri inclusa erat, ab inaequali vteri constrictione ortum, quod vitium recentiorum nonnulli placentaë incarcerationem dicere solent. Sighum vitae foetus, quod ex motu eius, a matre ante breue tempus percepto nonnulli sumere solent, maxime fallax esse, haec ob-

ferus

servatio probat. Licet enim mater in hoc casu
 asseruisset, se hunc motum pridie adhuc observasse,
 summa tamen foetus putredo docebat, eum iam an-
 tea demortuum fuisse. Caput duodecimum tradit p. 177
 historiam partus agrippini perdifficilis, ob capitis re-
 tentionem, factam a dura ossis sacri excrecentia. Ca- p. 184
 pite decimo tertio variae observationes osteologicae
 continentur. Eae praecipue ad ossicula Wormiana
 spectant, quarum varietates plures hic descriptae et
 depictae sunt. Reliqua ad lusus naturae in futuris
 capitis, sinuum varietates, numerum vertebrarum
 et costarum auctum, costas in media sua parte mo-
 biles spectant. Capite decimo quarto varia experi- p. 208
 menta, a Nostro circa irritabilitatem et sensibilita-
 tem instituta, traduntur. Eorum summa est, irrita-
 bilitatem reuera competere non solum partibus, in
 quibus fibrae musculares rubrae reperiuntur, sed et
 alibus, quae tenuioribus et vix conspicuis fibris con-
 stant: duram matrem, tendines, pericranium et
 pleuram sentire: animalia non semper praebere si-
 gna sensationis, quamvis partes manifesta sensatione
 praeditae irritentur: vulnera durae matris tendi-
 numque minime esse periculosa, tandemque Cl. Au-
 ctorem fuisse post Cl. ZIMMERMANNVM primum,
 qui de sensibilitate partium experimenta instituerit:
 in ultimo capite additiones nonnullae, ad capita prae- p. 255
 cedentia referendae, continentur.



FOLKERT SNIP, Med. Doct. Dissertatio de
Lithotomia siue calculi sectione. Amstelo-
dami, apud I. Schreuder et P. Mortier.
1761. 8. pl. 5.

- p. 1. **B**reuiter Cl. Auſtor diuerſas ſecandi calculum
methodos enarrat. Primum caput de calculis
in diuerſis humani corporis partibus repertis, in vni-
uerſum inſcribitur, continetque plures ex diuerſis au-
ſtoribus collectas obſervationes. Celeberrimum
CAMPERVM reperiſſe calculum neruo phrenico
accretum, et in cadauere pueri quinque annorum
gypſeam materiam in articulo cubiti et glandulis in
p. 9. guinalibus, Noſter teſtatur. In ſecundo capite de
calculo veſicae in ſpecie diſputatur, diuerſaeque au-
ſtorum de illius geneſi ſententiae enarrantur. Ca-
p. 14. pite tertio ſigna calculi exponuntur, quae omnia fal-
lacia ſunt, ne ipſa quidem exploratione, quae per ca-
theterem fit, excepta, quae, vti duae, a Cl. CAMPERO
communicatae, obſervationes docent, neque de cal-
culi praeſentia, neque de eius figura et magnitudine
p. 25. certum ferri iudicium poteſt. Quartum caput de
p. 27. calculi ſectione in vniuerſum, et quintum de appa-
tu paruo agit. Sexto capite de apparatu magno diſ-
p. 38. putatur, et ſeptimo de ſectione laterali in genere
in quo methodus fratris IACOBI, RAVII, CHE-
p. 46. SELDENII et LE DRAN enarrantur. In ſtauo
apparatus altus traditur. Monet Cl. Auſtor, eſſe
caſus, in quibus peritonaei ſectio non admodum me-
tuenda ſit. Vidit enim Cl. CAMPER virum, cui
p. 49. ius veſica ſupra vmbilicum adſcendebat. Nono ca-
pite methodus fratris COSMI examinatur, atque
vt incerta damnatur, cum nunquam incifio exacte
manubrio reſpondeat. Cum enim Cl. Auſtor in
ſtrumen

trumentum ad septem lineas aperiret, in cadauere glandulam prostatam non solum per medium fissam, sed etiam vesicae partem posteriorem laesam esseprehendit. In aliis laesio nimis parua aut vesiculae feminales simul quoque laesae erant. Magis p. 51. i arridet methodus Cl. LE CAT, de quo capite decimo, atque vndecimo de methodo FOUBERTI, p. 54. xponit, cuius incommoda enarrat, tandemque capite duodecimo methodum THOMAE describit, p. 57. quam FOUBERTIANAE praefert. Sequentia cap. p. 59. ita de impedimentis in operatione et extractione calculi, atque de calculi operatione in foeminis in p. 61, cribuntur, quo loco etiam instrumenta, a Cl. LOUIS t FLURANT ad hanc operationem proposita, breiter indicantur. Vltimum tantum caput docet, p. 65, quae a Chirurgo, si calculus in vrethra haereat, facienda sint.

XXVIII.

Die natürliche Historie des Eidervogels, beschrieben von MORTEN THRANE BRVNNICHE. Aus den Dänischen übersetzt, mit Kupfern. Copenhagen, bey I. G. Rothen, 1763, 8. pl. 5. tab. aen. 3.

i. e.

Historia naturalis anatis mollissimae, auctore MORTEN THRANE BRVNNICHE. Hafniae.

Cum hoc opusculum ea lingua, qua primum scriptum est, scilicet Danica, ad nostras manus non peruenerit, versionem tantum germanicam hic indicare possumus. Traditur vero in illo historia na-

- turalis illius *anatis*, quam LINNAEUS *mollissimam*, WILLUGHBEVS et RAIUS *anatem Farnensem* f. S. *Cuthberti*, Germani, *Eidervogel*, alique septentrionales populi aequifonis fere nominibus insigniunt, cuiusque plumae, quae apud nostrates *Eiderdunen* dicuntur, potissimum mercatura Danorum diuulgantur, ita vt illi ex hoc negotio insigne lucrum
- p. 8. capiant. Nomen *Aeder* vel *Eider* huic aui datum est, ex nutrimenti genere, quo vtitur, cum *Ada* in Islandica lingua concham significet. His expositis
- p. 17. Cl. Auctor ad systematicum huius anatis nomen progreditur, qua in re Cl. LINNAEVS et Cl. BRISSON inter se differunt, cum LINNAEVS illam ad anates, BRISSON vero ad anseres referat. Atque, vt hac de re eo melius lectores iudicare possint, descriptionem generis anatum Noster exhibuit, cui descriptionem anatis mollissimae summa cum cura elaboratam adiecit, atque ex harum comparatione docet, auem hanc ad anates omnino referri debere.
- p. 23. Explicantur quoque varietates colorum, quae a sexus differentia, aetate etc. pendent. Iam ad ipsam historiam naturalem accedit. Iuniores aues mense
- p. 36. Iunio et Iulio ex ouis excluduntur, incubatione 28 dierum. Foemellae iuniores pauciora oua, quam foemellae aetate iam aliquantum prouectae, ponunt. Mares ante tertium annum raro coeunt, et pulchrum, quo splendent, colorem plumarum ante quartum annum nunquam adipiscuntur. Habitat haec avis in septentrionali mare ab insula Spitzbergen dicta vsque ad insulas maris Balthici. Migrationes non certo anni tempore, sed pro lubitu et necessitate instituit. Per aestatem in littore habitat, per hiemem vero in mari commoratur. Mas cum vnica foemella tantum se consociat, atque cum marium numerus foemellarum numerum multum superet, plures mares de vna foemella inter se dimicant.

ant. Nidos exstruunt in locis, a littore maris pau- P. 48.
 ulum remotis, vbi musci copia est, vel iuniperus
 opiose crescit, materiam vero, ex qua nidos confi-
 iunt, praebent illius plumae, quibus pectus anatis
 uis tegitur, quas foemina sibi ipsa extrahit, atque
 um gramine et iunco miscet. Tunc quinque ad
 to vsque oua ponit, illisque incubat, atque sub
 ipsa incubatione aliis plumis, ex corpore suo decer-
 ptis, marginem nidi ita cingit, vt plumis fere tota
 uis tegatur. Pullis exclusis mas foeminam dere-
 linquit, quae cum pullis mare intrat. Si primus ni-
 dus aut oua priora destruuntur, pauciora oua in
 alium nidum secunda quoque et tertia vice anas po-
 nit, et tum? plumis omnibus excerptis foemina
 interdum nuda fere est, ita vt mas plumarum de-
 lectum suis supplere debeat. Conchyliis et pisci-
 bus auis haec vescitur, atque ad illos capiendos al-
 ius submergitur. Plumae, quibus auis haec nidum p. 58.
 uum exstruit, magna cum cura colliguntur, depu-
 rantur et exsiccantur, quas operationes omnes No-
 ter hic fufius describit. Tabula aenea prima ma-
 is, secunda foeminae figuram vna cum nido et
 pullo sistit. In tertia caput et lingua maris deli-
 neantur.



XXIX.

The Botanist's and Gardener's new Dictionary, containing the names, classes, orders, generic characters and specific distinctions of the several plants cultivated in England, according to the System of LINNAEVS; directing the culture, describing its singular virtues and uses, and explaining the terms to botany and gardening; in which is also comprised a gardeners calendar, directing the whole practice of gardening. And to which is prefixed an introduction to the LINNAEEN system of botany. By JAMES WHEELER, London printed for W. Straham and W. Owen, 1763. 8. 1. Alph. II. pl.

i. e.

Nouum lexicon botanicorum et hortulanorum, continens nomina, classes, ordines et characteres genericos atque específicos variarum plantarum, quae in Anglia coluntur, secundum systema LINNAEI; in quo de cultura et usu earum disputatur, et vocabula, quae in botanica atque arte hortulanorum occurrunt, explicantur. Continetur quoque in eo calendarium in usum hortulanorum, in quo tota ars illorum explicatur, atque praemissa est introductio in systema botanicum LINNAEI. Auctore J. WHEELER.

Quamquam, post Cl. MILLERI opus, lexicon in quo hortulanorum labores explicantur, et de

De cultura speciali singularum plantarum exponitur, superfluum videri potest: praesentis tamen libri Auctor, Cl. WHEELER, qui in Glocestriensi Comitatu horticulturam exercet, in eadem re operam suam collocare haud dubitavit. Quodsi tamen verum dicendum est, nihil aliud videmus huic libro interesse, nisi compendium maiorum operum, in quibus de eodem argumento expositum est. Discrimen vero, quod inter hoc et Cl. MILLERI opus intercedit, imprimis in eo versatur, quod Cl. WHEELER, ubique systema Linnaeanum secutus sit, variaque hinc inde, imprimis quae ad explanationem vocabulorum botanicorum attinent, addiderit. Species plantarum, quae in hortis coluntur, nominibus Anglicis indicavit, quae tantum translationem nominum specificorum Cl. LINNAEI, non autem, quibus vulgo appellantur, sistunt. Operi quoque ipsi calendarium hortulanorum insertum est, atque descriptionibus plantarum nonnumquam pauca de usu medico et oeconomico eorum verba addita sunt. Adiecta quoque est explicatio systematis LINNAEI. Multae tamen plantae in hoc Lexico frustra quaeruntur, ita ut, si verum facendum sit, nihil nisi minus, quo venditur hoc opus, pretium illud prae Milleriano commendare possit.

XXX.

Nova physico-medica.

Magna nostra Saxonum est felicitas, quod ii, quorum imperio subiecti sumus, non solum perclémenter nos habeant, et mitissimo utantur imperio, sed etiam omnes artes scientiasque, quarum

cultura regna fiunt quam florentissima, curae habeant, et quouis modo amplificare atque inter suos potissimum ciues diuulgare studeant. Id pluribus quidem constat exemplis, ex quibus quorundam nos quoque his libris mentionem iniicere meminimus. nouo vero nunc confirmare hoc licet testimonio. Dum enim Serenissimus Noster et Dilectissimus Dux FRIDERICVS AVGVSTVS, adiunctis sibi itineris sociis, Seren. matre ANTONIA et Patruo, XAVERIO cuius prudenti regimine Saxonia nunc gubernatur rerum videndarum cognoscendarumque causa in montanum patriae tractum profectus, ipse metallorum fodinas adibat et cuncta perquirebat, quae ad metallorum opificia pertinere videbantur, apparuit multa peragi ritu opificum eorum, qui, cur rem ita agant, nesciunt, sed coeco tantummodo vel penitus nullo consilio in operibus maiorum sequuntur exempla. Inde vero quum fiat, vt operae fere vbique nimis stricte recepto semel modo adhaereant, nec vnquam theoreticis rationibus ducti, vel forte in nouum operandi modum incidant, vel cogitando inueniant, nec alius modi periculum faciant, hinc nullo inuento laborum et sumtuum compendio omnis ratio metallorum effodiendorum et ex mineris conquirendorum, in qua metallicorum scientia posita est, nunquam emendetur, facilitetur et fructuosior euadat: consilium captum est Academiae condendae, quae a metallorum et fodinarum cultura nomen generat, et cuius duplex sit scopus: alter, vt ii, qui se huic rei foueant, et quibus constitutum sit in his opificiis vitam consumere, phisicis mathematicisque praeceptis instituantur, ne in posterum rudes et rerum faciendarum imperiti ad haec opificia accedant, sed magis ratione, quam sola experientia vel antiquo et vsitato modo vti discant: alter vero, vt ii, qui his in rebus altius nitantur, etiam quos ingenium vel

el sanguis ad praeclarius vitae genus destinasse vi-
 leatur, primis saltem imbuantur initiis et harum re-
 um penitus cognoscendarum in iis excitetur desi-
 derium, cuius explendi in Academias delati vberio-
 rem reperturi sint opportunitatem. Conditae est
 itaque haec Academia *Fribergae*, die 13 mensis no-
 vembris 1765, cui regundae praefunt FRIDERICVS
 ANTONIVS DE HEINITZ, Consiliarius fisci princi-
 palis et rerum metallicarum intimus, et FRIDERICVS
 GUIL. DE OPPELN, summus metallorum praefectus.
 Disciplinae tradendae ita sunt distributae, vt vero
 CHRIST. EHREGOTT GELLERT, summus cu-
 rator officinarum, in quibus metalla excoquantur,
 iuncto, quod haecenus quotannis accepit, stipendio
 ducentis thaleris, chemiam metallurgicam doceat et
 praecepta theoretica in laboratorio chemico illu-
 tret confirmetque experimentis. Quae vero quum
 solures exigant sumtus, atque, ne ii vel docenti vel
 discipulis molesti essent, concessum est laborato-
 rium, quod omnibus rebus necessariis exstructissi-
 mum publicis sumtibus conseruatur. IOAN. FRI-
 DERIC. GUIL. CHARPENTIER, Professoris titulo
 ornatus, tradit eas disciplinas, quae ad mathesin pu-
 ram pertinent, iis vero discipulis, quos cognouerit
 his in disciplinis multum profecisse, etiam partes
 matheseos applicatae, mechanicam potissimum, aere-
 metriam, hydrostaticam, et similes esse expositurus;
 alios etiam artem figuras rerum ad optices regulas
 delineandi docebit, habita simul in omnibus his ea
 ratione, vt harum disciplinarum vsus in metalli fodi-
 nis ostendatur exemplisque illustretur. Annuum
 ipsi constitutum est praemium trecentorum thaleror-
 um. Deinde magnus iam librorum metallicorum,
 mathematicorum, chemicorum, mineralogicorum,
 physicorum, oeconomicorum et eorum, qui ad
 omnem historiam spectant naturalem, collectus est
 nume-

numerus. Congesta etiam est magna copia minerarum, tum indigenarum, cum exterarum, in quibus disponendis duplex servatur ordo: alter ut eae coniungantur, quae ex vno eodemque montano tractu aut regione aut fodina petitaе sunt, ut adeo apparatus minerarum singulae fodinae et montis quasi in compendio appareat: in altero vero ordine magis ad artificialem et systematicam dispositionem minerae collocantur, ut inde totius minerarum systematis idea quaedam existat. Spectanda etiam proponuntur in hoc museo exempla machinationum fictitiae (*Modelle*), quae ad fodinarum et aliarum officinarum metallicarum culturam pertinent. Bibliothecae huius et museo praeesť HIERON. GOTTFR. LOMMER, qui non solum statis diebus et horis cuncta haec ostendit, sed etiam verbosius super his rebus exponit. Laborum horum in gratiam annuo fruitur stipendio ducentorum thalerorum. Constitutus etiam est artifex, apud quem instrumenta et machinas conficere et diiudicare discant. Commoda igitur nunc facta est opportunitas, omnes eas res, quae fodinas et alias metallicorum officinas concernunt, non solum cito, sed etiam scienter, et ad disciplinarum, quae huc faciunt, regulas addiscendi, et sicuti omnes ii, qui vel iam operarum numero vel aliis officiis adscripti sunt, hoc beneficio gratis adficiuntur, ita aliis indigenis, quamvis se Saxonice fodinarum opificiis addicere nolint, etiam exteris, licet hoc instituto uti ea tamen lege, ut hi accessus veniam quaerant, et exiguam, quae constituta est et augeri nequit mercedem solvant. Si qui vero essent, qui priuato inter parietes similem institutionem quaerant, iis de mercede cum Professoribus est agendum. In memoriam huius instituti nummus argenteus vncialis curatus est, cuius facies altera imaginem FRIDERICI AUGUSTI, Sereniss. Conditoris, auersa vero tres genera

nior

ios exhibet, qui variis opificiis, quae apud fodinas
eraguntur, sunt occupati; cum hac epigraphe:
Zur Ermunterung des Fleißes

et infra lineam

*Freybergische Bergakademie, ward gestiftet den 13.
Nov. 1765.*

Quanti sit conspiciendorum usus aestimandus, ii
probe sciunt, quibus hebescit oculorum acies, quum
non solum amissae aciei locum teneant, sed etiam
hebescentem acuunt. Haud indignum itaque inge-
nuo et physicarum rerum perito est studium, quod
in machinulis his emendandis perficiendisque poni-
tur. Hoc nomine magnam profecto laudem pro-
mereri nobis videtur ille Regiae Academiae Sc. Pa-
risinae socius, qui apud illam mille et ducentas li-
bras gallicas (1200 *livres*) deposuit ea conditione, ut
numerentur ei, qui ex Academiae sententia omnium
optime propositam rem sit expositurus. Scilicet
quaeritur, num materia sit aliqua, ad conspicienda con-
ficienda apta, quae vel eandem habeat refractionis
vim, quae in crystallo Anglica, aut in sic dicta *Stras*,
deprehenditur. Bismuthi aut aliorum metallorum
calces forte utilius ad hanc rem adhiberi possent et
substitui plumbi calci, a qua vitrum lucis radios re-
fringendi vim accipit; 2) quae purissima sit ab omni-
bus striis, filamentis et aliis maculis, a quibus lux
turbatur et gelatinae similis color oriri solet, quae
habeat suauem, in omnibus partibus aequalem et
uniformem pelluciditatem, quae candida sit, aut te-
nuissimo saltem et per omnem massam aequabili co-
lore, nec, quantum fieri possit, ullis granulis et bul-
lis intercepta; 3) cuius color nunquam euane-
scat, nec pelluciditas et politura aeris appulsu per-
eat; 4) quae, praeterea summa sit duritie, ut arte
quam politissima fieri possit, nec, dum fricatur, rimu-
las

las agat aut scabra fiat. Quod si inuenta materies non antecelleret crystallo Anglicae, praeferetur illi quod eius praeparatio minus exigit laboris, temporis et sumtuum. Omnes, qui hoc praemium assidue qui cupiunt, rogantur, vt, praeter apte et clare descriptum modum has crystallos praeparandi, simul quaedam earum fragmenta eaque tanta mittant ad Academiam, vt ex iis confici possint conspiciilla diametri sex septemque pollicum. Quibuslibet, literatis aequae ac artificibus, etiam exteris Academiae Sociis ad hoc praemium licet niti. Cuiuslibet quoque arbitrio relictum est, in descriptione vti lingua quaecunque ipsi libuerit. Qui vero conscripti fuerint de hac re commentarii ante calendas ianuarias anni 1768 ad perpetuum Academiae Secretarium sunt mittendi. Tardius qui eos mittat, a iure praemii reportandi est exclusus; quod vero qui reportauerit, post festum Paschatos demum Academia esse declaratura.

Gottingae die 6. mensis decembris anni 1766 quae ibidem floret, Regia Scientiarum Societas celebravit conuentum, in quo, praeter alias res, de iis quaestionibus egit, quas eruditis promisso praemio iam diu disquirendas proposuerat *). Altera est physica quaestio attingebat ortum nouarum specierum vel varietatum plantarum. Quum enim constaret, ex commixtione vel artificiosa vel fortuita diuersorum plantarum generum oriri interdum plantas quae ad nullas, haecenus cognitae, species referri possent, postulatum erat, vt haec res experimentis confirmaretur et leges eruerentur, quas haec varietates sequantur. Attamen ne vnum quidem de hac re Societas accepit scriptum.

*) Comment. h. Vol. XIII. p. 165.

In altera et oeconomica quaestione noua exigatur materies, quae luteo tingat colore aequae con-
stanti, ac ex isatide et rubia tinctorum optima solet
riri. *) Etiam in hanc rem vnus tantum, ita tamen
uestigauit, vt a Societate praemio dignus censere-
tur. Resignata schedula, quae scriptioni adiecta
erat, nomen continebat NICOLAI KVLENKAMP,
qui *Bremae* olim tinctoriam exercuit artem, et bina
am alio tempore ob similes quaestiones a Societate
cepit praemia.

Nouam porro quaestionem oeconomici argu-
menti *Eadem* Societas in hunc annum proposuit,
quam vero explanatam et descriptam ante mensem
septembrem huius ipsiusque anni expectat. Mul-
tum haec conuenit cum ea, quae iam bis et duplicato
praemio ab Academia scientiarum Diuionensi pro-
posita est **): Quaeritur nimirum, *num omnino
tile sit, alternis annis in eodem agro diuersa serere ge-
nera frumenti, farris scilicet, tritici et hordei, quo-
rum cultura et natura similes succos ad incrementum
vigunt?*

Ab *Eadem* Societate iam ab initio anni 1766,
praeter alios quosdam viros, in sociorum numerum
receptus est IOANNES PRINGLE, Med. Doctor
et Regis Britanniae Archiater; atque paullo post
BENIAMIN FRANKLIN, Eq. qui, diu in Americae
pensyluania commoratus, electricis potissimum ex-
perimentis inter eruditos inclaruit. Praeterea Ea-
dem Societas DANIELEM PETRVM LAYARD,
Med. Doctorem et Archiatrium Serenissimae Viduae
principis Walliae, inter eos retulit, quibuscum Aca-
demia epistolarum habet mutuum officium.

Regiae

*) Comment. h. Vol. XII. p. 562.

**) Comment. h. Vol. XIII. p. 161.

Regia *Londinensis* scientiarum Societas quot annis statò die noui praesidis secretariorumque eligendorum causa solet conuenire. Plerumque uenit, ut pristini nouis tantummodo suffragiis confirmantur. Nuper itaque in conuentu, ipsis calendarum decembris 1766 celebrato, Illustri Comiti MORTON denuo Praesidis munus, quod post obitum Illustr. MACCLESFIELD iam sustinuit, traditum est. CAROLVS MORTON et MATTH. MATY, Doctores Medicinae, Secretarii muneri, quod huc usque cum laude functi sunt, in posterum manent admoti. GVILIELM BEOWNRIGG, Med. Doctor in Portu albo habitans, et HENRICVS CAVENTISH in gratiam utilium experimentorum, quae cum Academia communicarunt, quilibet praemio i. e. moneta aurea, est ornatus.

Academia scientiarum *Diuionensis* haecenus solita est quaestionibus, a se propositis, praemium statuere trecentarum pondo Gallicarum (300 livres). Hoc uero nunc auctum est insigni munificentia Illustr. Marchionis DU TERRAIL, castrorum et militiae Praefecti et qui *Veriduni* Regii Legati obtinet locum, sociisque huius Academiae Exteris et Honorariis annumeratur. Is enim ex praeclaro amore quo literas et patriam prosequitur, Academiae dono dedit decem millia librarum Gallicarum eo animo, ut ex earum usuris singula quotannis praemium centum adiectis pecuniarum libris Gallicis augeretur. Hinc Cl. MARET, qui Academiae est a epistolis, illius nomine notum fecit: hoc praemium augmento eum iam esse fruiturum, qui reportauerat praemium, quod disquisitioni remediorum antisepticorum *) est propositum.

FW

*) Vid. Comment. h. Vol. XIII. p. 163.

Florentiis anno 1766 varii chirurgi et pharmapoei, vt artes suas coniunctis viribus amplificarent, in societatem conuenerunt, et noua inde constituta est Academia, quae, quod sponte sua sine superiorum imperio aut consilio orta est, nomen sibi ipsa imposuit *Academia degli Spontanei*. FRANCISC. CONSOLAZZO et CLODOALDO FUGAZZO principes illius auctores sunt et conditores; sociorum vero numerus ita iam auctus est, vt nunc triginta numerentur. Exteri etiam membrorum honorariorum sub dignitate in societatem hanc recipiuntur.

Petropolitanæ Societatis oeconomicæ ortum eo loco *) narrauimus, nunc addendum nobis est, illam noua membra accessisse. Etenim ei se adnexerunt 1) IACOB. STEHLIN, Imperii status Conarius, scient. Acad. Imperial. Socius et Secretarius perpetuus, 2) F. V. TH. AEPINVS, Collegiorum Consiliarius, Sc. Imp. Ac. Socius, 3. 4) EVERI, LEONHARDVS pater, Mathematicum, et BERTVS, filius, Physices Professor, 5) FRERIC. MÜLLER, Collegiorum Consiliarius, Mouiae nunc viuens.

Praeterea *Petropoli* accepimus, Augustissimam Imperatricem numerum medicorum aulicorum auxisse et hoc munere ornasse 1) NORTH GOR, annuo simul promisso stipendio mille et vigintorum nummorum Russicorum vncialium. hic quatuordecim ante annos iam munere medici caensis apud exercitum Russicum est functus, quo
vero

*) Comment. h. Vol. XIII. p. 151.
Tom. XIV. Pars I. M

vero postea se abdicauit Angliam profectus, ubi tam diu commoratus est, donec hoc ipso anno huc accerferetur; 2) PAVLVM GYÖNGYÖSSI a *Petty* antea medicum ordinarium cohortis iuuenum nobilium, qui ad militiam naualem instituuntur; 3) CAROLVM EVLERVM, filium et fratrem EVLERORVM, quos modo nominauimus. Vtrique per annum constituti sunt mille nummi vnciales Russici.

Helmstadii nuper munus Professoris Medicinæ Ordinarii Viro Cl. GVILIELMO FRIDERICO CAPPEL, Medicinæ Doctori, demandatum esse, legimus relatum.

Magna, qua pollet Vir Cl. HERMANNVS SCHÜTZE, Archiater Regius, in arte salutari peritia confusus, Serenissimus Princeps, ADOLPHVS in spem regni Suecici genitus, curam sanitatis suae tuendae ei clementissime tradidit et Archiatrum suum Ordinarium declarauit.

Vt quouis modo scientia vegetabilium amplificaretur, Potentiss. Britanniae Rex, GEORGIUS III misit IOANNEM BARTRAAM in quasdam Americae prouincias, Philadelphiam et Meridionalen Carolinam, vnde iter in Floridam dirigere, et praecipuas, quae his in terris proueniunt, plantas colligere iussus est et designare.

Haud diu est, quum *Holmiae* diem supremum obiit Vir Cl. CAROLVS CLERK, Regiae Scientiarum Societatis Upsaliensis socius. Singulari inclaruit studio et diligentia, qua aranearum historiam natura

ler

em est perscrutatus, quam variis etiam scriptis locupletauit *).

Dum haec scribimus, grauiſſimum nobis inferur vulnus triſtiſſimo nuntio mortis coniunctiſſimi nobis amici, FRANCISCI BOISSIER DE SAUAGES, Regii Conſiliarii ac Medici, in Vniuerſitate Monſpeliendiſi Medicinae et olim Botanices Profeſſoris Regii, Acad. Scient. Caefareae Naturae Curioſorum, Londinenſis, Monſpeliendiſis, Vpſalenſis, Berolinendiſis, Florentinae et Inſtituti Bononiendiſis Socii, Viri de ſcientia medica aequae ac omni naturali meritiſſimi, qui Monſpeli rebus naturalibus nuper modo, die vndeuigeſimo menſ. februarii 1767 ereptus eſt, aetatis annum agens ſexageſimum primum. Vetuſta non ſolum et officioſa amicitia, quae inter nos culta eſt, ſed etiam meritum viri huius excellentia nos impellunt, vt eius memoria et a nobis quam ſanctiſſime colatur. Si itaque, quod ſperamus, vitae huius praecipua momenta a cognatis acceperimus, ſtatim hunc noſtrum orbem eius memoria adornabimus, illamque, etiamſi hoc auxilio non indigeat, ad ſeram propagare ſtudebimus poſteritatem.

Nec minore moeſtitia nos afflictoſ ſentimus obitu viri, meritorum fama clari, IOANNIS OTTLOB LEHMANN, Ruſſicae Imperatricis a conſiliis aulicis, Imperialiſ Academiae Scient. Petropolitanae Membri et Chemiae Profeſſoris, Acad. Berolinendiſis et Moguntinae Socii. In nouarum reum ephemeridibus quam plurimis narratum eſt, miſero illum et funeſto caſu, dum vas aliquod chemicum, quod arſenicum continebat, igne, cui impoſitum

M 2

ſitum

*) Comment. h. Vol. IX. p. 535. ſeqq.

Stum erat, disploderetur, vita esse priuatum; ex litteris vero, quas Vidua ad amicum misit, cognouimus, eum febris biliosa obiisse die vigesimo mensis februarii.

Operis ornithologici, quod *Florentiis* adornari coepit, et quod alibi *) indicauimus, ita iam primi Voluminis maxima pars edita est, vt tabularum octoginta quatuor acceperimus, reliquas ad hoc volumen primum pertinentes, erunt autem earum centum et viginti, cum historia nunc etiam absolutas esse speramus, cum ipsis calendis martii huius anni totum volumen prodire debuerit. In iis, quas ad manus habemus, tabulis potissimum eminent aquilae octo, vultures septem, accipitres et falcones triginta nouem, lanii decem et septem, manucodiatae siue paradisaeae sex, cuculi quatuordecim, bubones quatuor. Delineatae et viuis, naturam imitantibus, coloribus depinguntur, quas tamen non omnes perinde nitidas inuenimus, aliquas etiam sic delineatas, vt ab exsiccatis exemplis ectypa formata esse, protinus appareat. In edendo hoc libro aliqua nunc mutata sunt, quae, quominus praetereamus, iubet aliis inseruendi desiderium. Quum enim procuratore quodam Florentiis opus esset iis, qui sibi hoc opus comparare volebant, nunc in societatem adsumti sunt varii, in variis locis collectores, praecipue bibliopolae celebrium ciuitatum, penes quos sua nomina profiteri, pecuniam soluere, atque edita deinde exempla habere possint operis huius patroni. Erit autem pretium duodecim tabularum (*lire 9.*) et illi, qui subscriptos colligendi onus in se fuscipiunt, habebunt

lucrum

*) Comment. nostr. Vol. XII. P. III. p. 568.

ucri loco decimam partem, si centum soluerint, vel, qui decem subscriptos collegerit, exemplar unum gratis accipiet. Notamus denuo, omnium quorum descriptionem latinam atque italicam dari, in forma chartae imperiali, titulo variis, in aes incisus, ornamentis coruscante. Dissertationes ad hanc scientiam spectabunt, systemata huc spectantia et cognita delineabuntur, addetur etiam bibliotheca ornithologica, ultimoque tomo adicientur necessarii indices. Tabulae ipsae singulis sociis, ut exempla iam edita docent, nuncupantur, nomen et honoris titulos complexurae. Ne de ipsius operis ulteriori editione quisquam dubitet, affirmant editores, totum fere opus iam absolutum esse. Sunt autem qui edunt Cl. D. XAVERIUS MANETI, in explicatione et descriptione tabularum occupatus, et Abbas Cl. LAVRENTIUS DE LAVRENTIIS, nec non egregia VIOLANTE VANNI in delineandis, in aes incidendis pingendisque tabulis, nec non addendis ornamentis, studium suum adhibentes. Hic Lipsiae in officina libraria Io. Friderici Gleditschii collectio subscribentium instituetur.

XXXI.

Supplementum alterum indicis scriptorum physico-medicorum, quae anno 1762 prodierunt.

Verhandelingen uitgegeeven door de Hollandsche Maatschappye der Weetenschappen te Haarlem. Zesde Deels tweede Stuck. Te Haarlem, 8. c. tab. aen.

Descriptions des Arts et Metiers faites ou approuvées par Messieurs de l'Academie Royale des Sciences: Ardoises, Cirier, Parchemin, Cuir doré, ou Argenté. à Paris, fol. mai. c. tab. aen.

Dissertationum experimentalium ex Comment. Acad. Imperial. Petropol. excerptarum Tomus I. acc. disp. experimentalis *de electricitatis theoria et usu*, quam defendit Ill. ANTONIVS L. B. PONGRACZ DE SZ. MIKLOS ET OVAR, anno 1762. Vindobonae, 4. c. tab. aen. (*Auctor huius dissertationis est FVLGENTIVS BAVER, Physf. Prof. Vindobonensis.*)

Produzioni naturali, che si ritrovanni in Ravenna, metodicamente disporte, e con Annotazioni illustrate. in Lucca. 4. c. tab. aen.

Speſtacle de la Nature. Nouvelle Edition. Tome I-IX. à Paris, 12. av. fig. Voll. 8.

Tre Consulti, fatti in difesa dell' Inneſto del Vajuolo da tre Dott. Teologi Toscani viventi, e dedicati dall' editore all' Eminent. Principe, il Sign. Cardinale IGNAZIO MICHELE CRIVELLI, Legato di Romagna etc. In Milano, 4. mai. (*Auctore Cl. GIOVANNI CALVI*).

Ars medendi, ſiue doſes et vires medicamentorum omnium, tam galenicorum, quam chemicorum, in pharmacopoeia Collegii regalis medicorum Londinenſis, impreſſa 1746, ordine alphabetico exaratae atque indice morborum accommodatae; cura et opera medici in Comitatu Staffordiae. Londini.

Vterus duplex in muliere defuncta nuper detectus et obſervationibus illustratus ab O. ACREL, M. D. Holmiae, 8. mai. c. tab. aen.

D. GUIL. BAUMER disp. inaug. de mali hysterici vera indole et curatione. Resp. Io. Christ. Frid. Gottschalk. Erfordiae, 4.

ODOFR. CHRISTOPH. BEIREIS disp. inaug. de paralyfi grauiſſima femorum crurumque ſanata. Resp. Io. Philip. Duroi. Helmſtadii, 4.

ANTO BENETTI, L'accorto ſattor di villa, o ſia oſſervazioni per il governo della campagna, colla maniera di coltivare gli alberi da frutto ; ſeconda Edizione accreſciuta. in Venezia, 8.

D. HEINR. WILH. BERGII *Cameraliſtenbibliothek, oder vollſtändiges Verzeichniß dererjenigen Bücher und Schriften, welche von dem Oeconomie-Policey-Finanz- und Cameralweſen handeln.* Nürnberg, 8.

ERDMANNI BOERHAAVE *materia medica,* Lugd. Bat. 8.

BONIS de hydropſia, ſiue de potu aquae. Venetiis, 4.

ORN. CELSVS et SER. SAMMONICVS, cum notis variorum, MORGAGNI epiſtolis, et FACCIOLATI obſervationibus. ibid. 8.

ouvelles obſervations theoriques ſur la Goutte, avec le detail des plantes, etc. qui forment le remede ſpecifique, calmant la goutte; par Mr. CHARY DE MONGERBET. à Paris, 8.

EPH. COMPSTAFF disp. de criſibus et diebus criticis. Florentiae.

. HENR. CRÜWEL disp. inaug. de ignis analyſi ac poteſtate in corpus humanum. Lugd. Bat. 4.
ſſertation ſur l'usage de boire à la glace, par Mr. D. D***. à Paris.

. PETR. EBERHARD disp. inaug. de aequilibrio virium in corpore humano. Resp. Io. Emman. Rothart. Halae, 4.

CAR. LUDW. DE L'ESTOCQ de regimine feminis honoratioribus praescribendo. Seruestae.

ANT. NIC. HAAG, disp. inaug. de hydrophobia. Argent. 4.

IO. SAM. HALLENS *Werkstätte der heutigen Künste, oder die neue Kunstgeschichte. Mit Kupfern und Vignetten. Zweyter Band. Brandenburg und Leipzig, 4.*

FRIDR. WILH. HASTFERS *Goldgrube in Verbesserung der Schaafszucht, nebst einem Rath gegen die Schaafspocken; auch einigen Anmerkungen des LINNAEVS hierüber. Bern, 8. m. K.*

Commentatio epistolica, qua Musei disputatorii physico-medici aestimatoribus ac promotoribus, etc. grates persolvit, atque ulteriorem susceptorum suorum rationem exponit D. IO. CAR. HEFFTER. Zittaviae et Lipsiae, 4.

LAVRENT. HEISTERI compendium medicinae practicae. Venetiis, 8.

Historia della medicina, della sua origine fino a nostri tempi, trad. dall'Anglese di Sign. JAMES, coll'aggiunta di due copiosi Indici degli Autori, e delle materie. in Venezia, 8.

Demonstratio uteri praegnantis mulieris, cum foetu ad partum maturi, in tabulis sex ad naturae magnitudinem post dissectionem depictis, et ea methodo dispositis, ut huius status grauidi amplam ob oculos ideam collocet, cum explicatione, cura et studio CAR. NIC. IENTY. A. M. et Chir. Prof. ad exemplar Londinense translata, a D. CASIM. CHRISTOPH. SCHMIDEL, in aes incisa et excusa ab I. M. SELIGMANN. Norimbergae fol. reg.

WENCESL. LANGSVERT disp. de causa rubedinis in sanguine humano. Pragae, 8.

- IC. LEMERY *Farmacopea vniversale*, che contiene tutte le composizioni, che sono in vso nella medicina. in Venezia, fol.
- D. LONGOLII *Progr. de charta indubie linteae habetenus notis antiquiore. Curiae Varisc.* 4.
- ettres sur la certitude de signes de la mort, avec des observations sur les noyés, par Mr. LOUIS, à Paris, 12.
- D. CHRIST. MATERNI *disp. de motu humorum progressiuo, veteribus non ignoto. Resp. Frid. Wilh. Petr. Fabricius. Altenauiae*, 4.
- The medical Works of RICHARD MEAD. London, 4.
- O. BAPT. MORGAGNI *Epistolae anatomicae decem et octo, ad scripta pertinentes celeberrimi Viri ANT. MARIAE VALSALVAE. Venetiis*, fol.
- iusd. *de sedibus et causis morborum, cum opusculis et epistola miscellanea. Voll. 8. Neapoli*, 4.
- ERNH. NAVMANNS *Leipziger Rosarzt*, 8.
- NDR. NVNN *Progr. de delirio hysterico. Erfordiae*, 4.
- ibliothèque choisie de medecine, tirée des ouvrages periodiques, tant françois, qu'etrangeres, avec plusieurs piéces rares, et des remarques utiles et curieuses, avec un très grand nombre des figures gravées en taille douce, par Mr. PLANQUE, Tome VII. à Paris, 4.
- Essai sur les affections vaporeuses de deux sexes, contenant une nouvelle methode de traiter ces maladies, fondée sur des observations; par Mr. POMME le fils. à Paris, 12.
- Flora Esppannola ó Historia de las Plantas, que se creaci en Esppanna, su Auctor D. JOSEPH QVER Vol. III. En Madrit, 4. c. tab. aen. 79.

Traité des maladies, qu'il est dangereux de guerir, ouvrage utile et necessaire aux Medecins et Personnes, sujettes à des incommodités habituelles; avec dix observations nouvelles et interessantes; par Mr. DOMINIQUE RAYMOND. etc. à Avignon.

Topographia Orenburgskaja, etc. i. e. *Umständliche Beschreibung des Gouvernements Orenburg; verfasst vom Herrn PETER RYTSCHKOV; I und II Theil. St. Petersburg. 8. in lingua Russica. (multa continet ex historia naturali).*

BENIAMIN STILLINGFLEET'S Miscellaneous Tracts, relating to Natural History, Husbandry and Physik. London, 8.

THEOD. GER. TIMMERMANN disp. inaug. de inflammatione vteri cum subiuncta observatione de vteri sarcomate. Resp. *Christoph. Henr. Böttger. Rintelii*, 4. c. tab. aen.

Memoires pour servir à l'histoire des eaux de Teplitz, par Mr. TROSCHEL. à Dresde.

(Eiusdem) *Allgemeine Nachricht von den verschiedenen Mineralwassern, Salzen, Pulver und Balsam der Biliner Gegend. Leutmeritz, fol.*

(Eiusdem) *Töplitzer Nachricht von der dasigen Einrichtung mit den mineralischen Wassern, Salzen, Pulvern und andern Producten, welche aus der Nachbarschaft und dem Orte alhier vorsündig, und mit, auch ohne Badecur gebraucht werden können; zum Behuf der Fremden. ibid. fol.*

JAC. WEPFERI Historiae apoplecticorum, observationibus et scholiis anatomicis medicis quam plurimis elaboratae et illustratae, vna cum epistola IO. OTT, de scriptis HOLDARI de elementis sermonis, et MORLANDI de Stentophonia; accessit-

cefferunt observationes circa apoplexiam, vt et
BERNARDI HVCTAE curatio maniae. Vene-
tiis, 8.

XXXII.

pplementum indicis scriptorum physico - me-
dicorum, quae anno 1763 prodierunt.

*Allgemeines oekonomisches Forstmagazin, in welchem
allerhand nützliche Beobachtungen, Vorschläge
und Versuche über die wirthschaftliche Policey und
Cameralgegenstände des sämtlichen Wald-Forst-
und Holzwesens enthalten sind; gesammelt von einer
Gesellschaft, deren ordentliches Geschäft ist, Waldun-
gen zu gewinnen, zu benutzen und zu erhalten. I
und IIter Band. Frankfurth und Leipzig, 8. (Au-
store IOH. FRID. STAHL.)*

*meinnütziges Natur und Kunstmagazin, oder Ab-
handlungen zur Beförderung der Naturkunde, der
Künste, Manufacturen und Fabriquen. Ister Theil,
Berlin, 8,*

*mlung auserlesener Wahrnehmungen aus der Arz-
neywissenschaft, Wundarzney und Apotheckerkunst,
7der Band. Strasburg, 8,*

*tionnaire domestique portatif, concernant toutes
es connoissances relatives à l'Oeconomie dome-
tique et rurale, où l'on detaille les différentes
branches de l'agriculture; la maniere de soigner
les chevaux; celle de nourrir et de conserver
toute sorte de bestiaux; celle d'élever les abeilles,
les vers à soie, et dans laquelle on trouve les in-
structions nécessaires sur la chasse, la pêche, les
arts, le commerce, la procédure, l'office, la cui-
sine,*

fine, etc. par une Societé de Gens des lettres.
Tome seconde à Paris, 8.

*Die Schwäbische Köchin, welche alle Arten von Koch-
und Backwerk auf das beste zuzurichten lehrt.*
Frankfurth, 8.

Der juristische und medicinische Charlatan. 8.

Gebrauch der Berg- und Wünschelruthe. 8.

*Gedanken von der Erfindung des Bergwerks zu Frey-
berg.* Chemnitz, 8.

Traité des fievres malignes et pourprées. à Mont-
pellier, 8.

*Defense de la doctrine des combinaisons, et refuta-
tion du dixieme Memoire des opuscules de Mr
D'ALEMBERT, avec deux lettres au même, l'une
sur la dissertation, lue dans l'Acad. des Scienc
pour prouver, qu' on ne peut soumettre l'inocu-
lation au calcule des probabilités; et l'autre sur
un article du Dictionnaire de l'Encyclopedie au
mot de Croix et Pile.* à Paris. (Aucteur est Cl
DE LA RYDELIERE.).

*Lettre à M** contre l'Inoculation, qui combat le
Memoire historique de M. DE LA CONDAMINE
lû à l'Acad. Roy. des Scienges, sur l' Insertion de
la petite verole, dans la quelle sont inferés des
principes pour la connoissance et la guerison de
cette maladie.* à Nancy et à Paris, 12.

Essai sur la Jurisprudence de la Medecine. à Pa-
ris, 12.

*Psychologia, siue motuum animalium et reciproco-
rum machinae animalis, theoria medica, omnes
humanos actus autoptica et facili, quamuis ha-
ctenus inaudita, methodo explanans, Auctore A
R. P*

R. P. PAVLO MARIA ASTENSI, Ord. Capuc.
Phil. et Med. Doct. Venetiis.

ST. CHRONANDER Afhandling om Luftens
formaga at medelst blafors utvidgande lyfta tyng-
der. Resp. Io. Garlovius. Abo, 4.

G. I. GLADBACHS Beschreibung von den Krank-
heiten, die von der Kleidung entspringen. Frank-
furth, 8.

GEORG FRIEDRICH GUTERMANN *Aechte
Endbindungskunst, worinnen der Mißbrauch stumpfer
und scharfer Instrumenten gemißbilliget, hingegen
durch practische Erzehlungen gezeiget wird, daß
öfters bloß durch eine geschickte Wendung die Kin-
der und Mutter bey Leben erhalten werden können.
Oder zweyte Auflage seiner Bedenken über mancher-
ley verunglückte Geburten. Zwey Theile. Frank-
furth und Leipzig, 8.*

ANCISC. GOTTHOLD HARTWIG Epist. de usu
scientiae medicae in theologicis. Lipsiae, 4.

D. HENR. LEO HILCHEN disp. inaug. de vul-
nerum in intestinis lethalitate. Resp. Frider. Lu-
dou. Nitsch. Gieslae, 4.

EMKE HARING KNODSEN disp. inaug. de pleu-
ritide vera. Lugd. Batau. 4.

P. KRAVSENS kluger und sorgfältiger Gärtner,
oder nützliches Handbuch für die Liebhaber eines
wohl eingerichteten Lust- Küchen- und Baumgar-
tens. Langensalza, 8 m. K.

MAAS disp. inaug. de hydrope, Trai. ad
Rhen. 4.

ERARD NITERT disp. inaug. de peripneumonia
vera. Lugd. Bat. 4.

ERARD. ALBERT NOORTWYK disp. inaug. de
organis respirationis, eorumque usu. ib. 4.

THIMOTH. CHRIST. OVERKAMP brevis commentatio in quaestionem : an aer elasticus operationis sanguini per pulmones transeunt admisceatur? Gryphiswaldiae, 4.

ANDR. VAN RIEBEEK disp. inaug. de salivâ. Lugd. Bat. 4.

GEORG ROTHENS *kurzer Begriff der Naturlehre* Görlitz, 8.

RAPH. BENEVENT. SABATIER Theses anatomicae et chirurgicae (*de encephalocèle seu hernia cerebri*). Resp. Io. Bapt. Guil. Ferrand. Parisiis, 4.

EDVARD SANDIFORT disp. inaug. de pelui, eiusque in partu dilatatione. Lugd. Batav. 4.

IAC. WHITE disp. inaug. de rheumatismo. ib. 4.

CORNEL. YSERMANS disp. inaug. de vesica urinaria eiusque ulcere. ib. 4.



Contenta in hac parte.

Histoire et Memoires de l'Acad. Roy. des Sciences à Paris; Année 1761	P. 3
Della Preservazione della Salute de Letterati: di G. A. PVJATI	22
. Memoires sur les signes du Suicide et de l'Assassinat; par M. LOUIS	26
. IEDERMÜLLERS <i>Nachlese seiner mikroskopischen Gemüths- und Augenergötzen</i>	29
The Vegetable System by JOHN HILL, Vol. V. VI.	34
. BROCKLESBY'S Oeconomical and Medical Observations etc.	43
I. MONRO'S Account of the Diseases in the British Military Hospitals etc.	50
II. PRINGLE'S Diseases of the Army. The 5. edition	56
. FR. HOME principia medicinae	65
Diff. epist. di ANT. LIZZARI l'operazione detta paracentesi nell'idropisie etc.	69
. Journal de Medecine par Mr. ROUX. Tom. XIX. XX.	72
I. GOUAN Flora Monspeliensis	95
II. WHYT'T'S Observations of Nervous Disorders etc.	100
V. Voyage à la Martinique	115
7. Traité des Maladies les plus frequentes à Surinam, par PH. FERMIN	119
VI. ROVPE de morbis nauigantium	122
VII. Noui Commentarii Ac. Sc. Imp. Petropolitanae. Tom. IX.	128
VIII. A. SEBAE thesaurus rerum naturalium. Tom. IV.	132
X. CRANTZ materia medica	135
XX. Mu-	

- XX. Museum LVD. VLRICAE, Reginae et
ADOLPHI FRIDERICI, Regis Sueciae,
editum a LINNAEO. Tom. I. II. p. 139
- XXI. BAKER de catarrho et dysenteria Lon-
dinenfi 141
- XXII. HAVSMANN Diff. acidularum Sulzba-
censium historia 146
- XXIII. SIGWART Diff. Cystotomia lateralis
Moreauiana etc. 150
- XXIV. FRACASSINI Opuscula Physiologi-
co-Pathologica 152
- XXV. IOAN. A BONA de Scorbuto 154
- XXVI. V. DOEVEREN specimen obseruatio-
num academicarum 159
- XXVII. SNIP Diff. de Lithotomia 164
- XXVIII. BRÜNNICHEN *Historie des Eider-
vogels* 169
- XXIX. WHEELERS Botanist's and Gardener's
new Dictionary 168
- XXX. Noua physico-medica 169
- XXXI. Supplementum alterum indicis scri-
ptorum physico-medicorum, quae anno
1762 prodierunt 181
- XXXII. Supplementum indicis scriptorum
physico-medicorum, quae anno 1763
prodierunt 187

